

**SIXTH LEGISLATIVE ASSEMBLY OF MIZORAM
(FIFTH SESSION)**

LIST OF BUSINESS

**FOR ELEVENTH SITTING ON WEDNESDAY, THE 31st MARCH, 2010
(Time 10:30 AM to 1:00 PM and 2:00 Pm 10 4:00 PM)**

MEMBER PRESENT

Pu R. Romawia, Speaker at the chair, Chief Minister, Deputy Speaker, 10 Minister and 26 Members were present.

QUESTION

1. Question entered in separate list to be asked and oral answer given.

FINANCIAL BUSINESS
DISCUSSION AND VOTING ON DEMANDS

2. **Pu P.C. LALTHANLIANA**, Minister to submit to the vote of the House various demands under his charge.
3. **Pu LAL THANHAWLA**, Hon'ble Chief Minister to submit to the vote of the House various demands under his charge.

LEGISLATIVE BUSINESS
Bill for introduction, consideration and passing.

4. **Pu LAL THANHAWLA**, Hon'ble Chief Minister to beg leave of the House to introduce "The Mizoram Appropriation (No.2) Bill, 2010".

ALSO

to introduce the Bill
to move that the Bill be taken into consideration

AND

To move that the Bill be passed

Note : Please see bulletin Part-II Sl. No 90 dt. 22.3.2010 various demands to be submitted to the vote of the House by different Ministers.

SPEAKER : Thil petu chuan ui lovin pe rawh se; roreltuin taima takin rel rawh se, mi khawngaihtuin lawm takin khawngaih rawh se.

Rom 12:8

Zawhna No. 165 kan la anga member zahawm tak Pu K. Liantlinga zawt turin ilo sawm ang.

Pu K. LIANTLINGA : Pu Speaker, Minister P.H.E Department chhan atan. Ka zawhna Starred Question No. 156 na chu hei hi a ni e.

- a) Aizawl khawpui chhung atana sewerage system ruahmanna hi engchen nge kalpui a nih tawh ?
- b) Sewerage system kalpuina tur atan hian sum lamah harsatna a awm em ? Awm ta se, eng vang nge ?

SPEAKER : Chhang turin P.H.E enkawltu Minister Pu S. Hiato ilo ko ang.

Pu S. HIATO, MINISTER : Pu Speaker, member zahawm tak Pu K. Liantlinga zawhna starred question No. 156 chhanna chu :-

- a) P.H.E Department-in survey neiin proposal pawh a siam tawh thin a sanction hmuh a nih loh avangin hna tan hun sawi theih a ni lo.
- b) Sewerage system hi 2003 khan crore 193 in estimate siam a ni a. Chu chu Ministry of Urban Development ah kan thehlut a. Amaherawhchu tun thlengin Financial sanction kan la hmu lova. A pawisa Central atanga min pek loh chuan keini State atang chuan kan tan thei rih lo a ni.

SPEAKER : Zawh belhna Pu K. Liantlinga

Pu K. LIANTLINGA : Pu Speaker, ka lawm e. Hei chen hi kan kal chho tawh a, Sewerage system kal theih lohna chhan hi tuna a sawi ang kha chuanin technical financial sanction ni khan a sawi a.

Technical sanction hi 2005 June ni 6th khan hmuh a ni a. Tunah hian Municipal kan in thlan theih loh vang leh Urban Local Body awm loh vang hi a ni mai lo maw ? tih kha ka zawhna a ni.

SPEAKER : Chhang turin Minister i lo sawm ang.

Pu S. HIATO, MINISTER : Pu Speaker, a nihna lai a awm mai thei a. Mahse tuna technical approval hi a sawi ang khan 2005 June 6th ah min pe a ni a. Amaherawhchu, an requirement an rawn tih ah hian 135 Lpcd a ngai an ti a. Tunah hian phase-II kan la pump chhuah loh avang leh 135 Lpcd kan neih theih loh avangin Sewerage system tur chuan a tlenfai nate, tih thianghlim nate, tui a ngai tam si a.

Tunah 70 Lpcd chauh kan hmu si a. chu chu kan tih theih lohna chhan pakhat a ni.

Aizawl hi zone 3 in then a ni dawn ta a. Zone 1 (khat) naah chuan Bawngkawn atanga Kulikawn inkar leh ITI te hi a huama. A pahnihna Zone-II ah chuan Aizawl tlak lam leh hmarlam, Vaivakawn-Tuikual leh Luangmual huam in siam a ni a. Zone-III ah chuan Aizawl tlak lam leh Maubawk inkar te hi a huam a ni.

Hemi Sewerage project hi JNNURM atanga tih tur pawhin hma kan la mek a. Tunah hian estimate chu zone 2 leh zone 3-na atan hian kan siam mek a. Zone-I na erawh hi chu ADB in an lak dawn avangin la tih loh a ni a, nimirah sports Minister in UD&PA a chhannaah khan a chiangin ka ring a, chuvang chu ani e.

SPEAKER : Le, zawhna No. 157-na ah kan kal ang a zawt turin Pu B. Lalthlengliana ilo ko ang.

Pu B. LALTHLENGLIANA: Pu Speaker, Starred Question No. 157 PHE Minister zahawm tak chhan atan kum 2009 chhungin Mizoramah tui in tur pek chungchangah fully covered, partially covered leh non-covered khuate engzat theuh nge awm? tih ka zawt e.

SPEAKER : Chhang turin Pu S. Hiato, Minister for Public Health Engineering Department i ko ang.

Pu S. HIATO, MINISTER : Pu Speaker, member zahawm tak Pu B. Lalthlengliana zawhna 157-na chhanna chu kum 2009 chhunga Mizoram PHE Department tui pek dan dinhmun chu hetiang hi a ni :-

- | | | | |
|----|-------------------|---|--|
| 1. | Fully covered | = | 348 (Water supply level 40 Lpcd and above) |
| 2. | Partially covered | = | 398 (Water supply level 10-40 Lpcd) |
| 3. | Non covered | = | 31 (Water supply level 0-10 lpcd) an vaiin khua 777 ani. |

SPEAKER : Zawhbelhna Pu B. Lalthlengliana

Pu B. LALTHLENGLIANA : Pu Speaker, he zawhna hi nikum October thla khan ka zawt tawh a. Amaherawhchu, ka dam sam loh avangin ka kal thei lova, chumi tuma Minister zahawm takin ka zawhna a chhanaah chuanin non-covered kha 87 ani a partially covered 219 ani a, fully covered kha 471 tih kha ami chhanna ani a. Tunah hian fully covered kha 471 atangin 348 ah a tla thla daih mai a, enge a chhan ? Partially covered kha chu a hmasawn zawngin a kal a 219 atangin 398 ah a kai chhova tin, non-covered kha 87 atangin 31 ah. Hei hi chu hma an sawn avangin non-cover kha a tla hniam ni turah ka ngai a. Kha kha engnge a chhan ?

SPEAKER : Chhang turin Minister i lo ko ang.

Pu S. HIATO, MINISTER : Pu Speaker, fully cover kan tih hi kan tui pipe-te a rei tawh avangin tuiiek in a lo chhe deuh vek mai a, tin, tuilakna hi kan lak lain tha viau mahse, tam tak a kang ta a. Chu chuanin fully cover kha a tihhniam leh ta a ni.

SPEAKER : Pu B. Lalthlengliana zawhbelhna.

Pu B. Lalthlengliana : Pu Speaker, thla 4/5 chhungin khati zet khan a lo tlahniam a nih chuan kumin a liam chuan fully cover kha a va tlahniam nasa duh awm ve ? kha kha engnge ni a tih damna tur ? a damdawi hi engnge ni ang ?

SPEAKER : A chhang turin Minister ilo ko leh ang.

Pu S. HIATO, MINISTER : Pu Speaker, a dik khawp mai, kumin phei chu hei tui kan harsa a, khawtin, V/C tinin tui an neih loh thu min hrih a, a chhan chu fully cover tawh a kan ngaih kha tui luang tur a awm tawh silo va, Chuvang chuan fully cover kan tih chuan henglai hi fully cover an ti si a, a va tlem duh awm ve ? tih kha zawhna a awm dawn avangin keini chuan a dikna actual khan kan han chhang mai ani.

SPEAKER : Awle, duh tawk angaw, ngawpui siam that kan mamawh a ni. Tunah Starred Question No. 158-na Pu B. Lalthlengliana leh Pu C. Ramhluna nen annei khawp a. Pu C. Ramhluna zawkin zawt rawh se aw Pu C. Ramhluna ilo sawm ang.

Pu C. RAMHLUNA : Pu Speaker, nichinah khan a zawt tawh bawk a kan zawt mai ange. Hei hi sawi nual tawh kha ani a mahse alo chhuak sia kan zawtve a nge. Health and Family Welfare Department Minister zahawm tak chhan atan Starred Question No. 158-na Sorkar hmasa hun laia mobile medical van a lei, tuna sawrkar mek opposition an nihlaia a hlui ti a buaina hial an siam kha a hlui chu alo ni reng em ? (b) Nise kha mobile medical van leia inhnamhnawih tupawh chungah eng action nge lak anih (c) Aizawl Civil Hospital building sak thar chhawngkhat bo ni a sawi October 16,2009 a un starred question No. 7-na zawhna chhannaah; a bo leh bo loh hriat a ni rihloh avangin action lak awm kan hrelo; ti a chhan kha Sorkar hian abo leh bo loh tunah hian a hre tawh em ? (d) La hrelo nise hre turin eng hun chhungin nge a chhuichhuah theih ang ? tih ka zawt e.

SPEAKER : Chhang turin Pu Lalrinliana Sailo, Minister for Health & Family Welfare. Thu panggaite sawi nawn fo hi ka tan a hreawm lova, in tan a hlawk bawk si tih kha chang thlan zel ang.

Pu LALRINLIANA SAILO, MINISTER : Pu Speaker, member zahawm tak, khawchhak tuipui bialtu Pu B. Lalthlengliana leh member zahawm tak Pu C. Ramhluna, Lawngtlai khawthlang bialtu te zawhna chhanna chu hetiang hi a ni : (a) Anti- Corruption Bureau, Mizoram a chhui mek a. A hlui a nih leh nihloh hi chhuichhuah a, report ala awm loh avangin ka hrethei lo a ni. (b) Chhanna chu a hlui leh a hlui loh finfiah chiah ala nihloh avangin tu chungah mah action la lak rihloh a ni. (c) Chhanna chu hei hi PWD lam atanga chhui mek a ni. Tin (d) Chhanna chu chhuichhuah theih hun tur chu hriat a ni lo tih a ni. Tin, Pu Speaker, ni e hei hi kan sawi tam tawh a, sawi pawh a hlawh a, ministry hun hmasa lamah chanchinbuah a khat chuai chuai a, kan sawi tawh a, chanchinbute an chak a tichuan chanchinbu thenkhat a lo chhuah chu keinipawn i vei lama kan awm lai hianin engtizia nge ni khawiah nge kan tih chiah mai, amaherawhchu helai a zawhna buaina hial an siam tih kha, tiang hian chuan buaina an siam lova (hemi mobile van ah hian). Tuna kan Home Minister zahawm tak hian Sihphirah motor kha a hovin an lo en a tichuan motor chungah te chuanin a hlui nia an hriat ngei dan kha an sawi a ni a. Tiang chuanin OPD building pawh chutiang chu a ni. Hei hi kan sawi anga order hi, Order in the interest of Public service, Governor of Mizoram is pleased to order Pu John Rammawia Superintendent Engineer, (tunah hian Chief Engineer a ni tawh a). PWD to enquire into the allegation that construction of OPD building at Civil Hospital, Aizawl was not done as per plan and estimate and that the quality of the works was poor, he shall make the inquiry on the basis of the findings of Anti-Corruption Bureau Mizoram, He shold submit his report within 30 days” a rawn ti a, signed Liansanga, Secretary to the Government of Mizoram, Public Works Department tih a ni. Kan sawi tawh ang khan chhui mek a ni a, Law shal take its own course tih a kha kan rilru a ni ber e.

Pu B. LALTHLEGLIANA : Pu Speaker, i veilam a thu te hian kan la sawi tam lo zawk a nia. I dinglama kan thutlai chuan an ni ho hian an rawn dek ring thei nasa khawp a. Tun thleng hian ka bengah a ri hi a la chamin ka hria. Chanchinbu han chhiar ila, front page ah hian a lang reng mai bawk a. Keini hi chuan kan la sawi lo zawk viau a nia.

Pu Speaker, ACB in an finding atanga Pu John Rammawia, C.E ni ta chhui tura an tih hi a rei ve ta viau a. Khatiang building estimate amount awmsa vek, a building sak tur structure pawh awm sa vek, chhawng khat bo ti a sawi kha C.E tan pawh chuti chen chen, (nikum October zawhna ah khan khati khan min chhang tawh a) tun thla 6 anih hnuah pawh a chhuina finding la hriat hleih theih loh kha Pu Speaker, kan zawh fo nachhan hi, heng thil hi in puhmawhna mai mai anih chuan a tha in kan hre lova. A lo bo tak tak anih chuan tuna khan Chief Minister zahawm takin, 'dan chuan ama kawng a zawh mai dawn a ni,' a tih kha kaltlang pui law law hi tha kan ti. Tin, chutiang bawkin mobile van pawh a hlui leh a thar chhui hi motor ka leia ka tualah ka dah a, thenawmpa pawh lo kal sela a hlui leh a thar chu a hre lutuk. Nikum engemaw hun laia motor lei tawh wawiin thlenga a hlui leh a thar a nih fiah theilo khawp Sorkar anih he Sorkar hi ka ring lo. Chuvang chuan hei hi chu, Pu Speaker, rang taka chhuichhuah anih theih na turin Parliamentary enquiry committee siam ila. Opposition leh Ruling atangin member min ruat sela, chhui ila. A lo hlui anih chuan 'a hlui' kan ti anga, a thar chu 'a thar' kan ti mai ang.

Pu R. LALZIRLIANA, MINISTER : Pu Speaker, khawngaih takin, Point of Clarification. Ni e, Mobile Van te hi chu tunah parliamentary team han siam te chu an hoh tawh zia chu, hman a a lo thlen lai chiah khan tuna member zahawm takin a a sawi lai hian a hlui ani tih kan finfiah vek a. Chutah chuan finfiahna tur khan Sorkar khanin order rawn chhuah mai sela, 'hei hi han ti rawh u,' ti mai sela. An ti ngam tawh lo a, tunah nikhua a rei a, kum thum kum li lai a kal hnuah hian a hlui leh a thar kha tunge finfiah thei tawh ang ? Heng hi chhui chhui pawh a tul tawh lo. ACB in a chhui a nih pawhin tih tawp vek tur. A hlui a ni tih chanchinbu zawng zawng ah Press Conference ah kan sawi vek a ni. Hei hi tlang hriat a ni. (Interruption) mi a, mi mawl ber pawhin motor hlui leh thar chu kan hria. Kei pawhin sawm chuang motor thar hi ka lei tawh a hlui leh thar hi chu ka hrechiang a ni. Chuvangin ka hova kan han kal pawhin a hlui dik tak a ni.

SPEAKER : Kan ram leh hnam kal zel na atana thil hlawk thlak tak kha a ni dawna kan rin chuan huai takin a tute pawh hi kan kal turah ka ngai a, chutiang ni lem lova, eng emaw ang zawnga kha chu, kan House zahawm tak ah hi chuanin lek lam tlem theih deuh hlek hi tum ta ila. Kan zavai atan kan hming mawina a ni tlang mai awm mang e aw, tih ngaihndan kan nei ve a nih chu.

Pu B. LALTHLENGLIANA : Pu Speaker tawi tein. I kaihhraina hi kan zah khawp mai a, hei Speaker i nih hnu hianin he House i kaihhruai danah pawh a boruak hi a dam thlup reng mai a, opposition atang pawh hian boruak sang hi kan nei ngai lova, gentlemen deuhin zawhna kan zawt a, min chhanna kha, an sawi mar chuan kan pawm mai a, thil dangah kan ngai lova. Heng thilte pawh hi zawhna alo kal fo nachhan chu a hlui khati khawpa tih a nih chuan, a chhui thei leh a dik lo ti theitu an lo nih takah chuan a hlui a lo ni reng em? tih hi min hrilh mai teh se. A hlui a nih chuan kan pawm. Chu mai chu a ni kan hriat duh. Thildang rilruah engmah intention kan nei lo.

Pu LAL THANHAWLA, HON'BLE CHIEF MINISTER : Thudik kawng sira tlu reng a awm a ni. Khatilai hunah khan a zawttu te khan kha mobile van kha a hlui a ni tih kha an hria a. Tin Sorkar khan a hlui a ni tih an hre bawk a, (kan zawha te khan). Amaherawhchu, khatih laiah khan a hlui a ni tih finfiah tur khan engmah inquiry an ti duh lova. Tunah hi chuan a rei tawh a, a hlui tawh hrim hrim. Tin, O.P.D floor pakhat a bo a ni tia zawttu te khan kan hria a. Kan zawha te khan a bo a ni tih an hre bawk a. Amaherawhchu, a bo leh bo tak tak loh finfiah tur khan inquiry an ti duh lova. Chuvang chuan an ek cheh thutpui mai mai a. Tunah hian khatiang zawng zawng tur khan he Sorkar rilru hi a te tawk lo.

Pu B. LALTHLENGLIANA : Pu Speaker, a te tawk lo a tih rual khan ACB ruaiin an chhui a, finding a nei a. Chumi confirm tur chuan Engineer an ruai a. Chu chu tuna thu kal lai mek a ni. (Pu PC. Zoram Sangliana : Pu Speaker, i kaihhraina hnuaiyah zawhna hunah hi chuan zawhna pangngai hian kal ila a duhawm khawp mai a. Discussion ang maia tih ai hi chuan kan House zahawmna hi vawn nise, a ngai vawi hnih vawi thum ding lovin)

SPEAKER : Pu Tling, khawngaihni lo thu teh. Zawhna zawhlai khan chhan a nih hmian House-in, Speaker Office-in henghote hi khatianga quasi-judicial lampang a ni tih kha kan lo hre miah lova. Zawhna tuangtlam pangngai angin kan lo admit a. Amaherawhchu, kan dan 43(10) angin admit loh tur chi a ni a.

Tunah Starred Question No. 159-na zawt turin Pu Lalthansanga i lo sawm ang.

Pu LALTHANSANGA : Pu Speaker, ka lawm e. Ka Starred Question 159-na, Health & Family Welfare Minister zahawm tak chhan atan - (a) National Rural Health Mission hnuaiyah hian Health Sub-Centre thlen phak lohnaah hian Sorkar hian engtia hmalak nge a tum? (b) Health Sub-Centre-te hi nau neih theihna a ni thei em?

SPEAKER : A chhang turin Pu Lalrinliana Sailo, Minister, Health & Family Welfare Department i lo sawm ang.

Pu LALRINLIANA SAILO, MINISTER : Pu Speaker, Hrangturzo bialtu zahawm tak Pu Lalthansanga zawhna chhanna chu - Sub - Health Centre pek/din tura hmalak mek a ni. A pahnhna chu, ni thei e, tih a ni.

Pu LALTHANSANGA : Kan lo lam sual a mawni, Health Sub-Centre a ni a, hemiah hianin Institutional delivery hi tih theih tur ang chiin Bharat Nirmal Programme guideline-ah kha chuan a awm a. Amaherawhchu, hmun tam takah hian kan Sub-Centre-te hi up-grade a ni lova. Chuvang chuanin nau neite pawh hi ina la nei hi an awm deuh nual a. Tin, a thlen phak lohna kan han tih hi khimi Hmunzawl amite ang pawh khi Sub-Centre hi a la awm lo reng reng a, chu chu an ni tan khian rawn kalna turin darkar 3/4 dawn a ngai a. Tin, a area-ah khianin Lungpho PHC hnuai a ni a, an ni tan hianin Hmunzawl mipuite tana convenient zawk chu Khawlailung PHC hi a ni a. Chu chu Pu Speaker, ka'n sawi chian duhna chu, kawng hi a la tlang lo reng reng a, hmanni deuh khan a tlang ve a ni mai a, chu pawh chu Khawlailung atangin a ni a. Chuvang chuanin Khawlailung PHC hnuaihte khian dah theih a ni angem ? tih kha ka'n sawi tel duh a. Hetah hian Clinic Centre angte hi min dah sak thei angem ? tih kha ka zawhna a ni.

Pu LALDUHAWMA : Pu Speaker, nimin Evening Post lo chhuakah khan Bajaj Allianz Branch Manager thusawi a lo chhuak a. Tahchuan, Health Care sum 10 crores kan dah atanga a pung kha 3.84 crores a tling tawh a, "hei hi December 2011-ah hian a vaiin an duh chuan an lachhuak thei a ni" a ti a. Tin, mimal hming hawha deposit-tute khan an assigned vek tawh avangin Sorkara chhunluh tur a ni a, a bo pil dawn lo tih a sawi bawk a. Hmannia Wind-up-naa kan ngaihthlak nen khan a inang lo hret a. He thu hi a dik a nih chuan kan sum bo mai thei dinhmuna kan ngaih hi kan duh chuan 2011 December-ah a vaiin kan lachhuak thei mai a ni lawm ni ? Hei hi thu lawmawm tak a ni a, Department hian a hre lo nge ? Engati nge hetiang hian Minister khan min chhan mai loh ? ka ti a ni.

Tin, sum dinhmuna a tlakchhiat dawn chuan a hriat lawk theih a, duh chuan a freeze theih a, "freeze theihna tur kan dil mek a, Health Department hian phalna min pe thei lo a ni" a ti bawk a. Hengte pawh hi kan tana tha tur a nih chuan engvangin nge phalna chu an pek mai loh ?

SPEAKER : Chhang turin Minister i lo sawm ang.

Pu LALRINLIANA SAILO, MINISTER : Pu Speaker, member zahawm tak Pu Lalthansanga zawh belhna kha a lawmawm ka ti a. 13th Finance Commission

khan hriselna ngai pawimawh in leh kan thawktute lo thawhrim na zar pawh a ni a, kan Chief Minister zahawm tak Planning changtu ni bawk in min lo pein Cheng vaibelchhe 30 kha 13th Finance Commission khan min pe dawn a, chu chuan Health Sub-Centre 180 tur a an rawn figure chhuah ani a, a lawm hle in ka hria a, tin, PHC pawh chumi chungga khung tur ah chuan kan in ngai a. Kan mamawhnate ana a, sub-centre hi keimahni chuan kan pe thei lova, Central approval vek a ngaih avangin. Mahse, mamawh zawkna avangin Clinic Centre te kan lo ti ta phawt a, chumi chuan emergency leh tuna kan mamawh zual phuruk nan kan lo ti ve thin a, chutiang chuan kan sum neih dan a zirin kan enzel ang. Hmunzawl pawh kha kan hria a, theihtawp kan lo chhuah a nge tih kha ka chhanna nise.

Aizawl West-I bialtu zahawm tak rawn sawi kha thil thar a ni a, a tir phat khan kan sawi tawh a, hman zan pawh kan wind-up na ah khan, lakchhuah mai kan duh a, a chhan chu a Policy awmdan engkim kha kan hriat loh avangin cheng vaibelchhe 10 department kuta awm lova, khatia awm ringawt mai kha dik theiin kan hre lova, chu chu kan try mek a, police te pawhin tunah hian an chhui mek a ni. Police te nen ACB te nen an in dawr reng a. Tin, kan C.S in hma ala bawk a, chutiang chuan mipui ta anih ang a himtak a kal tir kha kan tum a ni. Tin, khatianga a pung kan tih kha thudik tak a ni, Market recession a awm kan ti a, tunah tak hi chuan a tha anih pawh in nikuma Global recession market chhiat duai duai lai kha chuan vaibelchhe nga, vaibelchhe ruk bak a ni lo reng reng ang 10-a kan dah kha. Chutiang chu Pu Speaker a ni a. Kha kha member zahawm takin a dawn thar a nih chuan a lawmawm ka ti a hei kan session buai nen ka lo en lova.

Tin, heng hi a dik tak chuan De-mat account an ti a, tute emaw insurance company through lohin a dah theih a ni, tunah ngei pawh hian a dah theih a ni, vaibelchhe nga pawh hi. Chu chu Health Department in emaw Helath Care Society-in emaw tute emaw through loh khan commission ei tum lo khan De-mat (de-materialised) account an ti a, chu chuan a dah theih a ni. A pung leh a commission a pawh kha a dahtute khan direct in kan chang thei dawn a. He hi thil sawi nuam pawh a ni lova, amaherawhchu a lo lan leh thin avangin kha, a rawn hria a ka lawm a. Chutiang a lo nih chuan a tha e. Amaherawhchu a hmain engmah hre lo ta chu le kan thawktute enge a dinhmun? kan ti a media ten min zawhin min hrilh dana kha kan sawi a ni a. Hei hi kum 3 tan, che thei miah lova dah a ni an ti a. December, 2008-a dah kha a ni a. Tichuan November, 2011 a lo nih chuan kum 3 a lo ni dawn ta a. Chu chu hman zana kan sawinaah pawh khan a ni a wind-up ah khan. Hei hi kum 10 policy a ni a, kum 3 chung locking period ah an dah a, tichet theih miah lohvin. Chumi kum 3-ah chuan eng angin nge kan lak chhuah leh dawn a, a Net investment zawng zawng nen Net Valued nen em ni kan tih lai taka kha a ni a. Kum 3 hnuah pawh khan lak theih loh kha kan la hlau a ni. Kum 10 policy-ah kum 3 te kha chu khawih chet theih miah loh tih phawt, a hnuah sawi fel, inbiak rem dan a zir tur a nih avang khan. Chuvangin member zahawm takin a rawn sawi chhuak kha a lawmawm hle a. Mipui tan kan ding tlang mek zel a ni e. Ka lawm e.

SPEAKER : Awle, hlen chiah kan ti phawt ang a. December, 2011-ah a chiang ang. Tunah Starred Question No. 160-na zawt turin Pu K. Liantlinga i lo sawm ang.

Pu K. LIANTLINGA : Pu Speaker, ka lawm e. Minister zahawm tak Veterinary & Husbandry Department ka zawhna starred question No. 160-na chu hei hi a ni e. Bilkhawthlir (RAHC) khu State Vety Dispensary-ah hlankai tumna a awm em ? tih a ni e.

SPEAKER : A chhang turin Pu Nihar Kanti Minister, Animal Husbandry and Veterinary i lo sawm ang.

Pu NIHAR KANTI, MINISTER : Pu Speaker, Member zahawm tak, Pu K. Liantlinga zawhna, chhanna chu 'a awm lo' tih a ni a. Pu Speaker helai hi chu Dispensary a nih chuan Doctor Post pakhat, SVFA, IVFA leh IV grade te a ngaih avangin tun dinhmunah chuan ruahman tumna a la awm rih lo a ni.

SPEAKER : Zawhbelhna, Pu K. Liantlinga

Pu K. LIANTLINGA : Pu Speaker, ka lawm e. Bilkhawthlir bial khu ran, a sa ei mai an ni lova, a chhawr a chhawr, an ni a, a dang bik a ni. Chuvang chuan an hriseh loh khan ei leh bar kawng, economy thlenga tla hniam thei a ni a. An leilet tam tak Saiphai, Chemphai, Buhchang phai, Saipum area a ni a. Ran population pawh hi a sang viau mai a, 30000 bawr vel a ni a. Heng enkawl tur hianin hei MoU te pawh kan palzut dawn a nih chuanin, tlema han in tih chak deuh a, khulai an harsatna khu ching fel thei tur hianin, kan Sorkar hianin hma a lak ngei na turin a kawng a zawn sak thei a ngem ? Hma min laksak thei a ngem ? Kan zawt nawn leh deuh kher a ni e. Pu Speaker, ka lawm e.

SPEAKER : A chhang turin, Minister i lo ko ang.

Pu NIHAR KANTI, MINISTER : Pu Speaker, Member zahawm tak sawi kha chu a dik a, kan lo enzui dawn nia.

SPEAKER : Awle, a lawmawm e. A bialtu Pu K. Lalrinthanga pawhin, chu chu tha a ti khawp ang tih ka ring e. Awle, tunah Starred Question, No 161 na zawt turin Pu B. Lalhlengliana i lo sawm ang.

Pu B. LALTHLENGLIANA : Pu Speaker, ka zawhna starred question No 161-na Health & Family Welfare Department Minister zahawm tak chhan a tan - Aizawl Civil Hospital Compound chhung a, Dawrpui Multi-Purpose centre siam tum hi engnge a thlen chin ? tih ka zawt e.

S P E A K E R : Chhang turin Pu Lalrinliana Sailo, Health & Family Welfare Minister i lo sawm ang.

Pu LALRINLIANA SAILO, MINISTER : Pu Speaker, member zahawm tak, Pu B. Lalthlengliana khaw chhak tuipei bialtu zawhna chhanna chu hetiang hi a ni - Dawrpui Multipurpose Centre siam tum chung chang hi Health & Family Welfare Department kut a nih loh avangin department lam chuam official in engmah hriatna kan dawng lo.

Chutih rualin Pu Speaker, helai ah hian sawifiah a ngai a. In thlan lain Candidate zawng zawng ten Dawrpui mipui te hnenah kan tlin chuan helai ram hi mipui tan kan pe ang tiin an tiam vek a. Chumi tiamtu te zinga kan tel ve avangin kan candidate te kan thu tiamah kan ding ang kan tih avangin helai hi mipui tan ruahmanna chu a awm a. Amaherawhchu lekhka a in a dawr a awm loh avangin Chief Minister ho te, kan Law Minister zahawm tak ho te, tin kan LAD Minister zahawm tak ho tenen a sawi in kan sawi khawm a. A thu official a awm loh avangin a chhan loh theih lova. Amaherawhchu Dawrpui khawtlang mipui mai bakah hman zanah ka sawi tawh a. Health Department a officer te, thawktu reng reng hian an damlo te an ngaihtuah a, an bur ngur ngur a. An hah em em a, intihhlimna leh han intih thawven ve na pawh hi a awm lova. Chulam chu an lo ngaihtuah lo reng reng a. Hei Medical College ah te, Hospital reng rengah te hian recreation room tha hi a awm ngei ngei tur a ni a. Medical College ah pheh chuan infiamna ang chi te, intihhlimna ang chi te hi a keng tel ngei ngei a. Tun hmian chutiang ngaihtuahna chu an lo nei lova. Tunah erawh hi chuanin khawvel hi a lo changkang tawh a. Thawktu te in tih zangkhaina, intihhlimna, inpawh tawna te pawh a ngaih ve bawh avangin, sawlai hmun a ram saw chu hleh thlak a ngai dawn a ni. Chu chu Health Department tan pawh a that hle ka ring a. Infiamna, intih thawvanna, hriselna atan pawh a that kan ring.

S P E A K E R : Zawhbelhna Pu Lalduhawma, E, Pu Thlenga question a ni a. Pu B. Lalthlengliana zawt hmasa rawh se.

Pu B. LALTHLENGLIANA : Pu Speaker, ka lawm e. Kha kan Minister zahawm tak khan Health Department chan a ni lova, a ti na a, an chhang a, a sawi thui thei viau tho va. Ka zawhbelh tur pawh hi a chhan theih tho ka ring a.

Dawrpui Multipurpose centre siam saw a thalo hrim hrim ka tihna ani lova. Amaherawhchu, Aizawl Civil Hospital hi Referral Hospital te kan tihpuitlin mai theih dawn loh avangin Mizoramah chuan kan damdawi in lian ber, thang zel tur a ni a. Chutih laia a hmun zim te, Doctor thiam rual ho pawh a compound ah quarters kan sak theih tawh loh laia saw laia Recreation centre siam saw Doctor te an hnaah a bur ngur ngur a, refresh a ngai a ni tih a chhan pakhat niawm tak a ni a. Chu ai chuan damlo serious tak zanlaiah emeregency a zai ngai a awm pawh in Doctor hla takah an awm a, koh chhungin kan chhan hman lo thei a. Chuvang chuan, sawlai Recreation Centre hmun kan hlehthlak turah sawn Doctor Quarter block-in tha tak takin engemawzat sa ta zawk ila. Damlo leh Mizoram pumpui tan kan thatpui zawk lawng maw? Doctor mahni hna a bur ngur ngur va in refresh lawk ai chuan a tha zawk lo maw tih kha ka zawhna a ni a.

Tin, Doctor te pawhin hetiang Hospital ram hleh thlak hi tha an ti lo tlang vek nia hriat a ni. Amaherawhchu, a thawktute chu Sorkar hnathawk an ni a. Sorkar berin a lak luih chuan a la a ni mai a. MNF Sorkar lai khan Police ram saw acquire a Police station hi helai secretariat chhuahsan turah hian dah nise tih ruahmanna kha awmin ka hria a. Chutiang ruahmanna te awma Police station tlang acquire theih a nih chuan Recreation Centre siam kha a tha ka ti tho. Mahse tuna a awm ang ang acquire si lova, hlehthlak saw chu kan ram kalzel ah hian a that ka ring lova. Chu chu kan zawt leh a ni.

Pu LALDUHAWMA : Pu Speaker Dawrpui veng bil mamawh leh rampum mamawh intawm tawn theih tho tur a ni a. Commitment te pawh neih a ni tih kan hria a. A pahnih khan sawtah sawn indipdal lutuk lovin “on call” ho dahna tur nen garage te nen tih theih dan awmin an sawi tlat mai a. Kan Minister hian chutiang zawng chuan hma lak theih a ni em tih min han hrilhfhiah se ka duh a. Hei mi zai tur an awm hian grade-IV atangin a tlem berah mi 5 an awm a ngai a. Koh chawp vek an nih thin avangin nunna chan hman te pawh an awm thin a. Hnaivaiah koh mai theiha an awm chuan a tangkai em em dawn a, khami bo chuang lo khan dahkawp theih dan hi a awm em tih ka zawt a.

Tin, 2-na ah chuan Civil Hospital a thawktu zawng zawng Nurse te, sister te ho zawng zawng an appointment letter kha a original attested copy theh lut vek tura hriattir an ni a, an seniority list siam an duh avangin Sorkar chuan khang kha a kaw l sa vek tur niin an seniority a hrevek tur a ni lawm ni? Anmahni hnen atanga leh koh tlat mai kha, a diklo te kha rawn theh lut ta sela, a junior deuh kha senior deuh ah a kal daih thei asin. Engtizia nge he thil hi? Sorkar mualphona a ni lawm ni? tih ka zawt a ni.

Pu LALRINLIANA SAILO, MINISTER : Pu Speaker zawhna neitu zawhna zawk kha chhang hmasa ila. A pahnihna nen pawh khan a inang deuh tho mai a. Saw saw an sawi ang khan hmun pawimawh tak a ni a. Amaherawh chu Pu Speaker, khawvel a lo inher danglam zel a. Medical lamte technology leh thil

hrang hrangte Civil Hospital saw master plan awm lova sak anih avangin sum lokal leh ah khan an bel zel a. Ward a ni emaw, thil hrang hrang te pawh ni teh se AYUSH an nei a, en chian chuan building chhungah sawn eng engemaw a awm teuh a ni. Regional council centre tihte thil hrang hrang a awm a, a ni chuaiah mai a, kan Chief Minister zahawm tak hian a ngai pawimawh a, tun hma kha chuan bawlhhlawh lian tak kan House Leader-in a tih ang deuh khan a ni a. Tichuan, felfai taka beautification and city atan pawh nise, tihte rilruah a awm a, saw zawng zawng saw dismantle veka siam that leha plan fel tak leh mawi tak anih tur ang taka Gas pipe line te, Oxygen te, Ramp te fel taka tihte pawh hi a tha lawm ni ? tihte pawh hi kan ngaihtuah thin a. Thil kal sa te alo awm a, a hma a kan sawi tawh ang khan, chuvangin sawtiang ti niaih nuaih saw rilruah pawh a lang nual ani. Chutih rualin nichina kan sawi ang khan hmanlaia kan pi pu te an tih Dawrpui khawtlangin an tih tuna quarter awma saw, sawtah sawn a leng tho ang a. Tin chumi kan sawi leh tuna casualty inkarah sawn National Rural Health atangin tuna kan sawi tho building kha a tawn tawna pahnih sak tur a ni a. Chu chu ruahmanna a awm mek a. Ka hriat sual loh chuan block khatah khan quarter 36 a awm ang a, leh lamah 36 a awm ang a leh lamah 36 a awm ang a. Tuna doctor emergency a duty te leh Nurse te quarter atan a awm bawk ang a. Chutih rualin infiamna pawh a awm tho ang a tih kha tuna kan plan dan a ni a.

Tin, Pu Speaker kan rilrua awm leh chu DPR lo siam tawh zulzui kha sawti ngau ngau saw an ti a. Civil Hospital han thlen dawna sawlai veilam saw a leivung saw pahchhuak vek ila, arrangement siamtha ila. Motor parking ah te pawh ti leh ila, a tha lawm ni le ? Kan chep tawh si a, kan ti a, Civil Hospital saw thuan thata fel taka siam kan tum lai mek a ni a. Aizawl 'W' bialtu zahawm tak sawi ang khan a pawimawhna hriain quarter tur a awm bawk ang a, helaiah a piah lamah khan recreation centre ang chi multipurpose kan ti dawn em ni ? Official a indawr chiah pawh ala awm lova, chutiang chuan siam kan tum tih kha, kan sawi duh a. A fiah deuhin ka ring a, a that viau ka ring, tunah hianin tan vek theihin an in ruahman fel vek tawh a ni. Hemi a quarter tur chi a kha chu, (Pu B. Lalhlengliana : Block khat-ah khanin doctor engzat nge awm thei tura i sawi kha ?) Block hnih tur ani a. Block khat ah khan quarter 36 niin ka hria, ka hriatsual loh chuan.

Tin, zawhna pakhat leh service chung chang kha, nia kalo hre chiah lova, amaherawhchu, kan Chief Minister zahawm tak hovin Doctor te service Rules kan siam a, tihian anih tur ang thil ani thlap thlap dawna, chu chuan an hnuaiia thawk dang te kha a rawn khawih tha chho zel a. Tunah pawh hian Health Department pawh hi kan thuah hnih ve ang reng a. Tunah chuan tha takin kal kan tum a, khami kal zel kha anih ka ring a, tin, a awm tho mai a, Medical & Hospital Education hi kan awm a. DHS a awm bawk a. Partially in kan inthen a, a bifurcate a, a thenah chuan totally hian a dik bawk silova, ala pawlh nuai mai a, chu chu siam a ngai a ni. (Pu Lalduhawma : Pu Speaker, kum 20 te kum 30 te lo thawk tawh te an awm a, an kawl tha tawh awm silova a buai thlak dawn khawp a ni a.) Pu Speaker, ti hian anih ka ring a kan sawikhawm-na ah service te pawh hi hetiangam siam that vek a ngaih tak avang leh transfer and posting pawh hi Doctor te bakah Nurse te pawh hi, khawilam

ah nge kan dah dawn. Transfer dawn hian khawihah nge kan ziah zawk dawn tih hi a buaithlak riau a ni. DHME leh DHS ah hian kan inhman pawlh vek si a, chuvang chuan fel taka tih kan han tumna a ni a. Tunarawn zawhna kha zawh awm tak leh lo ngaihtuah zuizel chi a ni e.

S P E A K E R : Department kawlh leh an mahni mimal kawlh te pawh a inmih leh a inmih loh te pawh an ti pawh ni fa hmiang.

Pu LAL THANHAWLA, HON'BLE CHIEF MINISTER : Pu Speaker, kam hnih khat lek. Tuna Aizawl West bialtu zahawm takin a rawn sawi chhuah kha, Sorkar a mualpho hle a ni. An staff te chu an joining date, an Seniority engkim record ah a awm thlap tur a ni a. Khami han tih tir leh avang khan Sorkar a mualpho em em a ni. Sorkar tih phung leh Sorkar kalphung a ni lo. Hei hi chu admit mai tur. Tin, khati em em a ti tawptu te pawh kha zawn chhuah a tha mai lo'm ni, tihte ka ngaihtuah hial a. Record a awm thlap tur a ni, an service seniority, an joining date, engkim kha a awm tur a ni. Chutiang awm lo department chu an tawp hle a ni. Chuvangin weep-up deuh an ngai tih a chiang a.

Tin, Pu Speaker, sawlai multi-purpose centre chungchang kha, Aizawl west bialtu in a rawn sawi ang deuh khan ngaihtuahna a awm a, a design leh engkim kha an la ngaihtuah chiang lova, parking place atan a tha awm mange aw, tih ngaihtuahna te a awm a. Tin, recreation Hall te a lo awm ang a. Chu chu a hman tangkai thei apiang hman tur a ni a, tihte a lo awm a. A hmun kan thlir tawh a. Mahse a final decision chianguang tak, chutiang khatiang atan nise tih hi a department lam atang pawhin a la awm lo niin ka ring a, Engpawh nise kan duh chhan zawk a chu, Aizawl City Centre a bawlhhlawh bawm lianpui dah reng mai hi tunlai khawvel thang chho zelah a tha ber dawn em ni, tih ngaihtuahna lian tak a awm a ni.

Chuvangin Falkawnah te pawh, tunah chuan minute 20 lek kal a ni tawh a, Aizawl khawpui laili takah, tunah fur an ni leh ang a Chemical waste, Medical water & Solid waste & Solid waste disposed te 97 ah khan Integrated Scheme, hemi Greater Aizawl Water Supply Phase-II nen hian loan dang kha a materialize ta si lova. Chuvangin Falkawnah te pawh a awl reng a, Referral Hospital ah kan hman lawk dawnin a lang lova. Chumi chu sawn phei ni ta ang sela (Speaker : Brigade ram te pawh mawle) Aw, Brigade ramah te pawh ram awl kan nei a. Mimalin an lo encroach nasa hle a, kan la buai dawn chauh ni te pawhin a lang a. Sipai lamin a 'hand over' khan mi thil ti thei deuh ten an lo nei leh fur tawh a ni. Chungte pawh chu la in suasam a ngai dawn a. Engpawhnise kan din chhan zawk chu sawlai saw emergency ward, maternity ward, Trauma centre, casualty chutiang chuan hman ilangin, Traffic congestion pawhhi a ease nasa dawn a, chutiang chuan ngaihtuah ila Sorkar rilru ah chuan a awm a, amaherawhchu, active taka ngaihtuahna chu ala awm chiah lo. Chutiang kan tih loh chuan Aizawl khawpui traffic nasa lutuk hi kan ease ngaihna a awm dawn in a lang lova, chu chu kan rawn dinchhuah chhan pakhat

a ni. Chuvang in sawlai saw chutiang te a a kal thei dawn a nih chuan a uiawm aini tuna ruahmanna awm chin ang hi a tangkai hle zawk dawn awm mange aw tihte a ngaituah theih e tih kha Member-zahawm tak te kan hriattir duh mai a ni.

SPEAKER : Tunah chuan zawhna No. 162-na zawt turin Pu K. Liantlinga ilo sawm ang.

Pu K. LIANTLINGA : Pu Speaker, ka lawm e. Social Welfare Minister zahawm tak ka zawhna Starred Question No. 162-na chu hei hi ani :

(a) Integrated Child Protection Scheme kalpui na tur hian Central Sorkar leh State Sorkarin MoU sign ani tawh em ? (b) He scheme hnuaiah hian Central Sorkar hian sum engzatnge a rawn sanction tawh ? tih a ni e.

SPEAKER : A chhang turin Social Welfare Minister Pu P.C. Lalthanliana ilo sawm ang.

Pu P.C. LALTHANLIANA, MINISTER : Pu Speaker, he zawhna hi nikum October session kan neih khan zawh ani tawh a. ‘Under Process,’ kan ti a, tun session kan neih ah member zahawm tak West-I bialtu in a zawt tawh bawk a. ‘Under process tih deuh khan la chhang lo thei lova. Hmanah MLA pakhat nen office ah kan leng a, 1989 kum khan, officer pa khan under process, ‘tiin alo chhang a, ka MLA zui pa khan ‘thla hnih under process tiin min chhang a,’ tih pahin lehkha in a vawm a, ka la hrereng a. Vawiin ah hian kan chhanna te pawh hi duh tawh ala tling lo mai thei a, amarawhchu, tlemin hma sawnna kan nei a, chu chu kan member zahawm tak Pu Liantlinga tan pawh a lawmawmin ka hria a. He thil hi sign anih theihna turin MoU hi department in a siama, chuan kan han theh lut a Planning lamin kan project te downsize turin min ti leh a. 12.19 in kan han down sized a chumi hnu ah kan han thehlut leh a. ‘A tha thawkhat e,’ tiin min han pawmpui a. Chu chu Pu Lalduhawma zawhna ka chhanna angin ka sawi a.

Vawiin ah chuan Pu Speaker, nimin maiyah khan kan Chief Minister zahawm takin he thil hi min sign fel sak tawh a. A sign tura Delhi kal kan hmabak a ni e ti ila kan ti sual lovang tih kha ka chhanna a ni e.

Pu K. LIANTLINGA : Pu Speaker, zawhbelhna, thil lawmawm tak a ni a, ka ngai pawimawh em em a. Hemi Child Protection scheme sign that loh hian, Rs 50 crore vel deuh thaw hi Mizoram State tana sum lokal tur hi a awm loh phah thei a ni. Chutilai a matching share tih hniam leh hniam loh emaw, a plan size han tihhniam kha tih chi ni in ka hre lova, Mizoramah hian kan naupangte hma khua hi a eng viau in ka hria a, heng hian thil nghawng tam

tak a nei a. A chhan chu adoption co-ordinating Agency tih te, Remand Home kan tih hrang hrangte, Observation Home leh Special Home te, sum lokal tur thlang khan a effect thei a ni. Chuvangin kan Sorkar pawh hian a process muang lutuk a, vawi 2 ka zawt tawh a, “under process” tih ringawt mai kha, a dik lo em em a. Chuvangin kan House in a hriat atan kha kha ka sawi duh a. Kumin Financial year ah hian a effect em? Vawiin hi ni 31 a ni a, a sanction theih tawp hun hnuhnung ber a ni a. Chuvangin, kha Child Protection scheme a MoU kan sign loh avang hian heng adoption Co-ordinating Agency te leh Remand Home etc., atana sum hmuh thin te kha a effect thei em? tih kha ka zawhbelhna a ni e?

SPEAKER : Chhang turin a changtu Minister ilo sawm ang.

Pu PC. LALTHANLIANA, MINISTER : Pu Speaker, a effect thei mai a nilo a, a effect tawh zawk a. Tunah hian Fund min pek thin pawh minrawn pe tawh lova. Amaherawhchu Central lam pawhin in sign hun hun ah kan pe (release) nghal ang che u an ti a. Sign tur chuan tuna harsatna kan neih hi kan la chingfel leh thei turah kan ngai.

SPEAKER : Tunah Starred Question 163-na zawt turin Pu B. Lalthlengliana i lo sawm ang.

Pu B. LALTHLENGLIANA : Pu Speaker, Starred Question No. 163-na Environment & Forest Minister zahawm tak chhan atan :-

Aibawk Playground laih nan Forest Department atangin Rs 1,00,000/- hmuh hi hman a ni tawh em? tih ka zawt e.

SPEAKER : Chhang turin Pu H. Rohluna, Minister Environment & Forest Minister i lo ko ang.

Pu H. ROHLUNA, MINISTER : Pu Speaker, Pu B. Lalthlengliana member zahawm tak zawhna Starred Question 163-na chhan chu : Aibawk Playground laih nan Forest Department atangin Rs 1,00,000/- an hmuh hriat a ni lo tih a ni.

SPEAKER : Zawhbelhna Pu B. Lalthlengliana.

Pu B. LALTHLENGLIANA : Pu Speaker, ka thu dawna hi a dik turah chuan ka ka ngai a. Tun hnai anih leh nih loh chu ka hre lova. Aibawk

Playground laih nan hian Forest Department atangin Rs 1,00,000/- hmuh a ni a. Amaherawhchu, thawh ani lova, R.D. hian Pu Ruata hnenah RS 30,000/- a hlan a. Unit ah Rs 5,000/- a bak hi la awm a ngaih a ni a. Chu chu report ka dawn dan a ni a, a dik em ?

SPEAKER : Chhang turin Minister i lo ko ang.

Pu H. ROHLUNA, MINISTER : Pu Speaker, chu chu kan hriatpui hauh lo mai a. Amaherawhchu, Aibawk Play Ground laih nan erawh chuan tribal Sub-Plan hnuaiyah 2007-2008 khan an hmu a. Heta record a kan neih dan chuan 4,77,081 a awm a. Chu chu 1st installment ah Rs nuaih 1 chu chu ni 23.5.2007 ah released ani a. 2nd Installment hi ni 12.6.2007 ah Rs nuaih 1.7 released ani a. 3rd Installment hi ni 9.7.2007 ah Rs nuaih 1.5 bawk released ani a. 4th installment hi ni 6.12.2007 ah Rs 40,000 released ani a. Final installment hi ni 18.3.2008 ah Rs 37,081/- released ani bawk a. A vaiin Rs 4,77,081/- released ani a. He hna hi Aibawk R.O te Village Council leh VFDC leh JSA te nen tha taka thawk tura ngaih an ni. An thawk ho ani chek ang chu. Hei hi kan hun hma ami a, zawhna neitu ngei pawh a bialtu a nih lai a ni. Chu chu ka chhan theihna a ni e. Pu Speaker.

SPEAKER : Starred Question No 163-na, zawt turin Pu C. Ramhluna lo sawm ang.

Pu C. RAMHLUNA : Pu Speaker, Social Welfare Department changtu Minister zahawm tak chhan atan :

Starred Question No. 164-na (a) The Scheduled Tribe and other Traditional Forest Dwellers (Recognition of Forest Rights) Act, 2006 dan hmangin mi engzat hnenah nge ram hi pek a nih tak ? (b) He Dan hi kalpui zel tum a ni em ?

SPEAKER : Zawhna ah khan kan hun a liam nghal chiah a. Mahse hei hi chu han chhang hram sela, chhang turin Pu P.C. Lalthanliana, Minister for Social Welfare Department lo ko ang.

Pu P.C. LALTHANLIANA, MINISTER : Pu Speaker, MLA zahawm tak, Pu Ramhluna zawhna (a) na chhanna - tunah he dan hnuaiyah hian pek an la nilo. (b) He dan hi Sorkar in kalpui zel a tum ani tih kha ka chhanna ani e.

SPEAKER : Kan zawhna hun a lo liam ta a. Vawiiinah hian kan Member-te nilenga absent tur lampang chu kan hre lova,

amaherawhchu, Pu R. Selthuama hi a biala chhiat tawk thli leh ruahpuiin a tihchhiatte a hmuna hmuhpui turin a kal a. Tin, Dr. R. Lalthangliana hi a bial lamah chutiang bawkin, harsatna tawkte chinchang han bengvar turin a kal a a lokal hma thei lo a. Chu chu vawiinah chuan lo kal remchang lote an ni e. House Leader hian sawi tur a nei a. I lo sawm ang.

Pu LAL THANHAWLA, HON'BLE CHIEF MINISTER : Pu Speaker, kan hriat theuh angin hei thlichhia in min nuai min nuai mai a, nizan lamahte a nasa khawp mai a. Chief Minister chenna in velte pawhin kan tuar ve a. Sorkar tanpuinate a pe ngai dawn a nih chuan pek ve tlakte pawh kan niin ka ring a. D.C hrang hrangte tukin zing vartianah khan an hriat theih ang ang report min rawn pe turin ka ti a. Mahselangin Communication te a chhiat nual bawk avangin kan la dawng tha lo viau a. Ka dawn theih chin hi a tam chiam lo a, mahse member zahawm takte hriat atan kan sawi hrim hrim kha thain ka hria a.

D.C Serchhip atangin hei kan compile hman lo a, an report ang ang hian kan sawi nghal mai ang a. Serchhip V/C-I ah : Partial damage - 44 a awm a, total damage a awm lo ni tur a ni. Serchhip V/C-II ah : Total damage - 3 a awm thung a, partial damage an ziak lo a. Serchhip V/C-III ah : Nil, Serchhip V/C-IV ah : Total damaged in 9 leh partial damaged 49 a awm a ni. Tin, New Serchhipah : Total damaged 7, a awm a, partial damaged 30 a awm bawk a.

East Lungdarah : Total damaged in 10 a awm a, Tin, Lungchhuanah 3 Thenzawlah total damage 10 a awm a, partial damage 15 tin Biakin partial damage 10 a awm bawk a ni. Tin, Thinglian total damage 1, partial damage 14, Chhingchhip partial damage 14, total damage 3, tin partial damage hi 29 tihna ni tur a ni. Power supply a that loh avangin report kan hmu chak thei lova. Buangpui, Keitum, Bungtlang leh khaw dang atangin report nghah mek a ni. Tin Vanlaiphaiah severe damage 13, Lungkawlh ah severe damage 15, Chhingchhipah severe damage 11, tin Serchhip ah khan IOC vengah in 1 a hnawl a, chuta a neitupa Pu Zalawma kum 60 mi kha vanduai thlak takin a thi a, tin a tupa a kawng lampang awngrawpin a che hleithei lova, chutiang chuan vanduinah an tawk a ni, Tin, D.C in Sorkar pisa zawng zawng chawlhthin hnatlan tir a ni (a tul angin). Tin, mithi chhungte hi ral nan Rs 50000/- an pe phawta danah chuan Rs 100000/- a ni a, fund an nei silova a ti a, 'Rs 50000 pawh chu a tul ang in ilo puk mai dawn nia,' kan inti a ni. Tin, treasury chung ala a, an document kha eng ang chen nge a tih chhiat an hre thei lova, an mangang rilru hle a ni. Tin, R.D block chhungah total damage chutah fully damage an ti thunga in 2, Lungtanah 3, Khawhaiah 2, Aiduzawlah a chhe lailet der 1, tin partial damage a awm nual bawk a, hei hi tukin zing dar 4 thleng report kha a ni a. Tin, electric bante a tluk nual avangin information hi kan nei hleithei lo a ni an ti. Tin, Ngopa leh Khawbungah R.D block ah te pawh kan contact thei lova, communication a that loh avangin an rawn ti a. Tin, Lunglei atangin Tlumte ah in 11 a chhia a. partial damage 10, Pukpuiah 4 a chhia a, 4 chhe nilnial. Zohnuaiah 1 a chhe lailet der a. 1 partial damage Dawn ah 3 a chhia a, partial damage 3, Lungpuizawl ah 19 a chhia a. Partial damage 18

Rahsi vengah 4, partial damage 4, Thualthu ah a chhia a, 6 partial damage. Thaizawl ah 4 a chhia a, 3 partial damage. Thuampui ah 3 a chhia a, 3 partial damage. Tin Luangmual ah 3 a chhia a, tin, partial damage 3 bawk. Zobawk ah 16 a chhia a, 13 partial damage.

Tin, Thingsai ah 10 a chhia a, partial damage 10. Sethlun ah 9 a chhia, partial damage 8. Runtung ah 10 a chhia a, partial damage 9. Cherhlun ah 17 a chhia a, partial damage 15. Kawnpui West ah 1 a chhe lailet der a, 1 dang partial damage a awm bawk a. Thangte leh Thangpui-ah 14 a chhia a, partial damage 14 a ni. Tin, Ramthar ah 1 a chhia a, Farm vengah partial damage 1, fully damage 1 severe damage 1 ve ve, Bazar vengah 1 ve ve, Darlawng west ah 2 leh 1. Tin, Haulawng-ah 1 ve ve Zehtet ah 12 ve ve, Hrangchalkawn ah 12 ve ve. Zampui ah 5 ve ve, Ngharchhip ah 4, partial 3, damage puitling Ramlaitui ah 33 Haulawngah pakhat partial damage a chhe lailet der. Bualpui-V ah partial damage pakhat chhe lailet der. Tin, south Khawlek ah 10 luah tlak loh 3 chhe lailet der. Tahhian mi pahnih na takin an inhliam a Buarpui PHC ah dah an ni a, tin Government building te, School building te a chhe tel nual bawk ani. Tin, Buarpuiah hian in 54 a chhia a, 50 partial 3 fully damage. Zote south ah 8 a chhia a, 4 fully, 2 chu partial, 2 chu Government building ani. Belpui 15 partial, 13 fully damage 2, Tuichawng 120, partial damage 7, fully damage Rotlang West ah partial damage 9, Phairuang chhuah ah partial damage 8, Bulia veng ah partial damage 12, Pangtlang ah partial damage 10, Rangte ah partial damage 8 tiang hi a ni. Tin Biakin tih chhiat te pawh a nei nual bawk ani.

Kha kha tun mai a kan han hriat theih hnai vai deuhte an ni a. Tin, Communication a that loh avangin lo la thleng mek zel te pawh a awm a. Aizawl district ah chuan tun maia kan han hriat theih chin chu Darlawnah severe damage 80, partial 243, Sawleng ah 16 partial damage 169, Sunhluchhipah 25 partial damage, Sailutar ah severe damage 14 partial 26, Kepran ah severe damage 5 partial damage 46, Serzawlah severe damage 21 partial damage 68, E. Lungdar ah partial damage 5 severe damage 5, tin Phullen R.D bock hnuai ah Suangpuilawn, complete damaged pathum, severe damaged 33, partial damaged 163. Heng ah hian bungraw chhe tel engemaw an ziak a mahse report vek lo mai ila hun a duh rei takin Suangpuilawn ah complete damaged 3, severe damaged 33, partial damaged 164. Phuaibuang ah severe damaged 25, Partial damaged 93. Phullen ah severe damaged 1, partial damaged 4, Luangpawnah Partial damaged 5. Tin, complete damaged biakin te leh Sorkar in leh V/C house te a awm tel nual zel bawk a ni. Khawlian ah partial damaged 4. Thingsul R.D Block ah chuan tuikhurhlu ah completely damaged 1, Sesawngah complete damaged 3, severe damaged 11, Tlungvelah complete damaged 1, severe damaged 6, Partial damaged 11. Tin, Tachhip ah in 2 a chhe lailet der a. 9 partially damaged a ni a. Muallungthu ah 1 severe damaged, partial damaged 2. Hualngo hmunah severe damaged 2, severe damaged 2 Melriat ah severe damaged 1 a ni a.

Tin, Tlangnuam R.D Block ah chuan Lungleng-I ah severe damaged 4, partial damaged 7, North Lungleng ah partial damaged 3 Samtlangah

severe damaged 2. Hengte hi a ni a, a la chhiat belh mek zela, kan hriat ang chin hetiang hi a ni an ti a. Tin V/C te hian relief measure an tih theih ang ang silpouline leh thil dang ilo te an rawn ziak tel deuh zel baw a ni.

Tin, West Phaileng lamah chuan Mamit atang hian kan la hmu tam lova. Phaileng deuh bik ah chuan Pu Vanlalropuia , W. Phaileng chu thing tluin a delh vangin a boral a. Tin, W. Phulpui ah hian in chhe vek 9, in chung chhia 34. Tin, Runte ah inchhia pathum, Biakin tlu pakhat a awm baw a ni. Kha kha a tlangpui a ni a. Tunah hian Kolsib tun maiah hian alo thleng a. Kolasib ah chuan Bukpui completely damaged 54 severe damaged 130. North Chaltlang ah chuan pakhat severe damaged pariat, Bairabi ah partial damaged 43. Tin, a dang chhe nil nial 64 a awm baw a ni. Thingdawlah completely 4 severe damaged 3. Tin, Bilkhawthlir ah severe damaged 3, Buhchang ah severe damaged 3. Tin, a dang chhia a awm nual baw. Phaisen ah partially damaged 2 a awm a ni. Tin, Thinglianah completely damaged 2 a awm a, Saihapui ah partially damaged 3, Chhimluangah completely damaged 2, partially damaged 13, tin, chhe nil nial 24 dang a awm a. Kolasib ah severel damaged 5, partially damaged 76. Tin, Niehdawn ah partially damaged 16, Kawnpui ah completely damaged 12, severly damaged 1. Tin, Tawitaw ah severely damaged 1, Bukvannei ah partially damaged 1. Tin, Zodin Rajdali ah completely damaged 2, partially damaged 38 an ni a. Heng hi Rajdhali ami hi kucha building an ni tlangpui a ni. Khang kha a tlangpuiin Kolsaib District ami te a ni a. Tuna mite kha a tlangpui kan hriat theihte an ni a. Pu Speaker, tun thlichhia hi kan tuar nasa hle a. Chuvangin, Sorkar pawhin theihpatawpin relief measured te a tih nghal a ngai dawn a. Tin, helai ah hian Mamit ah, Pukzingah in pali a chhia a, Silsuri ah 46, Phuldungsei ah 3, Marpara ah 4, Mamit Chhim vengah 76, Mamit Field vengah 22, SSA Hostel pakhat nen. Tin, Mamit Lungsir in 36 a chhia a, Mamit Luangpawlah in 29 a chhia a. Kha kha a tlangpui a ni a. Kan la collect zel a, kan theih ang angin (Speaker : Lawngtlai, Champhai leh Saiha District te an la him) an la rawn lang ve lo a ni, aw Saiha, Lawngtlai, Champhai chu tlem tlem a awm kha. Khatiang kha, Pu Speaker, kan hriat theih chin a ni a. A vanduaithlak hle a. Sawrkarin nasa takin tan a la a. Kan D.C te a hmuna officer awmte an viak a tha a, An theih ang angina relief measures an la nghal zel a. Chu chu Sorkar pawhin kan enzuipui a ngai dawn a ni. Ka lawm e.

Dr. R. LALTHANGLIANA : Pu Speaker, kam hnih khat lek. A lawmawm khawp mai a kha kan House Leader-in chipchiar ang reng takin min pe a. Keini pawh a rawn sawi ang deuh khan harsatna lian tak mai kan taw a. A bik takin Buarpui High School phei kha chu exam tur an nih lai a chhe vek mai a. Exam ngaihna pawh a awm dawn lova. RMSA ah te pawh khan tih dan a awm hram lawm ni an ti a. ‘Ka lo sawi ve ngawt ang e’ te ka ti a. (Speaker : Biak In leh Hall hawh mai te an awm em ?) ni e, khatiang kha a tam a.

Pu Speaker, ka'n sawi duh laia chu kumin hi kang avangin mi pariat (8) an thi tawh baw a, tanpuina kan pe hlei thei lo a ni mai thei a. Hengte pawh hi khawi ber atang hian emaw kan ngaihtuah hram hram a tha in ka hria a. Tin, tuna kan han sawi ang chi entirnan, complete damaged-a kha

singkhath bawr vel, partial damaged kha sanghnih khat a nih deuh ringawt kha chuan silpouline-a han tuam khan hei, a la tleh zel mai thei a. A na tulh tulh te pawhin a lang a nizan te kha. Chuvang chuanin awmze nei deuh a kalpui dan kha kan Sorkar hianin ngaihtuah ta ang se la hei, kan session lai tak te a ni bawk a, kan House Leader hian tul leh tha a tih phei chuanin he lampang te nen te pawha sawiho deuh a tha lawm ni? Hetiang hi kan la tawng ngai lovin ka hria a. Buarpui paho phei chuan, "Hetiang hi kum tam tak atang khan hetiang anga na hi kan la tawng ngai lo a ni". an ti a. In kang atan R.D Minster-in bundle 4 rangva a tih ang te pawh hi a applicable ve mai lo'm ni. In chhia angah hi chuan a rangva zawng te pawh khan tih te pawh kha ngaihtuahna ah chuan ka nei khawp mai a. Engpawh ni sela, uluk deuh leh awmze nei deuh hlek a kan D.C te pawh in an han thawh ve theih tak tak tur deuh khan, a tih dan hi emergency tak takin ngaihtuah tulin ka hria a, ka'n rawt a ni. Pu Speaker, ka lawm e.

SPEAKER : Vawiin ah a tel pui kan thet dawn a. Khang kan theh zing atang khan tih theih dan a awm mai ang chu maw.

Pu LAL THANHAWLA, HON'BLE CHIEF MINISTER : Pu Speaker kan tih thin dan angin a mamawhtu mi rethei, rangva in chung mamawh-te tan vaibelchhe nga (5) man R.D Minister in a lei a. Khang atang te khan a tul leh an mamawh dan ang in kan pe thei ang a. Tin, a sum leh pai pawh kan neih ang chinah chuan a nachang kan hre ve in ka ring. Kan lainatna a in an theuh ka ring a. Kan tih theih chinah chuan ngen leh phut pawh kan ngaih ka ring lo, Pu Speaker.

SPEAKER : Aw le, a bu pui kan thet dawn alawm zanin ah. Appropriation kan han ti ang a. Naktuk atang chuan a hmin tawh mai dawn a lawm. Tunah chuan Financial Business lamah kan kal ang a. Vawiin hianin Minister pahnih Pu PC. Lalthanliana, Minister zahawm leh Chief Minister zahawm tak Pu Lal Thanhawla te demand lak tur a ni a. Kan tih thin angin la kawp leh mai ila tha kan ti em? la kawp leh mai ang aw. Tunah Pu P.C. Lalthanliana, Minister zahawm tak in a Demand No 19 leh Demand No. 29 te hi House-ahrawn submit se, ilo ko ang.

Pu P.C. LALTHANLIANA, MINISTER : His Excellency Governor of Mizoram recommendna ang leh Pu Speaker, i rem tihna in Demand No 19 leh Demand No 29 atana sum Rs 112,43,14,000/- hi office meeting leh a tul atan a kum 2010-2011 chhung a heng department pahnih LAD leh Social Welfare atan a hman tur hian ka han move a. Demand No. 19-na Local Administration Department Rs 41,61,22,000/- Demand No 29 Social Welfare Rs 70,81,92,000/- ka lawm e.

SPEAKER : Pu Lal Thanhawla, Chief Minister zahawm takin a Demand No 1-na, 2-na, 3-na 5-na, 7-na, 9-na 11-na, 14-na, 15-na, leh 45-na te hi House-ah rawn submit ve leh sela.

Pu LAL THANHAWLA, HON'BLE CHIEF MINISTER : Pu Speaker, i phalna in leh House remtihna in a hnuai Demand No. 1,2,3,5,7,9,11,14 15 39 and 45 Rs 9, 35,54,31,000/- A break up hetiang hi House in a khawngaih taka min pawmpui turin ka rawn move a ni. Pakhatna, Demand No. 1 Legislative Assembly Rs 9, 78,61,000/-, Governor 10,60,000/-, Council of Ministers Rs 4,91,80,000/-, Vigilance Rs 3,41,15,000/-, Excise & Narcotics Rs 15,75,30,000/-, Finance 2,77,17,50,000/- Secretariat Administration Rs 52,67,45,000/- Planning & Programme Implementation 1, 34,68,21,000/-, General Administration Department 41,15,34,000/- Power Rs 2,15,00,85,000/-, Public Works Rs 1,80,87,50,000/- avaiin Rs 9,35,54,31,000/- hi he House in min pawmpui turin ka rawn move e, ka lawm e.

SPEAKER : Tunah chuan Minister pahnihte demand kan dawng ta a, kan sawiho leh nghal mai a nga. Member te 10 minute theuh in pe leh ila kan ti em? Nichin a kan han tih thuak ang khan vawi in ni ah hian zanlai dar 12 hma ngei ngei in Governor in kan appreciation hi a sign a ngai a, chuvangin heta kan nam liam hnu a office a kal kualpui vel ngaite anih avangin zan dar 8, dar 9 ah te hi chuan he House ah hi chuan hlawm fel thei ngei tawh i lang in duhtusam a ni a, chuti chungin Assembly Secretariat leh Governor Secretariat vel ah chuan zan dar 10 kha chu thlen chhoh ngei ngei a ngai dawn a, dar 8 ah kan ban pawh in, khangte kha hria ilang in chuvangin thusawi pawh demand hrang hrang kan sawi tam tawh baw a, ang lungawi kan nih chuan an lungawina tham kan phawr chhuak tawh in a lang a, vei nei kan nih chuan kan vei chu kan au chhuahpui tawh baw in a lang a, vawiin a tawp bawkna ah hian in thlalhrun phah chuang tur a ni lova, ram tan a pawimawh leh tul kan tih chu kan sawi tur ani.

Tunah sawihona te minute 10 theuh kan han in pe leh a nga, 9 minutes ah bell kan tiri leh anga, bell rik tawh hnu chuan 1 minutes kan nei a ni tih hria a, member-te in hlawm zel tum nisela. Tin, opposition group leader te kha chu 15 minutes nei ang ah in ngai sela, 12 minutes vel ah bell kan hmet a nga, 3 minutes la nei ang ah in ngai se langin a tha a nge, chutiang chuan ti ang aw, tunge sawiho na tan dawn le, Pu B. Lalthlengliana.

Pu B. LALTHLENGLIANA : Pu Speaker, Group Leader-te bakah Pu Cha-te-a hi hun remchang a la thiam ang reng riau a, lak ve tum ta ila min phal sak ang emaw.

Pu Speaker, hei Demand No 19-na Local Administration Department ah hian sawi duh ka nei a. Notification No. B.14016/8/09-LAD/DCA dt 17.12.2009 ah khan Notification LAD hian an chhuah a. Chapter-II Section-31 of

Lushai Hills District Village Council Act, 1953 angin V/C heng khuah te hian an siam thar a. Tuivamit V/C-4 a parent village chu Luangmual a ni a, Rotlang West, Phairuangkai parent Village ani a. Sailam, Zehtet Village, Malsuri, Puankhai hnuaiiah Champhai Dinthar Kanan hnuaiiah Serchhip IV atangin, Serchhip-IV, Kolasib Project Veng atangin Kolasib-II pek an ni a. Chuan thilmak deuh mai chu Pu Speaker, heng village council an pek thar khaw thenkhat Rotlang West-ah hian V/C 4 an awm a. Chutatang chuan Rotlang West hi V/C pek a ni a, V/C member-3. Rotlang V/C Lalrinpuia hi V/C tanglai Vice President ni lai a ni a. Chu chu Rotlang West, Phairuangkai atanga Rotlang West V/C an pek tharah hian rin nghal tum a ni a. A V/C nihna kha a kengtlang dawn niin a lang a. Chuan Malsuri-Puankhai atang hian V/C siam sak an ni a. Chutah chuan V/C 2-Dulalchandra leh Sinjolal te hi V/C member lo thlantlin tawh, Puan khaiiah chuan an ni a. Malsuri V/C siam thar a lo nih hian V/C Member 3 ah an ni pahnih hi V/C elected anga pawm nghal tura in he notification hian a huam a ni a.

Tin, chutiang chuan Kolasib Project vengah, Rolianpuia, chu chu V/C Venglai-II V/C Member-a lo thlantlin tawh kha Kolasib Project veng, a lo indan dawn hian V/C Member tur atana rin nghal a ni a. Tin, chutiang bawk chuan Vanlalruata, Champhai Dinthar Veng khi Champhai Kanan atanga Champhai Dinthar Member 3 V/C siam a nihin a ni hi chu Champhai Dintharah V/C a nihna kha chhawm tel lovin Champhai Kananah an la beh tir ta hlauh a. Thil mak angreng deuh chu, hemi Champhai a mi Vanlalruata hi Champhai Dinthar vengah In leh Lo nei a ni a. Mahse, V/C Champhai Dinthar a siam a nih khan, a dang ang bawk hian Champhai Dinthara V/C kha ni ve nghal mai tur niawm tak a nih lai khan Kananah an han dah ta hlauh a, chutiang chuanin he notification-ah hian thil mak tak tak a lo lang a.

Tin, Laldinpuia, Zotlang West ami phei hi chu, Electoral Roll-a awm lo a ni lehngal a. Chutiang chu Democracy-ah hian thil awm thei niin ka hre lova. Entir nan, Lunglei District chin, District 3 saw U.T. vawiinah hian pek ni ta sela, tuna kan MLA ding lai, existing MLA te ho hi, U.T. inthlan dawnah rinngal nise tih ni ta se, Election Commission hian a pawm ka ring lo. Chuvang chuan, heng V/C siamthara elected lo ni sa rin nghal a, Mansuri phei chu Majority nisa ringawt mai a, V/C inthlan tih kha a Democracy lo hlein a lang a. Chuvang chuanin keima mimal phei chuan he demand, Local Administration Demand hi pass pui pawh hi thain ka hre lo a ni. Hetiang hi a nih avangin, MNF party leh MPC party pawhin representation Minister zahawm tak hnenah an theh lut a (an pawm theih loh thu). Amaherawhchu, chu chu hnawl niin ti hian kaltlangpui turin, ka hriat dan a soal loh chuan, April ni 7-ah hian inthlanna chu buatsaih fel niin a lang. Engatinge inthlan a nih chuan V/C siam thar a nih chuan, khang a hmaa lo tling tawhte kha ban an nih loh pawhin, heng V/C hi mid-term-ah siam lovin engatinge general election, V/C inthlanpui dawnah an siam law law loh a, tun hun laklawha an siam a, member thlantlin sa pariat Village amite V/C member-a tihtel tum kha Democracy palzutna, pawngsualna lian tak niin a lang a, hei hi chu kan Minister zahawm tak pawh hian a lo ennawn leh a thain ka hria a. A chhan chu, kan State Election

Commission pawh hian a nihna takah chuanin an pawm theih ka ring lem lo ani. Pawn lamah an pawm a nih pawhin an rilru takin an pawm ka ring lo.

Nichina ka sawi ang khan, Lunglei, Lawngtlai leh Saiha District U.T. pe ta ila, existing MLA te Member-a rin nghal turin ti ta ila. Election Commission hian engti kawng mahin a pawm dawn lo hrim hrim. Chuvangin helai Village level-ah pawh hetiangka kan tih hi a dik thei lova. Tin, ka hriatsual loh chuan tuna Municipal inthlan turah pawh hian Councillor, Candidate turte kha an Constituency chhunga Roll-a an awmna chauhah Election an contest thei dawn tih kha dan siam dan niin ka hria a. Chutih laia Laldinpuia, Rotlang khua Roll-ah pawh awm lote, tin, Champhaiah Vanlalruata, Kanan Venga V/C Member-a thlan tlin, Champhai Dinthara kal tir leh lawi si angte kha thil inkawlkah tak niin ka hria a. Chuvang chuan, Pu Speaker, hetiang thil rorelna dik kalpui tura he Sorkar kan tlangau reng lai leh Office leh hmun tinah "rorelna dik chu Lui angin luang se" tih thupuia nei Sorkar tan hian hetiang anga diklo taka dan pawngsuala palzut hi a thain ka hre lova. He Sorkar hi Pu Speaker, Opposition mah ni ila, a tira in kal dan turte in han sawi khan, Change a awm dawn e, kan lo tih mek laia Democracy palzut zawnga change a awm a nih hi chuan a dik theiin ka hre lova, chu chu Pu Speaker, ka'n sawilang zawk duh a.

Tin, Pu Speaker, Demand No. 39-naah khanin, kan Power Minister zahawm takin min hrilhfhah turin. Report ka dawn danin Zokhawthar, Tiaural, Burma ram chhungah khian tunhnai mai khan electric connection pek niin report ka dawng a. Mizoram chhungah pawh zan khatah load-shading vawi 2/3 Aizawl khawpui chhungah pawh kan neih laia khilai Burma ram, khua electric connection lo pek hi thil dik a ni em ? tih ka'n zawt duh a.

Tichuan, Pu Speaker, hmanni lawk khan kan Aizawl W-I Member MLA zahawm tak khan Mizoram leh neighbouring state-te ramri tihfel ni rawh se, tih MNF Sorkar laia Memorandum, Prime Minister hnena thehluh tur kha a rawn sawi a. He Memorandum hi Pu Speaker, a Resolution kha Official Resolution, Revenue Minister ka nihna anga ka putluh, lungrual taka passed a ni a. Chumi dungzui lchuan, Memorandum hi buatsaih a ni a. He Memorandum hi Prime Minister Office-ah August, 2007 khan kan Chief Minister zahawm tak khatih hunlaia mi khan a thehluh a ni tih he House hi ka hriattir baw a.

Pu Speaker, sawi tur a tam hle mai a, hun min pek belh thei tawh si lova, chu chu ni phawt teh se, ka lawm e.

SPEAKER : Tunge sawi ve leh dawn ? Pu R. Lalrinawma. A ni hian a hma lam a chuh thei zel mai a, a fel khawp mai.

Pu R. LALRINAWMA : Pu Speaker, in thiam khek lo mai ila, chuvangin, a hma lamah sawi ka duh deuh a.

Department a tam hle mai a, vawiinah, a vaiin sawi sen a ni dawn lova. Demand No. 19-na, LAD hi ka'n sawi ve ang a. Hei hi Department pawimawh tak, miharsa leh pawl hote khawmpui hmang turte, khawmpui dawng turte pawhina inhlawhna an dilna ber Department a ni thin a. Khawtlang tan thil tangkai tak tak leh hmasawna tur step remte, retaining wall-te leh pavement siamte hi an thawk nasa a. Chuvang chuan, heng plan sumah te pawh hian duhsak an phu hlein ka hria a.

Housing Loan hi Pu Speaker, In mahnia sa theilo ten an tangkai-pui hle mai a. He Housing Loan, a hma a LIG Rs. 50,000/- atanga Rs. 85,000/- a tihpun te leh MIG Rs. 80,000/- atanga Rs. 1,25,000/- a kan Minister chak takina a tipung hi a lawmawm ka ti a. Amaherawhchu, hemi atan hian sum tam deuh thei sela, he Loan la duh mipui hi an tam em em mai si a. Keini a hmanga Member-te hnenah pawh an sawi ve nasa em em a. Chuvang chuan, he Loan la thei, chhawr tangkai thei an tam leh-zual nan sum hi tam deuh thei se a duhawm hlein ka hria a.

Tin, hei LAD hian khawtlang hmasawna leh miharsate an enkawl rualin V/C 791 an enkawl a, a hautak hle dawn a. Nikum 2009 khan V/C 555 inthlanna felfai takin an kalpui te kha a Department changtu Minister leh Department-a thawkte an fakawm a, lawmthu ka hrilh duh a. Tin, V/C thlan dan tunhmaa felfai lo deuh awm thina lang, Ballot Box mahnia a hrang theuha neih ang chite leh Ballot paper a hrang theuha awm a, kha Ballot paper kha kenchhuah leh a, khawilai emawa hralh theih anga lang kha tunah chuan, Ballot Box pakhat leh Ballot paper pakhat an han ti te kha a lawmawm ka ti a. Pu Speaker, ka hmaa sawi ang khan, tunhnaiah V/C thar kan han pe a, V/C thar mamawhte an awm zel a, han pek dawn chuan senso a ngai a. Mahse, hetiang mamawh tute tan V/C thar an pe theite hi a lawmawm ka ti a.

Chutihruah rual chuan, tuna an rawn sawilan V/C thar pekna khaaah kha kha ami a hmaa V/C khata awm hova, V/C ni si, an chhawm tir mai a kha a rem hriat thlak hlein ka hria a. A chhan chu Pu Speaker, V/C Act-ah khalai bawr kha sawi a awm si lova, a ni V/C atana lo thlangtute an indan dawna an awmna lama V/C ni lova, kan ban tir mai chuan a Democratic principle lova, kum 3 atana thlantlin ni si, V/C thar a lo pian avanga kan ban tir a nih chuan, a lehlamah a ruala kan thlantlinte V/C la ni reng siin V/C thar mamawhna avanga a thar a lo piang a, a niin a chhonzawm zel kha thil tih awm tak a ni a. A thlangtute tho khan V/C hrang neih la duh bawk si a kha V/C tharah khan Member a ni zel kha a tha a ni. Tin, V/C ah hian Roll-a an awm a ngai a, V/C ni turin kha area-ah khan, tuna an sawi Roll-a awm lote tih kha chu Pu Speaker, a tlai deuh hlek tawhin ka hria a. Nomination file laite a sawi tur a ni. Khatiang huna sawi lova, tunhnua V/C pian tawh hnua sawi hi chu a tlai tawh. Tin, khawvar hnua an inthlang dawn a, chuvang chuan tlin loh hlau hian chhuanlam tur an dap a ni ang ka ti a. MLA-te nen han tehkhin te kha dan hrang daihin a huap a ni a. MLA leh V/C ah dan hrang hman a ni a. Chuvang chuan tehkhin theih a ni lova.

Pu Speaker, Kohhrante pawh hi an han indan hian kha area Kohhran Upa kha chu a indanpuitu turin an chhawm zel mai a. Hengte pawh hi kan Kohhran rorelna hi a fing hle mai a. Chutiang deuh chuan kan Minister remhre takin a chhawm tir hi a remhriat thlak hlein ka hria a ni.

Tin, V/C-te hi Sorkarin agency-ah a hmang nasa em em mai a, Democracy-ah mipui thlan grass root level-a mipui aiawh a, mipuite chawbel nghenga rorel tu an ni a, an pawimawh hle mai a. An thuneihna te pawh hi tunaia nasa zawk a pek belh a, tin fund te pawh hi a hranpa siam belh theih nise a duhawm hle in ka hria a. Khual chhia khual tha te lo buaipui, Sawrkar official ten an khua tlawh dawn se department tin in V.C te an va hmuh leh lo buaipui tu a tang an ni a. Hengah hian a hranpa a fund an neih a tul hle in ka hria a, Democracy roreltu an ni a. Chuvang chuanin heng te pawh hi kan Minister chak takin an dinhmun te pawh siam tha tura V.C dan te pawh ennawn tura hma a la chho hi alawmawm hle in ka hria a ni.

Tin, Demand No. 29-na Social Welfare, pawh hi department pawimawh tak naupang te, hmeichhia te naupang atanga tar thleng, pianphunga rual ban lo kan tih te leh tlawmngai pawl hrang hrang te enkawltu department pawimawh tak a ni a, nimin lamah kan ngaithla tawh a, Sports Minister in catch them young policy a kalpui a kan lawm hle a. He department erawh hi chuan catch them old a kalpui ve thung niin ka hria a, hei old age pension te mi 23747 tunah hian pek mek a ni a, hengte hi 2009 ah khan engemaw zat pek belh chhoh an ni te hi a lawmawm a, chutih rual chuan 10525 te hi Rs 250/- a pek an ni a. Central in Rs 200 arawn tum a, State share atangin Rs 50/- tichuan mi 13222/- te erawh chu State Share pek ve nilovin Central atangin Rs 200/- chauh kha pek a ni a. Hengte pawh hi a rual khai a State share hi pek ve theih nise, an dawn hi in angtlang thei ta se chu a lawmawm leh zual anga, tiang khan catch them old policy ah hian sum tam zawk te han awm thei se a duhawm hle in ka hria.

Tin, hei hmeichhia te hamthat nan hmalak na hrang hrang rahbi tleu te leh rethei te leh vanduinawna tawk te ei zawngtu pasal ten an thih san chhawmdawl hna he department in a thawk te hi a lawmawm hle mai a, child welfare chung chang nichin ah te pawh kan ngaithla tawh a, heng te hi pawimawh tak ani. Pre-School Education han tih te day care centre nu ten a hna an thawh san lo enkawlna te, tin, nu nei lo Motherless baby Home enkawl te, heng zawng zawng hi department hian tun aia tha hian han enkawl zel sela. Integrated Child Development Service Scheme, ICDS kan tiha project 23 awm thin, tun hnai maiah Minister in project 4 pek thar an hawng thei te kha a lawmawm ka ti a.

Tin, Anganwadi Centre te pawh a tangkai em em mai a, Pu Speaker, Anganwadi a thawkte leh heng Nutrition sem chungchangah te pawh hian engemaw khawtlangah sawisel zeuh zeuhna te pawh a awm thin a. Hengte pawh hi tun aia tan la zawkin a thawktute pawh hian hma han la sela. Tin, Anganwadi

building hlui tawh te, tih that ngai te, tunah hian building nei lo, Anganwadi Centre nei ve site pawh an awm a.

Tin, Tribal welfare chungchangah hian, “the Scheduled Tribes and other Traditional Forest Dwellers (Recognition of Forest Right) Act, he House zahawm taka Pu Speaker, kan adopt tawh kha. Hei hi tribal te, forest a eizawngte min humhalhtu a ni a. Chuvang chuan he dan hi chak takin han keng kawh chho sela. Nimin lama kan sawi “Mahal” kan tih kha official thenkhat tena thingtlang mit ten ramhnuai atang a an eizawna ve te te an lo “harass” thin angte kha he dan hian a humhalh dawn a. Chuvang chuan hengte pawh hi tha tak a ken kawh chhoh nise a duhawm hle in ka hria a.

Pu Speaker, PWD-ah hian tawite han sawi leh lawk ka duh a. PWD-ah hian hma lakna tam tak, kawng siam te, building sak te a awm a. Multi Model Transport Project, State PWD in a National Highway BRTO atanga a lak turah hian kan Chief Minister zahawm tak speech ah pawh khan a lo lang a, km 400, thingtlang khaw 80 tlawh tur a ni a. Hei hi State PWD in BRTO atanga a lak tur a ni. Hetiang hian Pu Speaker, Session hmasa lamah khan, Durtlang kawng chho khi term hmasa lama MNF tena kawng zim tak maia kha BRTF atanga la in anlo tizau chho a, a lawmawm hle mai a. Durtlang atanga Sihphir chho khi lakve leh te ni ta se tih hi Session hmasa lamah kan ngen tawh a, tiang hian hma lak nan te pawh min hman chhoh hun ala awm ngei ang tih a beiseiawm a, chungte chu kan sawi duh ani. Pu Speaker ka lawm e.

SPEAKER : Awle, tunge sawi leh dawn le ? Pu Lalrobiaka.

Pu LALROBIKA : Pu Speaker, ka lawm e. Hei vawiin ni a, kan sawi tur demand hrang hrang te hi an sum neihdan te kumina sum heti zozai an neih dan te hi a ropui ka ti a, lawmawm ka ti a, a bik takin Local Administrative atang khan han sawi ila.

Demand No. 19-na V/C siam tute Local Administrator Department te hi an fakawm hlein ka hria a, an hma lakna chi hrang hrang –te tin, Minister fel tak an neih avanga hma thar an han lakna te tam tak kan hmu thei a. A bik takin Housing Loan chungchangah hian kuminah Housing Loan tam zawkin kan la thei dawn alo ni a, hei hi a lawmawm hle in ka hria a, hun hmasa ah khan a lian ah 85000/- an han la a a te ah 50000/- an han la kha a ni a, tun dinhmunah hian in sa tak tak tur tan hetiang zat hian in a sak theih hauhlo ani tih a hretute kan ni, chumi hrereng chung leh mipui te lainatu avangte duhsakna avangte “change” alo nih tak avangte a hetiang anga an ruahman thei mai hi a lawmawm ka ti a, chutih rual chuan officer fel tak tak a bul tumtu te an hotupa Minister Support tlat tu te chungah lawmthu ka sawi duh bawk a.

Tin, a bik takin V/C te hi han sawi chho leh ila, V/C te hi kutke ber anni kan tih tawh kha, a bikin Thingtlang lamah phei chuan Sorkar in thil

engemaw kan tih dawn reng rengin a Sorkar hnathawk officer te pawhin anni kan pan lo thei lova, chungah chuan an lawmman kan tih te, hlawh pawh nilo, lawmman hi a beitham em em mai a Hengte pawh hi Pu Speaker, i hriatpuina in heng an lawmman pawh hi tam deuh zawka tih dan a awm lawmni ka ti a ni.

Tin, kan East Tupui bialtu in V/C thar pektur chungchang a rawn sawi khan ka rilru ah thil awm a awm a. Kum 1986 ah vote pawh neilo, MNF te an lo lut a. Chutihlai chuan Pathian-in kan hotute kan Chief Minister zahawm tak hmanrua ah hmangin an Lal thutthlengte an kian thei a ni. Chulai chu kan East Tuipui bialtu sawi lai khan ka rilru ah alo awm a. Chu mai ni lovin, Interim Government ah khan an tan hmun an pe thei a. Vote pawh an nei lova, Vote theih pawh an ni lo ani. Party pui leh Sorkar lam pawhin 'hetiang hian thil a awm ngai love, in tih a tan tha lovang a, party tan pawh hian a dik chiah lovang a,' an ti chung chung pawhin kha tihlai hunah khan kan hotute, a bikin kan Chief Minister zahawm tak Pathian in a hmang kha ropui ka ti a.

Chutihlai karah heti laiah ruahmanna fel tak leh dan bawhchhe chuang si lova V/C te an han ni tlang ve mai tur ringawt pawh kha huphurhna nen a kan lo sawichhuak duh a nih kha chuan, a class chu a in san hleih hle ang tih kha ka sawi duh a ni.

Tin, Social Welfare Department hi an ropui ka ti a. Hla in "A pui a pangte u; tih ang deuh Department kha an ni a. Engti kawng pawh hian an enkawl hi a hau tak hle ang tih ka ring a. Chutih rual chuan tha takin thil chi hrang hrang nasa takin hma an la a, an Minister leh Officer ten hma an han la chho zel hi a ropui ka ti a. Tunah hian bial neite kan ni a, Pu Speaker, keimahni a bial neitu tena kan tanpui theih loh tam tak a awm a, chungte chu an ni ho hian an lo tuamhlawm a tar pension te leh thildang dangin, chungte chu a ropui hlein ka hria a.

Tin, Tar lam mai ni lovin, awm tha duh vak lote, nun kawnga lo rap pelh ve tawhte tan hma eng siam theihna turin training School-te, tin, an rilru develop theihna tur atana thil chi hrang hrang an lo ruahmante hi a ropui hlein ka hria a.

Chung mai chu a ni lova, naupang te te te, an lo pian chhuah atanga chaw tha an neih theih vena atan ICDS lam atangte khan thil tam tak an khawih a ni. An chan hi a chhangchhiat thlak hle a ni a. Chutih rual chuan zo tak leh hneh takin an ti chho zel a Rs 70,8192000 lai mai kuminah Budget an nei hi a lawmawm hlein ka hria a.

Tin, chumai piah lamah chuan, chhungkua a eizawngtu ber an han boral hian, a bik takin hmeithaite tanpuina, thil tam tak nilo mah sela cheng singkhat te te an han pe thei maite, heng scheme an han kalpui theite hi a lawmawm hlein ka hria a.

Tin, hei, correctorial service kan han tih, nichina ka sawi tak ang khan, naupang zawk humsual lo daite, tin, سوالنا lama kalte siamthatna tur atana counselling tihte, centre an han dinte, hengte hi Sorkar ang pawhin kan rilruah nasa zawka tan kan lakpuia, hma kan lakpui hi a ngai tak meuh meuh tih kha ka sawi duh a.

Tin, Social Defence & Rehabilitation Board sawi tur a tam khawp mai. ICDS chungchangah te pawh thil chi hrang hrang, sawi tur a tam hle mai a. Vawiinah hian an khawih ang tar, naupang an pian chhuah atanga tar an nih thlengin an ni hian an khawih a ni. A sum leh paia an tanpui mai piahlamah an nun khaw chhuah theihna tur atan an rilru an lo sukthlek, tha zawka an put theih nan te, mihring nunphunga nung tawh lo ang deuha ngaihte pawh nunphung pangngai a an nun ve leh theihna tur atanah hma an lakte hi a ropui ka ti a. A bik takin kan Bible chuan, hmeithaite, pachhiate hmangaihtu chuan Pathian Ram a la thleng dawn a ni tih kha min kawhhmuh a, min zirtir a. Chutiang chiah chuan an ni hian tha taka hetiang hma an han la chho hi a ropui ka ti a. Chutihruah erawh chuan a hnathawktute nasa lehzuala tan an lak hi a ngai ang tih ka ring a.

A bik takin Central Sorkar tha tak leh zau takin scheme tharte a duang chho zel a, heng hi chak zawka hma kan lak ve theihna tur atana Central-in scheme thar a neih, State nen engtinge, kan state hian hmasawn vena tura kan lo lak ve nghal zel theih ang tih pawh kha, tunlai khawvel thiamna hmangte hian internet hmangte, khan hma lo la zel turin ka fuih duh bawk a ni. Tawi te tein ka sawi duh a.

Hei kan demand 39-na Power chungchangah khan sawi leh ka duh a. Hei Pu Speaker, i khaihhruainain Subject Committee-I-ah khan Chairman-in ka awm a, chu chuan RGGVY chungchang hi thui tak kan hmuhpui tawh a. Helai hi fel hlel tam tak a awmin a lang a ni. Hei hi kan Sorkar chak takte hian a bik takin a changtute hian lo enzui se thain ka hria a. A bikin kan RGGVY-a kan Contractor-te leh kan Sorkarin MoU kan ti dawn nge ? Agreement kan lo signed-te pawh kha han chhui chet chetin fel hlel tam tak a awm a ni. Khatiang a nih kha chuan nakin zelah, kan tihsual tawh lohna turin leh tum tam tak kan pek luhna tur kha kan lo exempt ringawt mai kha a ni a. A vaibelchhe tel hetiang hmanga kan lo hmuh vena tur kha ngaihtuah chungin heng hma kan lakna tur ah te pawh hian fimkhur zawka hma kan lak kha a tulin ka hria a. A bik takin, an hnate a zawng a zain Department lamin enpui thei lo mah sela, a thu lamah khan fel sela, khata tang khan thuneihnate zau zawkin kan nei thei dawnin a rinawm a. Chuvang chuan heng Central atanga hetiang thil lokalte hi fimkhur zawka agreement kan lo siampui hi a tha ang tih kha ka'n sawi duh a ni e. Pu Speaker, ka lawm e.

SPEAKER : Pu Lalthansanga.

PULALTHANSANGA : Pu Speaker, ka lawm e. Kha, kan Demand No. 19 leh 29 na kha chu an rawn sawi deuh nual tawh mai a. LAD lam in VC thar chungchang kha Chiang deuha min hrilh kha ka'n phut ve deuh hlek a. Tin, LAD atanga UD & PA indan hnuah khan 12th Finance Commission atanga an pawisa hmuhte kha an indanpui zel kha a ni a. Tin, 13th Finance Commission atanga an pawisa hmuhte hi Grant in nge an tih ang a, works in tih laite pawh hi a changtu Minister zahawmtakin min hrilh theih chuan a lawmawmin ka ring a. Tin, hei Housing Loan an ti a, a lo pung ta a. Board hovina kan han ngaihtuah khanin pung ve tawh sela kan ti a. Chu kan suggestion te hetiang a hlawhtling hi a lawmawmin ka hria a.

Tin, Social Welfare bikah hianin National Benefit Scheme a chawmtute an lo that loh leh zel a, disable te a awm si kha chuan khami-ah khanin Rs. 10,000/- tanpui theih tih kha hei kan mamawh lai em em te a ni a. Thingtlangah hian a chhawmdawltu tur leh enkawltu tur awm lo, khawtlang pawhin a han care theih lem loh lai ang chi te hi an awm deuh nual a. Khati laite kha kan han hmu a, a lawmawm hle in ka hria a.

Tin, hei kan Budget Session reng rengah hianin budget performance te kan han dil a, min han pe deuh nual a, min pek rual rual hian a dang tamtak hian min pe lo bawk a ni a. Hei hi kim thei deuh se chu a tha mang e aw tihte rilruah a awm deuh a. Hei, Vigilance tepawh hi tunah chuan ACB tepawh a changtu Director, OGP rank ang dah an ni a. Tin, tuhmma ai khan Vigilance tepawh hianin a promotion tur a tan te pawh engemaw clearance han pek tur tepawh hi an pek chak theih a rinawm a, hei hian harsatna tamtak tepawh a thlen ve a ni a.

Tin, Finance hi kan ngah hle mai a, MoU kan fak zui dawn tepawh niin a hriat a, Planning nen hian han sawi kawp ta ila. Hei, kan han sawi kan han sawi a, vawiin hi Demand kan sawi tawpna ber a ni tawh a, kan Minister hote hianin an department kan duhthawhna, thahnemngaihna kan han sawi reng reng hianin Staff indaih loh vang hi an sawi tam em em mai a. I & PR Hall-ah khanin ATI ho khan MLA te leh Joint Secretary chunglam training min pek tum khan kan Chief Secretary khanin a theih loh tih pawh hi (keini level-ah chuan) Chief Minister chuan a theih e tih kha a ni a. Chuvang chuan, ani kan Chief Minister zahawmtak, Central-ah pawh hriat hlawh tak hian a lo in sawi tawh ang khan, kawng chi hrang hrangah Staff indaih lohna-ah hianin min hnawkhah sak zung zung thei sela tih kha ka'n ti duh a.

Hei, Power-ah bik hian han sawi leh ta ila. Power-ah hian hmanni ni 27 - a Vanglaini han chhuakah khan agreement kha MIFCO nen khanin sign kha an ni a. Hetah hian 1526 MW. pechhuak tur tih a ni a, Chhimtuipui mak tih a ni a. Lungrang hi khawilai tak saw nge niang aw, Parva bul saw em ni ? tihlai tepawh hi rilruah a awm a. A khawilai chiah nge ? Tin, Chhimtuipui te nen hian heti lai hi inhnaih tlang hle turah ngai ta ila. Chhimtuipui hi mega watt 635 a ni a, hetiang han tap out hi chuan kan ramah kan hnianghnar hle dawn a. Tin, Mat te hi mega watt 76 DPR peih tawh te a ni a. Hetiang han hriatte hian a

lawmawm hle a, Mat chungchanga an DPR te hi hriat chian deuh te a chakawm hle a ni.

Hei, kan sawi ang khanin current hi kan mamawh em em mai a. Vawiinah chuan nitin mamawh a ni ringawt tawh a, kan neih loh hlek chuanin cheng sang tam, cheng nuai tam, a crore bi tepawh. Nikhatah hian luangral thei khawpin dependency-ah hianin kan dah tawh a ni a. Necessity a lo ni tawh a, churang chuanin kan tih nasat a ngai em em a. Hei Bairabi Hydel Project hi kan atchilh em em a. Investigation thla 8 chhung tih a nih avang hian tih a tam a. Tunah chuan compensation component-ah a sang tawh lutuk ang a, siam zawh hnu hianin Current man hi a sang dawn a ni tih lai hi kan han sawi tam hle thin a. Hei hi keini Party hi chuan tunhma tlem laia compensation component tepawh han tih theih mai tura kan ngaih thinte a ni a. Hemi hi kan Chief Minister zahawmtak pawhin harsatna tamtak karah te hianin a theihna lai tur angte pawh hi min dapsak ve leh sela. Multipurpose anihna ang hian kan ram dinhmun hi PWD te nen hian han sawi ta ila. Multi Modal Project lo awm ta te hi han ngaihtuah hianin hmannah Common Wealth Conference-ah hei kan Speaker te duhsakna in, Meghalaya -ah kan zuk kal a, chumiah chuanin West Bengal Chief Minister in a sawi, ka rilrua awm reng mai chu India ram hi Japan ral len khanin Kolkata te, Delhi te, Mumbai ten kan chhan lova, battle field a awmna leh India lo chhanhimtu hi chu North East an ni a, churangin an special bik a ni a ti a. A bikin North East tepawh hian in hriat a tul hle in ka hria. Hetilai hi in bikna leh India-ah hian neitu em em in nihna thinlung in zuk putna tur niin ka hria tiin West Bengal Speaker khan a rawn sawi a. Chutiang chuanin tunah pawh hian kan khawvel kalphung han en hianin kan ram tepawh tunah chuan defence hmun a tan te an ri leh ta fuih fuih mai a. Compensation lamah chuan kan buai leh nuk dawn emaw ni aw tih tepawh kha sawi a ni a.

Chutiang tak chuanin kan ram battle field ah hianin Multi Modal Project hi a lo hlawhtlin chuanin a va han han raphlak dawn ve. Nagaland World Cemetry te kan han sawi thin a, khutilai pawh an han luh deuh chuan kan thi teuh mai a ni mai a, kan Mizo ngei ngeite pawh 30 em ni zu thi kha? Chutiang khawp chu ani a. Kawngpui tha kan duh rual hianin, kawngpui tha chu development leh keimahni tan anih lai hianin war programme ang deuh atana lokal a ni ang tih hi a hlauhawm hle mai a. Kawng a that zawh poh hianin indona hi chu a nasa dawn a ni mai a. Vawiinah hianin kan Defence Ministry lampang rawn in chhawpna hi hetia kan ngaihtuahna piah lampangah hian a nasa tawh si a, kan hmabak hi chu a ko angreng hle mai a. Hetiang laiah hian kan Project tepawh hi kan ram hmangaihna nge ni ang a, defence a tan tih tepawh hi rilru ngaihtuahna-ah a awm a.

Tin, PWD hian a la nual nachung hian DRO hian a la ve bawk a. Chutilaiah chuan Pu Speaker, khawi khawi nge BRO Defence in a la enkawl chin tih lai hi hriat a chakawm a. Hmanni khan kan House Leader zahawmtak hi ka zawhna zawh lai khan a awm lova. Khilai Chekkawn to Lungchhuan tih kha tuna a kawng an han tih hi Khankawn to Lungchhuan tih a ni ta a, PMGSY Scheme hnuaiah khan. Khami project an pawmna-ah kha chuan Chekkawn to Lungchhuan tih a ni a, chu chu min han chhang sela ka ti a.

Tin, Keitum to Artahkawn metalling/pavement tih mek khi work order kha 2006-ah lak a ni a, 2008 a zawh tur a ni a. Vawiin thleng hian zawh ala ni lova, time of extension kha engchen nge an pek a, enganga zawh tur nge tih te, a hna kallai pawh an han chawl leh rih tih tepawh kan han hre deuh nual a, khilai khi hriat a chakawm a. Tin, Biate to Artahkawn TFC atanga improvement & rehabilitation atang khan min han dah sak tepawh kha a lawmawm a. Hemi rual hian Artahkawn to Vanlaiphai khi a la chhe em em bawk a, khi pawh khi tih ve theih nghal se tih tepawh kha ka'n ngen tel duh a. Chutiang chuan vawinah hian mamawh tamtak a awm a, kan ramah hian. Awle, anih leh khati thleng kha ka sawi mai ang, Pu Speaker, ka lawm e.

SPEAKER : I dil belh lova, a lawmawm e. Tunge sawi leh dawn le ? Aw, Pu Chawngtinthanga.

PU CHAWNGTINTHANGA : Pu Speaker, a hmasa in lawmthu hrilh che ka duh a. Nimin piah khan ka bialte chhiat tawh avangin Session leave ka dil che a, min phalsak avangin ka lawm e. Tin, House Leader, kan Chief Minister zahawmtakin kan Zoram chhiat tawhna chungchang House hriat atana a han puang pawh kha, lawmthu sawina tur niin ka hria. Vawinah hian kan Demand sawitur te hi a tam a, a detail in, a technical lampang chu ka sawi ve dawn lova. Ka han sawi zawr zawr mai ang a. Kan Member zahawmtak ten hmalama an sawi tawh ang khan Demand No. 19 - Local Administration Department hi han sawi ta ila. He Department hi Department lian tak a ni thin a, LAD a lo pian chinah hian tereuh te anga lang, amaherawhchu VC 791 lai a enkawl a. Thingtlang lamah a area cover hi a zau em em a ni. Hetiang zawnga han ngaihtuah chuan tuna Demand for Grant a an sum tur lo lang pawh hi a beitham mah mah em aw ka ti deuh a, ka sit pui deuh nghe nghe zawk a. Pass sak lo mai Opposition lamin rawtna an rawn siamte phei kha chu kei chuan ka pawm loh zawng tak a ni a, ka sit zawk nghe nghe a ni. Chuvangin, thil tha tamtak an tih, Housing Loan chungchangah te, Village hrang hrang an enkawl chungchangah te hian a ropui a. Khatiang lampang kha chu ka sawi chiam lemlo ang a.

An enkawl Village Council hi a mak khawp mai a, Institution danglam leh ropui tak pawh niin ka hria a. Institution tereuh te a kan hriat si hi power ngah em em mai, Legislature executive leh judiciary nei kawp tlat a ni a. Hetiang Institution hi khawvelah hian a awm ngai pawh ka ring lova, a ropui viau a ni. Chutiang tak Institution ni si leh an executive power te leh an legislative power (tualchhunga in enkawl na dan) siam te, judicial power tepawh nasa taka hman si, kan chhawr tangkai em em hi an remuneration hi kan tichhe em em mai erawh hi chu an khawngaihthlak ngawtin ka hria. An khua leh tuite rawngbawl tur hian mawng vawmba ang sekin an che a, anmahni eizawna, nupui fanaute chawmna tur kawng pawh zawh theilo khawpin Aizawl-ah lam kala tlan a ngai reng a. Chuvangin, remuneration hi tihsan sak atan a tha hle in ka hria a.

Tin, chubakah executive leh judicial function an han kenkawnah-ah tuang taka kal tur chuan roelna felfai tak leh chaktak a ngai thin a. Chutiang ti tur chuan kan Sorkar hmasain an Member, Village Council thenkhata member an ti hniam ta zawk hi a paw mah mahin ka hria a. Hei hi tipung ilangin, Village Council hi tihchak thatna tur zawk a ni awm mang e aw tih hi ka ngaihtuah a. Hengte hi en in, dan hrang hrangte lo en turin kan Minister chaktak hi ka han chah duh bawk a.

Tin, VC thar kan neih tur chungchangah Opposition Member zahawmtakin diklo taka democracy palzutna anga a sawi kha kei chuan ka ngaihdan a ni hauh lo mai a. Kan Minister chaktak hian remhre takin, dan bawhchhe bawk silovin, democratic elected members te right zahthiam tak siin, executive order anga a tih theih chin kha a ti mai niin a lang a, a ropuiin a finthlak hle in ka hria. State atanga State dang lo piang tur te, UT lo piang turah te hi chuan transitional provision feltak a awm thlap thin a. Tun tuma VC chungchangah hi chuan dan siamtute khan hetiang lo thleng tur hi an lo thlir lawk lo ni tur a ni a. Transitional provision a awm siloh hi chuan executive order - a finthlak tak leh thiam taka, remhre taka kan Minister in hetiang a lo kalpui hi a tidik in a tha hle in ka hria.

A dawt lehah chuan Demand No. 29 - Social Welfare hi a ropui ka ti a, a YMA a, a Christian bawk in ka hria a, he Department hi. Dik tak chuan, mihring hi an piantirh atangin an thlan thlengin a zui ta ngar ngar 'from cradle to grave' niin ka hria a. Department ropui tak ani, naupangte enkawlana atan Anganwadi an ti, Handicapped ho tanpuina te, hmeithai tanpuina te, tar chawmna te, juvenile court te, khatiang thleng khan an buaipui a. Remand Home te an enkawl a. Heng an tih mai bakah hian handicapped ho training te, eizawna tur buatsaihin an la han ti leh zel bawk a. Amaherawhchu, hetiang training chhuak tana thil pawimawh tak, eizawna ngelnghet an neih theihna tura bawhzuina programme tha tawk hi kan neilo em ni? Hetiang zawng hian rilru lo hmang leh deuh hlek ila. Naupang kalsual ta te Remand Home-a an lak te, Juvenile Home-a an lak tak te, an enkawlana hi a tha in a ropui hle a. Zu in thin, ruihhlo ching thin leh KS tepawh an fawm khawm a. Nun kawng dikah anrawn hruai lut a, a ropui a ni. Nun kawng dika an hruai luh tawh hnu pawh hian a pawimawh ber chu rehabilitation hi a ni a. Rehabilitation tur hian hei aia nasa zawka kan kal zel hi a pawimawh em em tih hi ka ngaihtuah dan a ni. Kan Minister chaktak hian ngaihtuahna hmangin lo bawhzui se ka duh a.

A dawt lehah chuan Pu Speaker, i hova nikum December - a Delhi-ah training a kan kal tum khan, Parliament-ah kan hotute khan thil pakhat min fah hneh em em an nei in ka hria a. Chumi chu Supremation of Legislator of the Executive tih kha a ni a. Legislative Assembly hi Supremacy leh independence hi in siam that chuan in MLA tepawh hi in dignity leh independence in siamtha a ni e. Legislative Assembly mi leh sa, an ta in ni a, tiin min zirtir tha hle in ka hria a. Kha kha hrereng in, MLA ho zawng zawng hian Legislative Assembly hi kan duat tur a niin ka ring tih kha ka sawi chhuak duh a. Keimahni kan phak tawk angte te in central in an tih anga kan kal theilo anih pawhin kan theih ang tawk te tea kan duat a, kan cheibawl tur niin ka hria. Tin, kan Assembly-a

thawktu te hi Staff atanga Officer leh Deputy Speaker leh Speaker ho zawng zawng an inpekna leh efficiency hi a ngaihsan awm khawp mai. MLA ten kan mamawh leh duhzawng apiang chaktakin an bawhzui a, ready made in min pe hi a ni ringawt mai a. Chuvang chuan lawmthu sawi tepawh hi kan ba in ka hria a ni tih kha ka'n sawi duh lawk a ni.

Tin, a dawt lelah chuan demand No. 7 - Excise and Narcotics tih hi ka'n sawi ang e. Zoram awmna hmun hi International Trafficking route-ah kan awm a, hetiang anih avangin kan Excise Department hi englai pawhin khawvel damchhung chu a pawimawh reng dawn. Drugs leh ruihhlo te hian kan thalaite hi an suam a, an ti chhe mek a ni. Chumi atanga kan thalaite veng tur chuan Excise Department hi an pawimawh em em a ni tih hi kan hriat nawn a tha in ka hria. Amaherawhchu, anni hi man power an indaihlo em em tih erawh chu hriat chian sa a ni a. Chuvangin, thum thar leh deuh deuh ila. Hei, International Border-ah kan awm a, kan ram development hi kan Chief Minister zahawmtak, chaktak hruaina hnuaiha nasa takin a thang zel dawn a. Ram pawn atangin international boundary cross pawhin mi tamtak kan ramah hian an lo la lut dawn, hnathawk leh thawklo tepawh in, khualzin tepawhin an lo la lut dawn chauh. Chung hunah chuan he Excise Department hi kan la mamawh deuh deuh tur a ni tih hria in, a man power lamah pawh hian ti chak chho ila a tha in ka hria a. Tin, kawng lehlamah thung chuan hmanna kan ti tina-ah mipakhatin a sawi ka hriatah chuan ti hian a ti a, 'Mifel tak, zu in ngai reng reng lo pawh Excise-ah hian kum hnih zen zawn a tan hnuah chuan zu heh takah hian a chang deuh nge nge a nia' a ti a. Tak tak emaw ni tehreng ni, chu chu a dik dawn em ni? mahse thil pakhat hriat ka nei, kei chuan 'tunhma-a zu in ve thin, mahse Excise a reitak a tan tawh hnua zu in miah lo, ruihtheih pawh ti miahlo sawi tur ka hre ve teuh tho a nia. A mihringah a inngat a niang' ka ti a. Chutiang mi chu an lo awm anih chuan, Excise tan avanga an tih tur ti lo zawk mi an awm anih erawh chuan lo in enchiang sela a tha hle in ka hria.

A dawt lelah chuan Power Department - Demand No. 29 na hi. A mak khawp mai, Power Department hi danglamna tak an nei a. Awm lo siam tura kan phut tlat te an ni a. Current hi a awm reng reng lo. Hmuh theih reng reng loh siam turin kan phut tlat a, an siam chhuah that loh chuan an lakah kan vui leh si. Kan duhthusam a awm loh chuan bati te kan insem hnan vel a, khatiang kha anih avangin an khawngaihthlak khawp mai. Duat pawh an ngaiin ka hria. Tin, kan Chief Minister zahawmtak, Power changtu hian nasa takin kan mamawh tih hria in, tunah hian a bei mek a ni. Power generation hmun hrang hrangah, vawi tam tak kan sawi tawh. Tuirial-ah te, Tuivai-ah te leh hmundang dangah tunah hian a revive chho mek a, chaktakin a kal zel hi lawmthu sawi tlat niin ka hria.

A tawp berah chuan Pu Speaker, tlemte Demand No. 45 Public Works Department hi kan sawi tawh thin angin kan Chief Minister ngeiin hma a la a, chaktakin Zoram dung leh vangah hma an la a, lawmthu sawi pawh ka duh a. Lawmthu ka sawi rualin khilaia ka vei em em Phullen leh Phuaibuang inkar Tuivai lei khi nasa takin kan Chief Minister zahawmtak hian tan la in, hna min thawh sak tih ka hria a, lawmthu ka sawi a. Tunah tui fur a tla mek tawh a ni

a, khi thal lei (temporary) khi tuilian in motor kalna tur min len chhiat sak leh chuan Phuaibuang tlangdung mipuite khi kan tap leh nasa dawn mang e. Chuvangin, lei (bridge) hlun siam (dawn) turin kan Chief Minister zahawmtak, Power changtu hian engchen nge kan kal tawh a, engchen nge kan hmabak tih kha a wind up na-ah min han hrilhfiah thei se. Chubakah theihtawpin khi lei hlun khi complete thei turin hma min laksak tur in ka ngen bawka ni e, ka lawm e.

SPEAKER : Pu Nirupam Chakma.

PU NIRUPAM CHAKMA : Pu Speaker, minute nga chiah a awm a, engtinge niang? kan House Leader, Chief Minister zahawmtak khan chhiatna te House-ah a report a, MLA Hostel chungchangah ka'n report ve teh ang.

Nizanah kan bed room-ah pawh kan mu thei lo, tui a lut a, darthlang tamtak a ti chhia a, zinglamah kan PWD hotute ka hrilh ve a, an lokal a. Pu Speaker, ka sawi duh chu Legislature Home hi window leh Iron window frame te tamtak chu a khar theih loh a, chuvangin a tharin thlak a ngai a ni tih kha nang leh House Committee zahawmtak te pawh ngen ka duh a ni.

A hmasa berin Power-ah tlemte sawi ka duh a. Unstarred Question No. 4 na hi ka zawhna a ni a. A chhanna pawh a chhah khawp mai a. RGGVY chungchangah zawhna ka siam a, please furnish sanctioning letter received by the Govt. of Mizoram under Rajiv Gandhi Grameen Vidyutikaran Yojana (RGGVY) Scheme during 11th Plan project for each RGGVY District. b) Please furnish copy of appointment letter of Turnkey contractors for is project c) Please furnish copies of agreement signed between implementing agencies of RGGVY in Mizoram and Turnkey contractor of 11 plan project.

Sanctioning letter te min pe vek a, appointment letter te leh agreement te. Pu Speaker, hei ka chhiar ka chhiar a, amaherawhchu sawi tur pakhat neiin ka in hria a. Agreement siam hi Mizoram Sorkar Engineer-in-Chief, Power & Electricity Department leh Agency pahnih tih a ni a. Company pakhat a mi? Nge company hran? Company hran anih chuan project in a chhang lo. A nih chuan anmahni nena contract sign kha awmzia a awmlo a ni. Hei hi pakhatna a ni a. Tin, pahnihna-ah chuan RGGVY Scheme hi Rs. 24.00 lakh a zawh tur a ni a. Letter of Award, 12th September, 2008 atanga chhiar in, 24 months. Chumi awmzia chu September, 2010-ah zawh tur a ni. Hmun tamtakah kan kal a, hei, an hna hi a chaklo lutuk a. Tuichawng bialah chuan khaw tamtak, he scheme hnuaiyah electrify tur a ni a. Chuvang chuan, agreement ang hian an hna hi an zo thei dawn em? tih pawh hi ngaihtuah tham tak a ni.

Chuvang chuan, Pu Speaker, he agreement chungchangah hian inthlan hma chiahah letter of award pek a ni a. 12th September, 2008 khan. Kan Election tepawh December, 2008 bawr velah a ni a. Inthlan hma chiah in Contract lian pui tam tak an pe a ni. Tuna an agreement a hna hi an zo theilo anih chuan a paw

viau ang. Tin, engatinge a chhangtu pawh nilo, Letter of Expression pawh an submit lo a, heng tenena agreement hi an siam? Chu chu min hrilhfhah thei em ?

Tin, hei kan Chief Minister zahawmtak hmalakna in Power Project tamtak, hmalak in a awm ve a. Nichina member zahawmtak, i veilam ami pakhatin a sawi angkhan, Chhimtuipui project te, hei, Mat te, tin, kan hriat theuh angin Kolodyne Project 460 mega watt hi 3000 crore cost hmangin tunah NTPC hovin an tan a ni. Chu chu Mizoram tan chanchin ropui tak niin ka hria. Tin, kan hriat theuh angin hei, Chanchinbu-ah tepawh kan chhiar tawh a, Tuirial Hydel Project pawh revive turin NTPC leh Sorkarin hma an la in ka hria a, lawmawm ka ti a. Kan Chief Minister zahawmtak hnenah lawmthu ka sawi duh a ni.

SPEAKER : Kan chawlh chu a hun na a, han kaltlang rawh se aw, kan lo intawng tiam tawh angreng si a.

PU NIRUPAM CHAKMA : Pu Speaker, Planning & Programme Implementation leh Finance Department chungchang thua Demand No. 9 leh Demand No. 14 hi tawitea ka sawi duh chu - Kan Chief Minister zahawmtak, Finance changtu in Budget a pharh niah khan Document hrang hrang min pe a. Performance Budget tepawh tun tumah chuan kim vek lo mahse min pe tel a, a tha hle a. Hei aiin kimchang thei se a tha hle ang. Tin, Mizoram Finance kalphung leh a awmdan hi Document hrang hrang atanga chhiarin, an kalpui dan hi tha ka ti a. Amaherawhchu, ka sawi duh pakhat chu sanction, expenditure chungchangah hian last minute, class hi a la awm reng ani. Hei hi thalo ka ti a. Budget hmasa-ah pawh kan sawi a, hei hi improve a ngai a ni. Scheme tamtak sanction thei lovin a dawn tep financial year liam dawn tep a sanction chu hna hi a chak theilo a ni, Pu Speaker. Hei hi Department hotute pawh hian min ngaihtuah sak sela. Kan Chief Minister zahawmtak hnenah pawh ka ngen duh a.

Tin, Planning hi ka ngaipawimawh a, Planning Board tepawh regular in thu se. Kan plan sum hman dan te, plan ruahman dan te, plan lam atanga ka tan mai loh chuan Department dang atangin an tan theilo a ni. Chuvangin, District plan te, hei tunah chuan India Sorkar duhdan chuan Planning Commission duhdan chuan, Village Level atangin Plan chu tih tan tur a ni. Chuta tang chuan District Plan kan siam ang a, State Plan-ah kan lut ang. Chu chu a ni, Planning Commission in a manual an siamah pawh District Plan kha an ngaipawimawh em em a ni. Keini Mizoram -ah District Plan hi kan nei lo, kan siam ngai lo. Chuvang chuan, kan Plan tepawh a fuh thei lo, Department in an duh dan danin an siam a ni. Scrutiny theihna hun pawh a mumal thei lova, a tawpah chuan plan thil kan man ta a.

Tin, hei Pu Speaker, sawi tur tamtak a awm a. Social Welfare chungchangah Member zahawmtak tak ten tamtak an sawi a. Ka sawi duh pakhat chu Multi Sectoral Development Plan hmangin India Sorkar in he Department

kaltlang hian crore 24 Lawngtlai-ah kan hmu dawn. Tin, Mamit District atan 22 crore, Lawngtlai District atan 24 crore. Hei hi kan Sorkar hmalakna ropui tak a ni.

Tin, Local Administration Department chungchangah khan kan Member te sawi ang khan Housing Loan te pek kan duh a. Kuminah Board Member-ah te min dah a. Pali chiah ka thlang thei, pali chauh ka pek theih chuan Board Member a awm kher hi a tul em ni ka ti a. Chuvang chuan, Pu Speaker, hei aia tam hi pek theih nise ka ti a ni. (**SPEAKER** : Pali chu ropui tak a ni) Lawngtlai kal man/senso kha a tam lutuk a, Pu Speaker, ka lawm e.)

SPEAKER : Kan chawl rih ang a, Dar 2:00 PM-ah kan thukhawm leh dawn nia. Sitting is adjourned at 1:00 PM.

2:00 PM

DEPUTY SPEAKER : Chawhnu thutkhawm kan tan leh tawh ang a. Chawhma khanin mi 7 in an sawi tawh a. Discussion kan chhonzawm leh ang a, tunge sawi leh hmasa ber ang? Aw, Pu K. Lianzuala.

PU K. LIANZUALA : Pu Deputy Speaker, ka lawm e. A hmasa-a sawi ka duh chu nizan leh nimin lama thlipui leh rialin a nuaichhiat, ka bial tlem han report ve ka duh a. Kan House Leader zahawmtakin a sawi tawh a, Chhingchhip chu sawi tawhlo mai ila. Chhiahtlang-ah in 14 lai luah tlak loh deuh thawin a siam ve a. Tin, Tlungvel-ah in 17, Thinglian-ah in 14, Thentlang-ah in 4 a ni a. Hengte hi House zahawmtak kaltlangin ka sawi ve duh a ni.

Tichuan, Pu Deputy Speaker, Demand No. 19 & 20 na-ah kal ila. Hei, LAD Minister zahawmtak physical pawh a fit deuh kan nei a. A lehlamah chuan a enkawl department te hi a chhangchhe zawng sawi pawhin an chhangchhia a tih theihin ka ring a. LAD pawh VC 791 lai enkawl an ni a. VC te hi an pawimawh a, kan hriat angin Democracy-ah chuan kan bulthum tepawh an ni a. Amaherawhchu, chhangchhiatna lai nei ve te an ni a. Chuti chung chuan kan Minister zahawmtakin hneh tak maia a enkawl thei hi lawmawm ka ti a. Ka sawi duh pakhat chu kan VC te hi tunhma kan ang tawh lova, Sorkar inrelbawl danah VC te hi mikhual chhia tha thleng tute an ni a. Sorkar Officer in an va tlawh ten, ei in tur leh thildangte lo buatsaih saktu an ni a. Mahse an dinhmunah hian Pu Deputy Speaker, an ro hle a. NREGS a lo chhuah hnu hian Sorkar Department atanga thildang han pawh tur an hmu si lova. Chuvang chuan, an dinhmun hi hei aia tha a an lawmman ve tur te leh fund dangte pawh hi pek dan hi kan Minister zahawmtak hian ngaihtuah sak thei se tih hi ka ngenna a ni a.

Tichuan, Pu Deputy Speaker, term hmasa lamah khan i veilama kan thut lai khan, Housing Loan chungchang hi sawi duh ka nei a. Vawiina kan Minister zahawmtak hi chuan chutiang rilru chu a pu lo turah ka'n ngai a. Member kan

nihna zawnah kan ngaih pawimawh recommend te kan sawi ve thin a. Anmahni nen ngei Minister te hnena kan kalpui pawhin, hlawhtlin a awm ngailo a ni. A vanduai thlak ka ti khawp a. Tuna kan Minister leh kan Sorkar hi chu chutiang ni lo turah ka ngai a, ka beisei bawk a. Legislator anga kan han ngen ve ngawih ngawih te, pakhat te mah hun kal tawhah khan ngaihthlak kan ni ngai lova, a vanduai thlak ka ti khawp mai. Tun hnuah chuan thleng tawhlo se ka duh a. Member te hi chu angkhata a tulna zawnah chuan min en tur pawhin ka beisei a ni.

Demand No. 29 - Social Welfare Department-ah hian lut ta ila. Pu Deputy Speaker, kan hriat angin Social Welfare Department chu Member zahawmtak tepawhin an sawi tawh a. Naupang atanga piangsualte, nunkawng hloh tawhte leh upa, pension kan tih mai, Old Age te enkawltu a ni a, an pawimawh hle mai a. Grant-in-Aid tepawh hi heng atang hian heng atan te leh NGO atan tepawh hian a awm thei lawm maw nile ? Keini Zokhaw lam bialtu te hian kan rin ber an ni a. Mahni bial kan chhuahin dilna kan hmuh tam ber chu PA Set dilna te, Musical Instrument te leh thildangte, no te a ni a. Hei ai hian tih tam theih deuh dan awm thei sela, he Department hi department pawimawh tak a ni a. Chu chu kan hotute leh kan Sorkar tepawhin lo hria se ka duh a.

Thil pakhat han sawi leh ka duh chu term kalta-ah bawk khan, PA Set pakhat te pawh hi i dinglama kan thut lai khan Sorkar khan min pe ngai lo a ni. Dekchi pakhat te pawh min pe lova, khatiang khan hleih an nei em em a, a hminga member kan nihna-ah bialah dilna kan dawn tam ber chu PA Set dilna te, Musical Instrument dilna leh Dekchi leh thildang tepawh a ni a.

Khang ang reng reng kha hun kalta-ah khan pek kan ni ngai reng reng lova, a pawika ti a. Tunah hi chuan kan Minister zahawmtak hian a ti ve lova, a ti ve dawn bawk lo in ka hria a. Tun apangin tih ang maiin tunah pawh kan vaiin dawn kan nei tawhin ka hria a (Member zahawmtak ten). Chuvang chuan kan Minister chungah hian lawmthu ka sawi mawlh mawlh a ni.

Demand No. 19 – Local Administration Department ah hian Housing Loan tepawh tunah chuan a amount te tam zawkin min han pe thei dawn a ni a. Member te hi hengah te hian min han ngaithla thei sela tih tepawh kha ka ngenna nisela, chu chu a pawimawhin ka hria a. A chhan chu, Sorkar hnathawkte chu anmahni Department atangin loan tepawh an hmu thei a, engtin tin emaw, Sorkar hnathawk ve lo, Zokhaw lam leh Aizawl-ah tepawh a ni tho ang a, khawpui-ah te pawh. Hengho tan hian Housing Loan te hi a pawimawh em em a. In dinna tur anih avangin tam zawkin ruahmanna tepawh han nei thei sela tih ka'n sawi duh a ni.

Social Welfare-ah khan han kal leh lawk ila. Hei, Anganwadi Centre hi thingtlangah kan nei a, tha tak maia function na hmunah chuan a tha thlawt a ni. School la kal theilo deuh te leh School kalna tur sum neilo te pawhin an inngahna ani a. Amaherawhchu, hei ai hian han thuam that deuh nisela, a building te leh a thawktu tepawh.

Tin, Sorkar Department atanga an dawn tur ang tepawh hi a hun takah leh a nih ang hian dawng thei ta sela a tha awm mang e aw ka ti a. Heng hi kan Minister zahawmtak pawhin min lo hriat sak se ka duh a.

Tin, Tar pension chungchang hi kan Minister tepawhin an sawi tawh a, heng tepawh hi a tam thei zawka tih theih nisela ka duh a.

Tin, hun hma lam kha han sawi leh ila, thil a chianna tur chuan sawi tel a ngai zel si a. Tar Pension chungchangah pawh hian, bialte atanga MLA kaltlanga an rawn recommend ve te kan han thun dawn khan, hetah a Ministry lam atang khan min lo hnawl sak vek zel a, party khan thu an nei em em a ni. Chuvang chuan, a hmu tur, a dawng tur diktak tepawh hian an dawng lo fo niin ka hria. Chu chu a taka hriat leh hmuh pawh kan nei ve a ni a. Khatiang kha chu tunhnu-ah chuan kal dan tur atan a duhawm lo hle in ka hria. Chu chu ka'n sawi duh a ni.

Pu Deputy Speaker, Demand No. 39 – Power Department-ah hian han kal ve leh ila. Hei, Power indaih lohzia chu kan hre tlang theuh a. RGGVY-ah hian, keini bialah khian khaw engemawzat tuam ve tur kan nei a. A dan ang chuan Village Level Committee tepawh din tur a ni a. Din a awm bawk silova, keini a hminga kan han bial ve te chu tui fur an tlak chuan Motor tlawh theih a ram pawh a awm lo a ni. Contractor hi T & T Project Ltd. an ni a. A contractor hi Phone in ka bia a, 'Thal chhunga chak hi in dah loh chuan a ban te hi...' ka ti a. Ka'n sawi vang chuan a niang e, ban 8 an dah a. Vawiin thleng hian chhunzawm a ni tawh lo a ni. Pu Deputy Speaker, chumi anih avang chuan tunah hian, nikumah ka hriat soal loh chuan kan House Leader zahawmtak pawhin Pu Speaker, minute khat lek, a sawiin ka hria a. Mahse tun dinhmunah chuan engmah hmalak zui a awm tawh si lova. Heng angte hi enzui ran a ngai hle in ka ring a. Fur hma-a a ban te leh a hmanrua te chhek a nih loh chuan engtik niah mah kan eng ve lo mai ang tih a hlauhawm a ni.

Tin, Demand No. 45 – Public Works Department-ah hian, khi, PMGSY Chhingchhip to Hualtu kawng laih a ni a. Hun kaltawha tender te engkim tih a ni a. An hna kha an hralh chhawng hnem lutuk a. Chuvang chuan, work in a tuar em em mai a, vawi 2/3 te an hralh avangin. Hualtu khawchhungah nangmah pawhin i hria a, Pu Deputy Speaker, kan kal a, in 40 vel tan chuan kal ngaihna a awm tawhlo ani. An kawtah leivung in a chhilh a, an hai fai duh tawh silova, contractor tepawh an kal duh tawh lova, hna an chhunzawm duh lo a ni. Hetiang ang hi chu a tha lo hle in ka hria a, a pawl a, khawchhung tan malsawmna aiin harsatna thlen tu anni tlat mai a, a contractor tepawh hi ennawn a, tihdanglam a ngai anih chuan kan Sorkar hian enchiang se ka duh a. Chutilo chu fur anih pheih chuan a lungngaihthlak khawp ang tih ka ring a ni. Pu Deputy Speaker, ka lawm e.

PU H. ZOTHANGLIANA : Pu Deputy Speaker, ka lawm e. Ka hma-a thusawitu Member zahawmtak sawi ang deuh khan ka bial chhung han ti ila, Lawngtlai District hrim hrimah thli leh ruah leh rial vel avangin chhiatna,

harsatna hmun tamtakah kan tawng ve a, kan tuar ve a ni tih kha tawite in ka'n sawilang ve zawk duh a. Kan inbiak pawhna vel a chhiat deuh vek avangin report mumal kan la dawng thei lova, pawl ka ti khawp mai. Chubakah chuan, thil lungchhiat thlak tak mai, tuna chawhnu thutkhawm kan tan leh rual khan SMS Message ka dawng a, chu chu kan House-ah hian han tarlan tha in ka hria a. Lawngtlai Police S.I pakhat, Remliana'n a Police pui tho Driver Ramluta a kap hlum tih ka dawng a, a pawl ka ti khawp mai a. Mitthi chhungte ka tuarpuina thu he House kaltlang hian han tarlan tel ka duh a ni.

Tichuan, Demand No. 39 - Power chungchangah hian, kan Sorkar thara kan House Leader, Chief Minister ni bawk ina a kaihhruai hian Power a hnianghnar hi hmasawna bul pawimawh tak mai a ni tih hrechiang in, helam kawngah hian theihtawp a chhuah hi lawmawm ka ti a. Kum tamtak chhunga lo tih khawloh tawh, Tuirial Hydel Project tepawh revive thar a ni a. Ka hriatsual loh chuan mega watt 60 vel pechhuak thei tura beisei ani a. Tin, Tuivai mega watt 210 bakah, Kolodyne mega watt 460 te a lian deuh zingah buaipui chhoh a ni hi a lawmawm a, a ropui ka ti a ni. Hengte avang ringawt pawh hian inthlan leh hunah hian Zoram mipui hian he Ministry form mek tu Congress Party-ah hian rinna an nghat ngamin, lawmthu an sawi pawh ka ring a ni.

Demand No. 19 – Local Administration Department hi, Autonomous District Council Area hote hi a hranpa-a cover nilovin, a hlawmin sum tanpuina engemawzat min pe thin a. Hei hi a lawmawm em em rualin kan sum neihte hi kan khamkhawp lo ve hle ani tih kha kan Minister in min lo hriatsak se, tihpun dan te a awm theih hram chuan chutianga ngaihtuahna min siam sak a, rem min ruat sak theih chuan a lawmawm hle ang.

Tin, Demand No. 29 – Social Welfare Department chungchangah hian Anganwadi Center hmun hrang hranga mite hi an fakawm tih ka sawi duh a. Thiante nena kan titi hona-ah pawh hmun hrang hranga mite hi an thawk tha viau a, an worker tepawh an in pekna a thuk tlang viau a ni tih ka hriat dan a ni a, lawmawm ka ti a. Chutih rual chuan Anganwadi Center te hi tunaia han thuan that deuh dan hi a awm lawm ni ? ka ti a. An thawk tha in an thiltih hi a pawimawh em em si a tih ka'n sawilang zawk duh a.

Demand a tam si a, ngaih pawimawh tlemte te ka'n sawi ang a. Old Age Pension, Upa Pension, Upa lawmman kan ti dawn emaw ni ? chungchangah pawh hian kan Minister chaktak hmalakna a zarah tunhnai maiah hian mi sangriat chuang zetin pension an hmuh belh leh dawn niin ka hria a, a lawmawm ka ti a, a ropui ka ti khawp mai a. Lawmawm ka tihna em em lehzuak pakhat chu Ministry hmasa chhung khan Upa, dawng thei tur thlan chungchangah thleng pawh khan inthliarna a lo nasa em em a ni tih tunhnu hian ka hre chho zel a. Keini bial lamah te tak pawh khian chutiang chu a ni a. Kumtling mang lo, Upa tih la tling mang lo, thenkhat ina pension an lak mek, (mawlh mawlh lain) Congress mi leh sa deuh nia an ngaih tamtak, kum 70/80 tepawh pension la dawng lo an awm teuh mai a. Tun tumah hian kan Minister hmalakna azarah engemaw zat chu an tel dawn a ni tih te ka han hre thawi a, a lawmawm em mai a, ka'n sawi tel duh bawk a ni.

Tin, General Administration Department chungchangah hian hmasawna tamtak kan hmu a, lawmawm ka ti a. Kan member pui zahawmtak tena he House-ah pawh an lo tlangaupui tawh thin, kan Mizoram House hmun hrang hrang amite-ah MLA leh an nupuite treatment pek dan tur an lo ruahman na MLA te an dahsan loh viau mai kha siamthat a la ni tak tak lo niin ka hria a, vawiin thleng hian, a paw ka ti a. MLA te vehicle pek chungchangah pawh 'subject to availability' tih a ni a. MLA nupuite phe chu an dah hniam hle a, chutih lain bureaucrat lamah top official te chu anmahni chu sawi loh, an nupui pawh nilo, an fate thlengin AC Car an provide thei te hi a diklo ka ti a. Hei hi ka sawi duh a, tih that dan a awm thei lawm ni ka ti a ni.

Demand No. 9 – Finance leh Demand No. 14 – Planning and Programme Implementation chungchangah hian MLA rual tena House zahawmtaka kan pass thlap tawh hnua Planning leh Finance inkar vela engemaw file inthen kual rei lutuk mai hi a ninawm a. MLA ho tan hian a tlawm thlak baw ka ti a ni. A pass thei tu in kan pass tawh, chhuanlam fahrah te te hmanga Minister pawhin sum hman a tul an tih tawh pawh a dan an lo ni leh thin hi a paw a, ram pawhin a tuar ani. An lo tih khawtlai thin avanga kan tawrhna hi a tam tawh a ni. Kei Junior ber pawh hian ka hre teuh a ni. Helai process hi chu tih awlsam deuh dan a awm lawm ni ka ti a ni.

Department thenkhat hi chu an super lutuk deuh mah mah a, Legislative Supremacy hi an over ride a ni. Hei hi a diklo in ka hria a. Chuvangin, helai hi kan hotuten enthat dan an hriat ngei beisei in ka han sawilang duh a ni e, Pu Deputy Speaker, ka lawm e.

PUP. P. THAWLA : Pu Deputy Speaker, ka lawm e. Demand No. 14 na kan Chief Minister zahawmtak portfolio atang hian ka tan ang a. Hemi Demand No. 14 na-a ka rawn sawi tan duh chu pakhatna – MLA Fund hi India Planning Commission lamin 20% plan sum min pek belh tawh baw ka, nuai 25 maiah hian tawp lo sela, tih pun hram nise tih kha thahnemngai takin ka han sawi duh a.

A dawt lehah chuan Autonomous District Council te pawisa pek plan sumah pawh hian 20% ang tala pungin pek belh theih hram nisela tih kha ka han ngen nisela.

Demand No. 15 na-a ka sawi duh chu kan Mizoram House hmun hrang hranga awmte hi uluk zawka thumthat tumna hi rawn chhonzawm zel sela tih ka han tarlang duh a. Kan hnung khan, zan hnih vel Silchar Mizoram House-ah ka zuk riak a, VVIP room leh VIP room No. 1 & 2 khu chu a la tih tlak viau a, a bak khu chu Officer ho thlenna tur awm khu chu siamthat a ngai hle tawh a ni. Hei hi a pumpuia sak that a nih loh pawhin, a room te leh furnitures te leh a mut puan lamte pawh tunaia mawihnai deuha siamthat leh ni hram sela tih ka han tarlang duh a.

Tin, Aizawl khawpuia kan Circuit House-a mutbu leh khum vel pawh hi thlak a tul hle tawhin ka hria a. A in te hi chu rawng hnawih that theih zel a ni a, a mutbu leh khum leh furnitures lam hi thlak hi a pawimawh hle tawhin ka hria a, chu chu ka han sawi duh a ni.

Demand No. 39 na-ah hian Pu Deputy Speaker, ka han sawi duh chu Power lam a ni a. A pawimawhzia thu chu sawi uar chiam lo ila, kan ngaithla nual tawh bawk a. Ka bial hi Saiha District huamchhung, Aizawl atanga teh a hla ber lam a ni bawk a, Power a kan harsat dan tur hi chu rin dan kan nei thei vekin ka ring a ni.

Heta ka han tarlan duh ber chu Tuipang Lui Hydrel Project hi hemi District chhungah hian Project pawimawh ber a ni a, tuna kan House Leader zahawmtak Sorkarna kalpui lai hian bul tan a ni a. Tunah hian sawi nawn leh hun tak pawh a niin ka hria a. Tin, improvement tur anih thu Budget Session hmasa-ah pawh khan kan ngaithla a, theihngihl a nih ka phal lova. Chu chu tih puitlin hram hram ni thei sela, kha kha ka han sawi belh leh duh a. Tin, a panna kawng (approach road) te hi siamthat a tul khawp a, he kawng hi pawimawh tak a ni a. Chutah chuan, 1995 vela tuna kan House Leader zahawmtak Sorkarna kalpui lai vel te khan Tuipang 'L khaw mipui ten an lo hmuahna-ah thahnemngai taka an ngenna chu 'Ka pu, Tuipang Lui Hydro panna kawng tha min siam sak rawh' tih hi an ngenna a ni, ani pawhin thataka siamsak a tiam a ni. Mahse, Sorkarna kha an lo inthlak tak avangin kutthlak hman lovin kum 10 vel lai chu a rial a ni. Tunah hian Sorkarna chaktak in rawn kalpui leh tak avang hian kan phur thar leh hle a. Tuipang Lal veng mipuite leh khung bial mipuite pawhin hetih laia State Sorkar Project tamtak mai, Power Project hmuna awm a, a panna (approach road) thataka kan neih theih hi kan beiseina a la reh lova. Chutiang chuan tuna kan Sorkar, Sorkar chaktak a kalmek lai hian, a khawl leh a hmunhma te in improvement mai bakah, a approach road min siam sak hram turin ka ngen a. Tin, he Hydrel Project hmun hi kan thlen chuan a piah lam Vahai khua lampanga va zawm zel tur kawngte pawh pawimawh tawh takin a nghak reng a ni tih kha ka han tarlang duh a ni.

Tin, hemi Power hrui zam dan chungchanah hian Lawngtlai atanga Saiha leh Tuipang lampang hi a ram te a chhe bawk si, a leilung lah hi a min uar bawk si a, ruahtui te a tam a. Chuvang chuan, kan Power hi tun aia hma kan sawn theihna tur chuan Tuipang thleng hi Tower line kal tir ve hram nisela. Hei hi a pawimawh hle in ka hria a. A chhan chu, Tower line-ah hi chuan ram min, leimin vel hian a tichhe zung zung tawh lovang. Thawktu line man leh labour tepawh an hahdam deuh tawh ang. Chuvang chuan, Lawngtlai atanga Saiha, Tuipang thleng hi chu Tower line hi kal tir ve hram nisela tih te hi ka han sawitel duh a ni.

Demand No. 45 na-ah han sawi leh ta ila. Rural Connectivity in a thil tumah khan khawkhat mipui/micheng te 250 awmna thleng chu PMGSY kawng laih connect vek tur anih tur thu kha kan hria a, kan ngaithla thin a. Ka bial chhungah Lodaw khua kan tih, a thenin Lungdar khua an tih hi Lawngban khua atanga hla vaklo a ni a. Mi 250 aia tam mi chengte an niin ka hria a. Chuvang

chuan, he Sorkar chaktak hian PMGSY kalkawng a rang lama min siamsak theih ngei tun term chung ngeia min zawh sak theih ngei hi a duhawm hle in ka hria a. Khawte nimah selangin, a awmna hmun khu Kolodyne river bul a ni a. Lai District Council te nen inzawm/inrina a ni a. Tin, hei, Tuipui atanga lawng service te, border trade te a lo phei chuan khaw chhuahsan phal awm lem loh hi a ni ve bawk a. Chuvangin, a changtu Minister in min ngaih pawimawh sak hram se tih ka duh a. BADP Scheme leh sum in vawi tamtak an thawk thin a. Belhkhawm vek chuan cheng tamtak sen tawhna ni mahse, a tak tak thawh a ni thin lova, tute emaw sum insiamna mai niin tun thlengin Motor a la thleng lo a. Chuvangin, ngaih pawimawh hram atanah ka han tarlang duh a ni.

Hmanni Saiha-a ka han zin khan, kan E.E, tuna kan dah thar tak hianin Saiha khawpui chung kalkawng nasa takin a lo thuah thar leh vek a. Khawlai vahvel a nuam hle in ka hria a, sum leh pai enge kan neih dan tia ka han zawh vel in, min chhanna chu 'sum leh pai a la awm chiah lova, beiseina in a rem rem, a ba thlau ten mahni khawtual chu ka ti a, thahnem ngai takin ka bei mai ani' a ti a. A lawmawm hle in ka hria a. Hetianga kan Officer ten thahnemngai taka an hnathawh tur an thawh hian a lawmawm a, sum leh pai lampanga harsatna avang leh ngaihsak lohna avanga engmah ti thei lova kan Officer te an awm hi a pawl thin a. Chuvang chuan, a lawmawm ka tih thu House-ah hian ka han tarlan duh bakah hmalak chhonzawm zelna tur atan pawh sum lamah plan sum-ah a mamawh tawk ang tal pek belh hram se tih kha ka han tarlang duh a ni.

Pu Deputy Speaker, a dang leha chuan Demand No. 29 na – Local Administration Department ah hian han kai leh ta mai ila. LAD hi hei, kan khawpui enkawltu ber te an ni a. Tin, LAD chungah hian thil tamtak, ram mipuiin kan tangkaipui a awm a, nichina kan ngaihtlak tawh ang khan Housing Loan ah lower income group tana Rs. 85,000/- nita leh middle income group tana Rs. 1,25,000/- a ni ta te kha a lawmawm hle a. Chumi tih danglam anih tak avangin kan Minister zahawmtak report atang pawhin kan hria a, a quota hi a tlem phah deuh a. Chuvangin, tunhma lama tamtak an sem theih thin kha a amount tih tam anih tak avanga a lo tlem ta thut kha engpawhnisela, a rang lamin a lehpek atang tala member tam zawkin an chan theihna turin sum tam zawk dah belh leh hram se tih ka han sawibelh duh a. Tin, Housing Loan Board Member hi kei hi chu Board Member ka ni har awm mang e ka ti a. Recognised Party MLA ka ni ve bawk silova, District Level lamah hriat ka ni ve bawk silova, State Level-ah hriat ka ni bawk silova. Minister te an tlawmngaih loh phei chuan mipakhat tan mah Housing Loan hi ka sawi sak thei dawn silova, a ruk tea a changtuten min hriat bik kha pawimawh hle in ka hria a. Pu Deputy Speaker, ka thahnemngaih thu ka han sawi duh a ni. Tu pawl sawilo mahni tal tala tal ve mai kha ka ni a, Member atana ruat ve atan pawh duhsak ve tlak hle ah ka inngai.

Pu Deputy Speaker, LAD Directorate lamah hian thingtlang atanga mi mangang lutuk lokalte hnenah eng shceme nge an neih ka hre lem lova tanpuinate ka han dilsak ve ngawt a, lehkha te a thai sak a tu tu emaw an hlawhtling mai thin kha a lawmawm hle in ka hria a eng chena in thlahrung tur nge ka hre chuang lova, chutiang te chu an lo ti thinte ania a lawmawm hle in

ka hria ani. Chutah chuan Demand No.29 na Social Welfare ah hian tlem kha han sawi bellh leh duh a. NGO hovin a kan mamawh em em te hi Social Welfare Department in a thlawn mai a min pe thei thin hi a Department nen hian a in awmin a mawi em em a. Kan lawm bawk a. A bik takin P.A set te, dekchi, thing pui no te, thleng te, thlanlahna hmanrua te thlenga min sem thin hi a lawmawm hle mai. Amaherawhchu, engtia semruual thin nge? A dil taima ten an hmu tam mai nge ni, a semruual dan a awm nge tih chu ka hre lem lo a. Heng avang hian lawm thu kan sawi a. Tuna budget kan pass tur atang pawh hian helamah hian thahnem ngai zok a a chang tu Minister zahawm tak hian rilru min neih pui turin ka ngen duh a ni. Kha zawng kha ka sawi theih ni mai sela, Pu Deputy Speaker ka lawm e.

DEPUTY SPEAKER : Tunge sawi leh ang le? Pu T.T.Zothansanga.

PU T.T.ZOTHANSANGA : Pu Deputy Speaker, ka lawm e. Kha mahni bial in han sawi laih laih a, keipawh nizanah Aiduzawl a kan V/C Vice President te in an kangral a. Chu chu kan report ni sela. Hei kan Demand hi tawi te te in kan chuk zeuh zeuh duh a. Kei chuan Demand I na, Legislative Assembly. Hei hi a lawmawm ka ti. Kan Assembly te hi an efficient ka ti khawp maia. An hnathawh na ah hian an fakawm ka ti a. Hei nikum kum tawp a mi kan report chhah pui pawh hi an rawn peih sa vek mai a. Kan session hmasa a kan thil sawi zawng zawng kha tah hian chipchiarin a rawn lang thei tawh a, an chak ka tia lawmawm ka ti a ni.

Tin, hnathawktu te pawh in an thawk nasa ka ti khawp mai. Mizoram Office ah hian a thawk nasa ber anni angem aw te kan ti a. hei PAC te leh Committee hrang hrang ah te kan awm ve a. Henga an mi kaihhruaina leh finchhuahna te a lawmawm in a hlimawm em em thin a. A thawktute ka fak a ni.

Tin, Demand II na Secretariat Administration ah khan thil tam sawi duh ka nei lova. Secretariat Compound chhungah MLA ten car kan dah an remlo thin khu pawh ka ti a. Hei hi min lo ensak theih chuan tha ka ti. Khutah MLA pangngai te kan zuk kal ve a, kan zuk dawr ve a, hotute kan zuk hmu a, Secretariat chhungah kan car dah ve an phallo a, hetah lo dah rawh u, min lo ti leh thin a hi hotuten minlo ensak sela ka duh khawp mai.

Tin, Demand No.14 na, Planning & Programme Implementation tih ah kha chuanin, hmanni khan kan House Leader khanin bial chhunga Department hrang hrang in development hna reng reng MLA te hriattir a duh a ng deuh khan thil a sawi tawh avangin helai hi chu ka rawn sawi tam lo ang e.

Tin, Demand No.39 Power hi a pawimawh khawp mai a, a tute tan pawh eng sorkar ah pawh hian kan goal lian ber hi ani zel mai a, Bofors laipui ang deuh kha a ni a. A silai kan nat leh nat loh lam ai mahin hemi politics level a in chawina hi a tam thin a, helai kan power chungchang tih dan pawh hi eng

emaw zawng chuan a lungchhiat thlak ang reng khawp mai. Hmasawna hnuk lian ber a ni si a. Hei tun hma deuh khan kan MPC unaute khanin Bairabi an han tan a, thuk tak kal tawh khan an han insawi a. Amaherawhchu, ni e, an tih than bikloh thilte alo nih avangin thui an kala an in ngaih ang em em khan an kal thui theilo kha a ni mai a. Tichuan an han tla leh zui mai nen, an tumruhna nasa tak nen tun thleng hian MPC hi an la thlah hleitheo lo ani a, tam takin. Tunah keinin remchang takin kan han chhonzawm thei ta zawka, a lawmawm khawp mai a.

Term hmasa, Congress term hmasa khanin, tam tak bul an lo tan tawh a, an bul tan tawhna te kha chhonzawm zel a nih loh avang khan tun thleng hian tun dinhmunah hian kan la awm a ni a. Kan Sorkar hmasa khanin hma hi an la lo hrim hrim ni khan ka hria a. An la lo mai nilovin, an hmalakna kha a chhe zawngin a kal ah kan ngai, hei ka rilrua awm rengah chuanin, June ni 9 atanga August 23, 2003 chhunga compensation nawr avanga band a awm tak tak laite ka rilru chuan a hria a. Tin, 1998 a Congress an tlak dawn khan, Tuirial khuah chungchangah compensation la thei mi 48 chiah kha an awm a ni. Tichuan a hnu kum 2 kum 3 hnuah khan an lo pung ta thur a, MNF alo Ministry takah khan compensation late kha 48 atangin 1026 niin ka hria. Tah khan an han pung chho ta hluai a. Kan Magistrate, kan thu ziak thiam te zinga pakhatin a ziah dawn phei chuang, “Vantirhkoh pawh hi rawn thlawk thla sela, thlai hmun hi a hmuh ka ring lo;” tih ang deuh te khan a rawn ziak kha a ni a. Tuirial kam kha thlai hmun deuh hliir mai khan a lo khat a, compensation ramah kan lut ta kha a ni a. Mi tam takin science an thiam tawh a, electronic, computer khawvelah kan lut tawh a. Keini erawh chu compensation khawvel ah min hruai lut ani. Compensation hi mizote zingah a lar tawh khawp mai a. Compensation syndrome kan vei a, khawihmunah pawh hma thar han la dawn ila kan rilru a lo lang hmasa-ah chuanin tunge ram nei tih hi a ni deuh zel mai a ni. Chuvang chuanin a paw ka ti khawp mai a. Bati an han sem te lek phei kha chu, kum 10 chhunga megawatt 1 pawh siam lovin an tih awm rengah khan kan ngai deuh a ni.

Tin, kan Demand hi kan sawi zo phawt ang. LAD kha kan sawi leh duh a. LAD hi a ropui ka ti khawp mai a. Kan hmalakna nichinah khan kan thusawitu tuipui East bialtu zahawm tak khan a rawn sawi tawh ang khan VC in thlan chungchang te kha a rawn sawi a, hei tun kan VC te hi an tha khawp mai a, a hmaa mi kha an ang lova. Sorkar hmasaah kha chuan kan bialah VC kan chan lohna, Ruling ina VC an chan lohnaah khanin Village Welfare Committee hi an din vek mai a. VC angin an function vek mai ani. Kha kha hun hmasaa kan awmdan kha a ni a. Tin, VC te pawh kha huai pawh an huai a. An VC lohna hmun apiangah Welfare Committee an indin si a. Ruling VC kha an ni fai vek tawp mai a ni. Tuna kan Minister ina V/C in thlan lehna tura ruahmanna a rawn neih hi a awm lohna pakhatmah ka hre lova. Tih awm tak vek niin ka hria a ni.

Tin, a hrim hrimin VC indang turte hian an lo chak ve em em tawh a. Vawina in thlan leh hun te te kha an nghah thei tawh lova. Enge ni, tuna chak tawh a thlam bang pin tih ang deuh hlek kha a ni a. Tuna indan mai kha an lo duh ve tawh a ni. Tichuan LAD ah khan lawmawm tih deuh mai ka nei a.

Tunhnaiah development work kan Minister in thingtlang lamah khawtin maiah minrawn sem vek mai a. Thingtlang tena an lo la hmuh ngai loh thil te a ani a. An lawm khawp mai a. Khamiah khan in lawmthu an sawi a, tin, Housing loan hi anrawn sawi anrawn sawi tawh nain kan sawi leh duh a.. A amount tam hi chu a lawmawm tho a. Amarawhchu, sorkar hnathawkten an loan lak ve theih chhun a nih avang hian in hei ai hian tam leh zual se tha ka ti. Kan member zahawm tak Pu Thawlla khanin member nih kha a duh miau in ka hria a. Sakawr varahrawn chuang ve rawh kan tih kha lo la hre reng sela a tha awme.

Tichuan, Finance Commission atang te pawh in hei kan hmu tha a. Tin kan ngai mawh em em mai pakhat chu unauthorized village chungchang hi a ni. Tun ah hian in khawtlang lam te chhim lam ah te khaw chhak lam ah te kan unau tamtak an lokal a, in leh lo mumal nei lo in an duh na hmunah kawng kamah anrawn in settle mai a, heng hian khawtlangah hnawktam tak hi an sikam in ka hria, hemi enfel chungchang ah hian VC a hnai bera mite hnian heng var lo chhuah sela kan ram leh hnam tan tha turah ka ngai bawka ni.

Tichuan Social Welfare ah kan lut leh zawk ang a, demand No.29 na khan in hei a lawmawm ka ti khawp mai. Khawvel ah Mizo in hna kan sawn ve a ni, ka ti a. Welfare of Women tih te, tin, child welfare kan tih te, tin, Welfare of Handicapped kan tih te, welfare of aged infirmity and destitute correctional services, hei waviin ah hian kan LAD Minister hi fakawm ka ti khawp mai. Heta a sum hlawn te te hi arawn zia chhuak vek mai a hei hi lawmawm ka ti. Keim ahni pawh in a kan lo en ve theih nan hei hi ropui ka ti a. Tin, chu tih rual in prohibition chungchang bikah hian, ruihhlo ngai te enkawl na chungchang ah hian, he a thawktu ho a hi, tun aia taimak leh zual hi chhuak theih hram se ka duh a ni, hmun thenkhat ah hian in thliarna lek lek ang lo awm thin te kan lo hre thin a, chuangin a theih hram chuan Social Welfare hnuai kan Department te, a chunglam ni lo, a hnuai lam te hian taimak an chhuak leh zual hi a ngai in kan hre bawka ni. Kan sawi tel leh hram duh chu nimin lawk khan kan Tuipui East bialte zahawm tak khan arawn sawi kha, Pu Deputy Speaker i phal chuan helaia mi tlem te kan sawi lawk teh ang. Kan chhiar lawk teh ang.

Pu B.Lalthlengliana MLA zahawmtak in ni 100 inhlawn hman dik lo awm nia sawi, House-ah arawn sawi chungchangah hemi bial chhung VC leh VCP Secretary te koh an ni a, Pu Lawmkima Sateek chu, "party fund a tam sum pek i nei em? tih zawk a nia, a ni hian tum khat chu block hruaituten min dil a. Amaherawhchu, kan hnathawh tur Lianphunga bung bula balcony dawh a ni a. Hna a hautak avangin pek tur kan nei lo" a ti. Pu Ramfangzauva VCP leh Pu Lalhmingmawia, Secretary Phulpui te chuan "Party fund tur cheng khat mah min dil lo" an ti. Tin, hei VC 16 te chuanin party fund atan chengkhat mah an pek loh thu an sawi a. Hei hi VC a an thawhpuite bakah Village and Monitoring Committee pawh in an hriatpui thu an sawi bawka ni. Helaiah job card chungchang thu te pawh kha, halaiah hianin engkim arawn chhui a. An duh chuan a copy kan pe thei a. Thil fel lo awm ang taka Assembly a mawi lo deuhhlek a lo ri kha a rik ang kha a lo ni lo ani tih kha

kan sawi duh a ni. Tichuan, an Demand hi a tam lo bawk a, ka rawn support e, ka lawm e.

PU K. LIANTLINGA : Pu Deputy Speaker, hun min pe a, ka lawm e. Vawiinah hian Demand sawi tur a tam hle mai a, Minister 2 nimahse, demand hi 12 vel lai a awm a. Sawi zawh hman rual chu a ni lo ang a. Engpawhnise, a theih ang chin chin chu han sawi tum ila. Demand No. 29 na – Social Welfare kha ka sawi duh a. Hei, kan Sorkar hi thil han sawi in, zawhna leh chhanna han tihah tepawh hian an ti hlawhtling chho zel a. A hmalakna a lawmawm hle in ka hria a. Social Welfare tepawh Director RR han siam chungchange an ti hlawhtling a. Khangah khan a lawmawm hle in ka hria a. Tin, Staff tihpun dan tur tepawh la awm zel turah ngai ta ila. Tin, vawiinnia zawhna leh chhanna kan tih hunah khan, ICPS chungchang thu tepawh kha a hlawhtling a, a lawmawm hle in ka hria a. Amaherawhchu, chutih rualin ka'n sawi duh pahnih khat chu, Mizoram Prevention of Beggery Act tih chungchang thu kha zawhna ka zawt tawh a. Amaherawhchu, khatah khan siam tumna a awmlo tih a ni a. Ka'n zawt kual deuh a, Law Department lampang atanga lo object kha niawmin ka han hre deuh a. Hei hi atulna a awm lem lova, a implementing agency staff pawh an chak lova, an indaih lova. Staff pawh an awmlo a, ti zawnga siam loh kha niin thawn kir leh mai niawm in ka hria a. Mizoram leh Aizawl khawpui chhung ngeiah pawh hian kutdawh tam mai bakah a lema kutdawh tamtak an awm a. Tin, sumdawn nana hmang tepawh an awm a. Khatiang ang vel han venna tur leh siamthatna tur ang chi zawng zawng pawh kha ruahman a ngai a ni. Khawpui thatak leh mawi tak kan neih theihna tur leh ram thenkhatte anga kutdawha sumdawng ang chi te kha an awm theih lohna tur atan heng hi a pawimawh em em mai a, tih tlang theih hram nise chuan a tha in ka hria a.

Tin, Disable Commission tepawh hi din turin State hrang hrangah tih a ni a, kan State tepawh hian han din chho in, remtihna te chu nei chho in kal chho mek mahsela, Deputation a dah tur an ni. Deputation tur khan a qualify tak tak hi an awmlo tlat mai a. Khangah khan uluk taka ngaihtuah a ngai in ka hria a. Expert te awmin, abikin heng hi MSW hnate a lo nihna laiah hian han siamrem that sak thuai tepawh hi tul hle in ka hria a ni. Chungah te chuan Tar Pension te, Disable pension te, Widow Pension te leh thildang tepawh Central Scheme te a tam avang hian hetiang Commission feltak te hi engpawhnise, a bik in Disable-ah te pawh hian kan neih hi a tha in ka hria a.

Tin, NGO hnuaiah hnathawk tam tak an awm a, direct funding te an awm a. Heng hian harsatna an tawh thin a. Tunah pawh hian tamtakin an grant hi an la hmulo a ni. Khang ang chiah khan Central-ah te financial statement leh thildangte pek thuai thuai a, a tanpui zawngin department pawh hian tan la sela. Tin, Social Welfare mai pawh nilo, Mizoram chhunga department hrang hrangte hian Central lama grant dil ang chi leh hetiang hmu hi tamtak an awm a. A nuai tel te lo hmu annih avang hian mi sem hmuh tur lo buaipui chaklohna leh ngaihsak tawh lohna hi a awm deuh emaw ni chu aw ! tih theih a ni. Chutiangah chuan department dangte pawh. Tin, a bik takin Social Welfare-ah tepawh

Addiction Centre hi tunah hian 30 lai kan nei a, khatiang ang kha tan lakpui a ngai hle in ka hria a, khangte kha helai Demand No. 29 na-ah chuan ka sawi duh a ni a.

Tin, Demand No. 19 – Local Administration Department (LAD) chungchangah hian nikum ai chuan an budget hi crore 12.90 laiin a sang a. Tin, Grant-in-Aid ah te leh other charges atangte nena han chhut chuanin crore 12 zet a ni a. Tin, thingtlang lamte pawh a hawi deuhin a lang a, ruahmanna han siamah hian. Grant for Rural Body han tih laiah te hian crore 16 laiin a pung a. Crore 20 lai awm ani a, a lawmawm hle a. Amaherawhchu, LAD hi Department hlun tak leh khawpui tepawh enkawl leh kiltin dap a ni a. UD & PA te a lo pian a, khawpui enkawl tur a lo nih hian allocation of business-ah hian enfiah that a ngai hle in ka hria a. Kan khawpui Aizawl leh Municipal leh UD & PA enkawl tur ang chu nimahsela, tunah hian an la indaihlo em em a. Staff te an tlem a. Hengah hian LAD ngelnghet taka lo awm zawkte hian enkawl zel turin ruahmanna la nei chho sela chu a tha awm mang e. Notification awmte pawh hi ennawn leh a tha lawm ni aw tih te ka rilruah chuan a awm deuh a.

Tin, Housing Loan hi tunah chuan nuai 500 dah leh niin a lang a, Housing Loan hi nguntaka ngaihtuah a ngaiin ka hria. Tuna hemi LIC atanga kan han lak tur ang chi-ah tepawh hian Police leh PWD lama Housing lamahte khan engemawzat dah a ni a. Hei hi mipui chanai tak tak tur anga ngaih deuh nihna laite pawh a awmin ka hria. Hengahte hian a aia tam zawkte hi a tih theih em? Crore 5 aia tamte hi nita sela, tunah pawh hianin an han sem dawn a, tunlai hi an buaipui lai a ni a, rin aiin a indaih lova. Board Member pawhin pali (4) quota an han chang ngawr ngawr mai a. Heng ang chi-ah te pawh hian tun aia tam deuh crore 10 te, crore 15 laite hi dah theih dante awm in, tihlen chhoh chu nisela a tha awm mang e tih te rilruah chuan a awm a.

Tin, kan Chief Minister Demand No. 7 - Excise & Narcotics hi, Total Prohibition hi kan lift anih siloh chuan tan lak a ngai nasa em em mai a. Amaherawhchu, an budget atanga han en chuan hmasawna em em tur awm lo, a ngaiin a kal ngawr ngawr a, thil manto leh engemaw te nena chhut pheih chuan a tlem lam mah niin a lang a. Helai an budget-ah hian tlemte a pung a ni a.

Tin, training-ah te hian Rs. 50,000/- chauh an awm a. Tin, Secretariat Service han tihah te hian Rs. 5,50,000/- chauh an awm a. Thil han chhui tak tak leh thil ti tak tak tur chuan hnathawh tur tamtak a awm avangin ruahmanna fel zawk siam a tha lawm ni? Tin, kan Chief Minister, kan House Leader portfolio te a ni a, a tha lawm ni aw tihte ka rilruah chuan a awm a. Khangte kha ngaihtuah chhoh zel a tha in ka hria a. Tin, Office building, khulaiah khuan hmun tha em em mai an nei a. Amaherawhchu, vawiin thlengin sak zawh lohin a awm a. Kum engemawzat a ni tawh a, tun budget provision-ah hian engmah a lang silova. Hengah tepawh hian tuna kan plan pung chho-ah te hian a building te khu han zo sela. Tin, an motor te hi a tawp tawh em em mai a. Hetiang chite pawh hi tihchak an ngai hle in ka hria a. Chungah te chuan a changtu Minister te pawhin han ngaihtuah a tan a tha lawm ni tih kha ka rilruah chuan a awm a. Chungte chu ka sawi chhuak duh a ni.

Tin, Demand No. 14 – Planning hi han lut leh ta ila. Planning and Programme Implementation hi hmasawna tur atana engkim siamtu an ni a. Chuvangin, a grass root level atangin a pawimawh hle in ka hria a. Chunglam atanga zuk thuai ringawt lo deuh khan, Lunglei te leh Chhimtuipui District 3 – ah te chuan District Council te an nei a. Lunglei ten High Power Committee te an nei a. Budget-ah pawh hian crore 5/6 lai dah a ni a, an lawmpui awm em em a ni. Hetiang tho hianin Aizawl te, Champhai, Serchhip, Kolasib, Mamit-ah tepawh hian Planning Board te feltak siam ve in, development hi a grass root level atangin lokal ta sela, crore engemawzat te han dahsak ve in, ruahmanna han awm sela a tha hle in ka ring a. Ram hmasawn zelah chuan development a kai rualna tur atan hian plan fel tak ruahmanna an rawn siam kha hetilaiah State Planning Board ten lo approved in, ruahmanna neiin a tul ang ang in Centrally Sponsored Scheme-ah emaw, thildang an lakna turah tepawh hian ruahmanna nei thei sela a tha hle in ka hria a.

Tin, MLA Fund tih tepawh an han dah a, 10 crores chu kan han hmu a. Hengte pawh hi direct in mipuiaha a lut a, an hlim in an lawm em em a ni. Hengte pawh hi a awmzia-ah chuan MLA tepawh hian a nihna ah chuanin Staff te nei ve ila, tunah one crore te chu nei ngat pheih ilang chuan, mumal takin kan bial chhung kha kan plan thei dawn a. Scheme feltak neiin kha sum kha diktak in, direct in kan hmang thei dawn a. Tiang chuan, MLA bialah te a awm ang bawkin, District-ah hian awm chho ta ang sela a tha awm mang e tih te kha ka ngaihtuahna-ah chuan a awm a.

Pu Deputy Speaker Demand No. 45 – Public Works Department hi an hnate a ropui a, a tha a, a tam em em a, sawi dawn ila sawi sen pawh ani lova. Helaiiah chuan lawmthu tepawh han sawi ka duh a. Hei, Aizawl veng lai taka han awm si hian kan bial Aizawl South - I hi a hlet a awmlo a, han chhuahna tur hi. World Bank road project a lo kal a, hetah by pass road a lo kal a, Zemabawk atangin Melthum-ah a chhuak a, a lawmawm em em a. Khami han panna tur kha kan nei lova, mipui thahnemngaiin Bethlehem vengthlang mipui VC hovin thahnemngaiin kawng an lai chhuak a, 1.3 km vel lai kha. Hemi atan hian tunah hian PWD tena Chite lui dawhna tur 207 lakhs vel leh formation cutting leh permanent works atan te, 140 lakh vel an han dah hi a lawmawm in ka hria. Khawpui laili tak angrenga awm si, mahse a mawnglama hlet awm lova kha tunah chuan tha taka a awm theih tawh dawn avangin a lawmawm in ka hria a.

Tin, Republic veng hi veng lian tak mai a ni a, khulaiiah khuan College Veng nena inpawhna khu a mawng a ping em em mai a, thingtlang khua ang deuh maiin a lulam changkang tak si, a mawnglam tan harsatna a awm a. Hemi atan hian kawng chu tih chhuah tawh a ni a, kuminah hian black top tepawh hi min tihsak ngei turin kan Chief Minister tepawh ka ngen duh a.

Tin, a tawp berah chuan hemi Power tepawh hi han sawi ka duh a. Ka sawi awm a ni nge nilo chu ka hre lova, lawmthu tepawh a niang chu, ka bial chhungah khuan hmannah mipakhat a lo kal a. Chu chuanin ‘Ka pu, min tih pui teh, kum riat electric eng ka nei tawh lova’ a ti a. Aizawl khawpui laili tak,

Assembly House tepawh hi kan bialchhunga awm a ni a. A laili zia chu a chiang mai awm e, chu chuanin 'kum riat vel eng ka nei tawh lova, khawngaih takin min tihpui teh' a ti a. Ka rilru a tina khawp mai. 'Engatinge' ka ti a, 'Engemaw lai deuh khan Power hman dik loh deuhah min disconnect sak a, chuta tang chuan kum riat ka nei tawh lo a ni' a ti a. Pu Vanlalchhunga a ni a, Chief Engineer te Phone in kan be nghal a, a khawngaihthlak dan leh a dinhmun awmdan te ka hrilh a. Tahchuan, anni chuan a rang a rangin action kan rawn la nghal ang an ti a, an rawn tih en sak nghal a ni.

Chungte avang chuan vawiinah pawh hian thildang tamtak sawitur awm mahsela, ka sawi duh nachhan erawh chu Aizawl khawpui chhung, Urban Area-ah hian hetiang hian miharsa leh mangang te hotute be 'eih' zo lo hianin harsatna an tawk a ang tih hi a rin theih a. Kei ngei pawh hian kum riat chhung khan vengchhunga mi pawh kha ka hrelo thei a ni. Chutiang anih avang chuan bil hrang hrangah tepawh harsatna tawk an awm em? Engemaw thil an lo tvisual palh anih pawhin a hremnate hi na lutuk lova tih theih dante a awm em tih te kha ka sawi duh a. Khang ang hrang hrang vawiina helai Demand kan han sawina-ah chuan ka'n sawi theih tawk a nih mai loh chuan. Pu Deputy Speaker, han dil belh dawn che ila, i ui tawh awm si a, engpawhnise, khang kha ka sawi theih tawk nise, ka lawm e.

Lt. Col. Z.S. ZUALA : Pu Deputy Speaker, ka lawm e. A hmasain kan House Leader Demand atang hian han sawi tan ka tum ang a. Legislative Assembly hi Session hmasa khan helai kan building thar hi chak zawka hmalak nise tih kha ka sawi chhuak a. Ka sawichhuah vang nge ka hre lova, tunah hian an bei ngawrh nasa mai a, a lawmawm khawp mai a. Chulo lehah chuan, Governor Demand kha ka sawi bawk a. a hungna te leh a in pawh hi respectable deuh hlekin Governor hmundang anga lokal turte tan pawha lokal chakawm khawpin chei tha ila tih kha ka sawi bawk a. Hmanni khan Finance Commission Allotment – ah khan crore 30 zet an rawn allotted a. Khangte kha ka sawi vanga rawn allot ti ila a lawmawm viau ang a, mahse ka sawi hma khan an lo demand daih tawh niawmin ka hria a. Chuvangin, kan House Leader te thil tiktur an lo hria a, hma an la hi lawmawm ka ti a.

Tin, Demand No. 5 – Vigilance hi sawi ka duh a. Kan campaign lai khan corruption kan do dawn kan ti a, tunah hian Vigilance-ah hian kan hotupa hian hma a la a, ACB te an han up-grade a, hemi hian kan campaign hla-ah kan ding a ni tih a tichiang hle a. Allotment pawh a tam tha tawk hle a, anni pawh hian uar takin hma an la niin ka hria a.

Tin, Excise & Narcotics chu ka sawi awm tak a ni a. Kan sipai bang tena zu an lak hi tax hi a sang bik a, Mizoram-ah hian. North East a kan State thenkhatin an exempt laiin hetilaiah hian 12% te an laksak a. Hei hi tlem azawng reduce dan a awm chuan a lawmawm ang a, min exempt pumhlum anih pawhin. Tin, Excise Duty hi an ti tha hle a, mahse khawlaiah zurui hmuh tur an tam tho mai a. Hetah hian strict zawkin hmalak dan awm se, nge kan work force hi an

indaihlo lutuk. An indaih lo a ni mai thei a, hengah te hian lak belh dan ngaihtuahpui theih nise, a lawmawm ngawtin ka ring.

Tin, Planning & Programme Implementation hi han sawi leh ila. Hei, MLA Fund 25 lakhs hi min pe a. Hei hi kan hmang tangkai vek a. Hetah hi chuan corruption pawh a awm lova. Tin, development pawisa hman thatna ber pawh a nih ka ring a. Amaherawhchu, hetah hian 1% contingency an cut thin hi cut lo hianin a thawktute tan hian a harsa viau em ni ? Hemi an cut hi chuan Rs. 25,000/- zel a lo heu ve ta a. Hei hi a theih chuan cut lovin a full hian min pe mai se tih kha ka submit a.

Tin, General Administration Department hi han sawi leh ila. Lengpui Airport khu kan hriat angin tuna kan House Leader kut chhuak a ni ti ila kan daw awm love. Khu khu North East-ah an sawi dan chuan State Sorkar hnuaiia Airport awmchhun an ti a. India ram pum a niawm nghe nghe e, Mizoram-ah hian kan hriat angin climate hi a inthlak thut thut a. A changin khua a dur a, a changin a lo veng leh a. Hemi avang tak pawh hian flight cancelled te a tam em em a. Hemi a improve nan hian Instrumental Landing System kha hmanah khan an install tawh an ti a. Amaherawhchu, tun thleng hianin an trial an ti tawh nge an la ti lo. Khu khu a theih chuan hman theih turin siam thuai ta ila. Kan khualzin ho kal thlawn leh haw a han tum dawn tep a Kolkata lama kir leh te emaw, Imphal lama han tum daih angte kha a vang deuh ang a. Hei hi a theih chuanin tih changkan a, install thuai chu nise a lawmawm hle in ka ring.

Tin, ka hma-a thusawitute khan Mizoram House leh Guest House hi an rawn sawi nual a. Mizoram House tamtak maintenance hi tih changtlun a ngaiin ka hria a. Mission Veng-ah khan kan naupanlai khan Biak In Chowkider kha a bang tawp mai a, 'Engatinge i ban' an ti a, 'Pu Llyod an fai a tih leh fai ka tih a inang lo tlat mai a' a ti a. Khatiang deuh hlek khan fai kan tih hi a inang lo a ni mai thei a. Mizoram House leh kan Guest House-ah hian cleanliness lampangah hian hma lak tur a tam hle in ka hria.

Demand No. 39 – Power hi han sawi ve leh ila. Kan campaign lai khan Civil Nuclear Agreement kha kan sawi a, khami Civil Nuclear Agreement a Power plant dahna tur hmun khan Andra-ah te leh Haryana, Gujarat-ah te chuan Russian hote leh Western Country te hmun an pe tawh tih kha Newspaper-ah kan hmu a. Amaherawhchu, North East-ah hian khatiang ang hmun pek awm kha a awmin ka hre lova. Hei, kan Nuclear Agreement tepawh hi lo puitling ta se, keini hian kan pawt pha ang em ? tih hi a ngaihtuah tham hle in ka hria a. Kan House Leader zahawmtak hian North East-ah te hian hemi Power Plant, keini pawhin kan lo pawh phakna tur ang hmunte hi min han siam ve se tih te hi nawr chhuak thei se a lawmawm hle in ka ring a. Mahse, Hydel Project-ah hian nasa takin hma kan la a, Central lamin nangni chu a ngai love, khilam Hydel Project-ah in hnianghnar dawn e an tih vang pawh a ni maithei a, kha kha ka han tarlang duh a.

Tin, Public Works Department-ah hian ka hma-a Member zahawmtakin a rawn sawi, hetilai tlangdungin a Aizawl South – I leh South – II vel tana World

Bank pawhna kawng arawn sawi kha keipawhin ka zawm a, kha kha pawimawh ka ti a. Hetiang hian ITI-ah kan nei a, PWD hian hma an la mek a. Black Topping turin tunah hian an process mek niin ka hria a. Nakin lawkah chuan hetilai area tan chuan World Bank kawng atanga hmar lam kal hi awlsam te in kan la ti thei dawn a, a lawmawm hle in ka hria a.

Tin, chulo lehah chuan, World Bank kawng hi hmanni lawkah ka sawi tawh a. Highway reserve hi tun atang hian kan protect a ngai hle in ka hria a. Silchar atanga chhim tawp Akyab thlengin four lane a kan kawngte kan tih len dawn phei chuan kawng sira in leh mi huan te hi a hnawksak a. Compensation-ah kan buai leh ang tih a hlauhawm a, ka hma amite rawn sawi ang khan. Hei hi tun atang hian a thuneitute hian kawng reserve zat hi hre vekin lo maintain thei se chu a lawmawm ngawtin ka ring.

Tin, Local Administration Department han sawi leh hlek ka duh a. LAD hi keiniho Town-a awmte leh mipui tan hi chuan kan Sorkar ber a ni a. V.C te tan phei chuan an hotu tak meuh, nitina an dawr leh an tihbuai te an ni a. Housing Loan chungchangte kha an sawi tawh a, keipawhin ka support a. Housing Loan amount hi tihpun dan awmthei se chu a lawmawm hle in ka ring a. Kan han sawi tawh ang khan member te kan han ni a, mi pali pek theihna quota kan han nei ran mai a, a selection kha a buaithlak ve viau a ni. Mi 100 chuang lai khan min rawn len khung tawh si a, thum vawr mai te kha a nih loh chuan tih vak ngaihna a awmlo a. Hei hi a theih chuan tih tum emaw, mi tam zawk pek theih dan tur hi min lo zawnpui se a lawmawm hle in ka ring.

Tin, ka hma ami khan arawn sawi tawh a. Kan V.C te hi an buai em em mai a. Khawtlanga hnathawktu, Panchayati Raj kan tih a 'Power to the People' tih a, anni ho hi kan tihbuai nasat ber an ni. Office dawr hian an chhuak nasa a, an lawmman hi a tlem angreng a. VCP hian Rs. 500/- a hlawh a, VC Member hian Rs. 400/- a hlawh a, hei hi a dik in ka ring a. Kan Minister zahawmtak hian hei hi a theih chuan tihpun sak ta sela, an inchhung lampang atang tepawha inthlahrung taka an chhuah tepawh kha a lo reh ve deuh ang a. Taxi fare emaw, Bus fare emaw an nupui te an dil fo tepawh kha a lo reh ve deuh ang a. Hemi an hlawh hi chu tlem azawng tihpun nise chu a lawmawm hle in ka ring a.

Tin, chulo lehah chuan Social Welfare hi hna an thawk tha a, naupangte an pian hlim atanga an tar thlenga enkawl chhotu an ni a. A dang kan sawi tawh bakah khan 'Nutrition for Pregnant and Baby' tih hi a awm a. Hei hi a pawimawh hle in ka hria a, mi tamtakin an hmang tangkai tih pawh ka hria a. A then hi chu an rethei em em mai a, an rai laiin eitur tha an nei thei lova, an fate an lo piang a, thil tha pek tur an nei lova. Khati anih kha chuan retheih zual leh hrisel loh zel kha an awmdan tur chu a ni mai a. Mahse, hetah hian Nutrition leh hetiang ang bawngnhute te an pek avang khan nausen leh nu, rai tamtak hian an hmang tangkai em em a ni tih ka hria a, lawmthu ka sawi a ni. Chu chu ka sawi theih a ni e, ka lawm e.

PU JOSEPH LALHIMPUA : Pu Deputy Speaker, ka lawm e. Hun reilote lak ka tum ang a. A hmasa in kan Social Welfare Department, kan Minister zahawmtak leh LAD Minister zahawmtak hnenah hian lawmthu ka sawi a. Kan hriat angin LAD hi Aizawl tih lohah pheih chuan khawpui enkawltu a ni a, an hnathawh hrang hrangte kan hmu a, vawiinah hian kan sawi vek seng in ka ring lova. Tin, kan ramah Tribal Affairs Department kan neih ve loh avangin Tribal Affairs Ministry atangte leh Central Ministry atanga kan pawisa hmuh tamtak hi Social Welfare hnuaiyah a ni a. Kum engemawzat chhung khan Lunglei leh Chhimtuipui tepawh kan hriat ve ngailoh thil tamtak a awm a ni. Vawiinah chuan Minister chaktak kan nei a, chhim, chhak, thlang, hmar-ah a sem rual nasa em em a, a lawmawm ka ti a, lawmthu ka sawi a.

Social Welfare Department chungchangah Demand No. 29 na, Anganwadi te, Outreach Centre kan tih te kan hmang tangkai hle a. A bikin thingtlangah kan chhawr tangkai hle a. Keimahni bial theuhah pawh kan nih ka ring a. MLA zahawmtakte a enkawl leh sakna chungchang kan zawh hian hei hi Advisory Board enkawl a ni a, an tih te, hei hi chu Directorate enkawl a ni a, tih te in engemaw han in hrelaw tawna awm thin in ka hria a. Tin, hemi sak hi MLA Fund pawh kan hman tamna pawl tak niin ka ring a. Hemi chungchang hi tun aia thar zawk leh a building te tun aia tha zawka a enkawltu pahnih anih pawhin enkawl na dan kan neih theih hun a ngahhlelh awm hle in ka hria a, chu chu ka han ngen duh nise.

Tin, Pu Deputy Speaker, pahnihna atan chuan – Hei, kan Chief Minister zahawmtak hnenah hian lawmthu sawitur tamtak ka nei a. A bik takin kan Member zahawmtak, Pu Zothangliana te, Pu P.P. Thawla tepawh khan lawmthu an rawn sawi tawh a, Chhim biala hmalakna kawng hrang hrangah. Chhim bial ang pawhin kan Chief Minister zahawmtak hnenah pawh hian lawmthu ka sawi a ni. Hmanni khan ka sawi tawh a, chhim bial mipuite hi kum sawm kalta-ah khan kan beidawng em em a ni. Kan beidawna avangin politics ah rah thalo tak, Mizoram inthen theihna khawp hialte pawh sawi thawm te a awm a. Chutianga beidawng taka kan awm laiin, kan Chief Minister zahawmtakin min rawn chhanchhuak kan ti lo thei lova. Vawiinah chuan beiseina thar nen kan awm ta a, hemi chungchangah kawng tlemte ka tarlan duh chu kan district chhungah sawi ta ila, Lunglei lamah kum 10 chhunga kan hmasawna neih ve a tlem hle a, mimal party workers, contractors te leh mimal lian tak tak awm mahse, a nawlpui ina asset kan neih te, mipui tana tha tur thil hi a vang em em a ni. Kan neih theih ve tura kan hmuh, Central Sorkar ina min rawn pek pawh Pu Deputy Speaker, hmannia he House zahawmtaka ka sawi ang khan, State Sorkar atanga sanction kan hmuh dawn hian kawngzawh leh chawnghei te, thisen chhuah tea nawrchhuah te a ngai a. Tlabung-ah Border trade pawhna tur atan divert a awm an ti a, NGO Co-ordination Committee District pumpuiin hma kan la a.

Tin, miharsa tena a thlawna School an kal ve theih nan Central Sorkarin min rawn pek, a tak anih dawnah hren sak kan ni leh a. NGO Co-ordination Committee in nasa takin hma kan la a, kan Police te nen kan ni bawk a, thisen chhuak in, chutianga chuan kan sual chhuak a ni. Chu chu kum 10 hun kalta kha

a ni a. Vawiinah chuan mipui ten hmasawna leh beiseina thar kan nei a, a lawmawm hle in ka hria.

Kum 10 hma lampang thil pakhat sawi duh ka neih chu – Lunglei-ah sawn Politics ah sawifo thin pakhat a awm a. Lunglei khawpui than zelna atan Lunglei Ring Road an siam dawn a, hmalak a ni a, tiin kan unaute PC Ministry khan an sawi ve thin a. Hei hi Sorkarna kan chan ve hnu khan, engeni ruahmanna tiin ka zawt a. Hma kan han la ve dawn a, BDO lamah te, kan DC Office lamah te, file awm zawng zawng kan hai tir a, kan hmu zo lova. Tichuan, PWD lamah C.E Office thlengin kan chhui let leh a, chutiang hmalakna tur chu sawi a awm a, a tak kan hmu zo lova.

Tichuan, vawiinah chuan kan Chief Minister zahawmtakin kan sawi fo thin, Lunglei by pass an ti a, Pukpui thlen hma atanga hemi Lunglei-Thenzawl-Aizawl kawngah hian Pukpui thlen hma atanga Rahsi veng, Sazaikawn a lut turin project mumal tak min siam sak a. Tunah chuan survey na turin pawisa pawh min dahsak tawh a. DoNER Ministry-ah tunah thehluk mek a ni a. Mizoram Sorkarin a ngaih pawimawh em em zingah pawh sang takah kan awm a ni tih ka hria a.

Politics-a inchirh thehna leh politics-a ruahmanna awm thin nia sawi hi a taka han fiah chuan a lo vang khawp mai a. Vawiinah hian kan Chief Minister zahawmtakin a takin hma min laksak a ni tih he House zahawmtakah hian ka sawi duh a. Naktukah chipchiar zawkin kan la sawi turah ngai ila.

Chhim lama Airport kan sawifo, Saitluk tepawh saw Airport Committee, D.C te hnuaih hun reitak atangin din a ni a. Amaherawhchu, Pu Deputy Speaker, ka sawi duh chu, he Saitluk Airport siamna turah khan official tu emaw Engineer tu emaw hi kal a, survey nei hi pakhatmah an la awm lo a ni. A thu in kan han bawhzui ve a, kan Chief Minister hmalakna azarah, kan tih tur awma ngaih te kan han zawng khawm ve a. Airport Authority of India atangin Engineer rual an lo kal a, survey te an nei a. A hmuna kal an tum a, kawng a that loh avangin an kal lova, ral atangin an thlir a. Hmanni deuh lawk khan, kan Engineer, S.E te, E.E te, engemawzat a hmunah chawlh kar hnih chhung vel riak lut in survey an han nei bawh a. Ziak kan han zawng a, a tak ram thleng tura a hmun kalte hi Sorkar hmasa lamah khan a lo awm reng renglo mai a. Vawiina kan Chief Minister zahawmtakin hetiang hian a takin hma min laksak ta a ni tih hi ka sawi duh a.

Mipuiin beiseina kan neih avanga ram in hma a sawn theihzia example tawite sawi ka duh a. Mipuiin hmasawna tur atana kan Sorkar, kan hotupa ber leh kan hotute an in hawn avangin an inpe em em a ni tih hmanni khan ka sawi tawh a. Hei, Lunglei khawpui chhung kan hriat chian ve anih avangin han sawi ta ila, thil mawilo a nilovin ka ring a, kan sawi fo a. Khawpui chhung kawng chei mam na leh siamthatna atan sawn Sorkar hmasa kum hnuhnung berah khan 2008-2009 ah khan cheng nuai 60 dah a ni a. Tin, Aizawl-Thenzawl-Lunglei, World Bank kawngah hian Zoram pumin kan hriat angin Chhimphei MZP ten nasa takin hma an la a. Khatih lai khan NGO-ah mawhpurhna kan

neih ve lai a ni a. Co-ordination Committee-ah tepawh Secretary te ka ni a. Kan bei ve nasa em em a ni. Mahse, vawiinah hian Sorkar kum khat leh a chanve chauh a la kal lai hian, lungawi lohna thawm leh mipui complaint thawm pakhatmah hriat tur a awm lova, hna hi awihawmluh khawpa chakin a kal ta a. Hengah te hian hun hmasa lamah khan Sorkar hian company hotute hnenah hian an lo inrawlh thin ang a, an in rawlh thin avang hian an duh angin pressure an siam ngamlo a niang tih hi mipuiin tunah hian an rindan a ni ta a ni.

Vawiinah chuan, tuman a muang em mai, helai chu a tha lo tih hi complaint a awm lo reng reng a. Rin aiin an bei chak a, a van mak an tih hi mipuite sawi a ni a. Lunglei khawpuiah pawh, ka sawi tak ang khan, kum hmasa lama nuai 60 an dah kha vawiinah chuan nuai 250 kawngpui zauh nan leh kawngpui chhe cheithat nan tun financial year-ah pawh hian dah a ni a. Chumi denchhen chuan Pu Deputy Speaker, vengtinah V/C Chairman na hnuaiah NGO zawng zawng ten Committee an din a. Kan veng kawng, kan khawpui kawng a lo zauh theih nan an ti a. 'Ka pu, Ka pi, i inhmun helai inkawng reserve hi min pe thei ang em? Chuti zat chu min lo pe thei ang em? an ti a. Chung an laih chu DC level-ah Committee kan siam a, NREG atang pawhin mipuiin lai leh sela kan ti a. Tun kum khat leh thla nga chhung ngawt pawh hian kawngpui pawimawh engemawzat saw a let deuh thaw in khawpui chhungah pawh sawn tih zauh a ni tawh a ni. Pathian khawngaihna azara kum nga kan Sorkar chuan a hmel a danglam ngawtin ka ring. Hei hi mipui ina Sorkara beiseina thar an neih avanga mipuite inpekna leh thawhna a ni a. Vawiinah hian lawmawm ka ti a, lawmthu ka sawi a ni.

Tin, nikumah khan chhimlama kan IAS te Central Service Retired te 'in kawm ang u' ka ti a. Kan inkawm hona a an sawi tam tak zinga pakhat chu, Vanlaiphai atanga kan IAS Retired pakhat chuan kan naupan tet lai atanga kan khaw tlangdung kan panna-ah sawn, Mar Boat kaltlanga vawiin thlenga kal a la ngai chu a lungchhiat thlak tih thu a sawi a. Pu Deputy Speaker, vawiinah chuan kan Chief Minister zahawmtak hmalakna in sawng kum 60/70 vel Mar Boat hmanga dah thin pawh Darzokai-ah kan hriat angin tunah suspension bridge nei turin tunah ruahmanna, DoNER Ministry-ah tunah thehluk tawh a ni a. Anni pawhin tunah min pawmpui tawh niin ka hria a, hmalakna thar kan hmu ta a, a lawmawm hle a ni.

Tin, a tawp bera ka sawi duh chu kan Chief Minister zahawmtak, kan House Leader nibawk Sorkar hun hmasa-ah khan, Chhim bial mipuite harsatna hria in High Power Committee min din sak a. Amaherawhchu, hnathawk tak tak thei tura ruahman a nih laiin Sorkar a inthlak ta a. Tunah chuan kan member zahawmtak ten an sawi tawh ang khan, High Power Committee a takin kan hmu ta a. Amah ina hmalak vena tur atan pawh 6 crore budget-ah pawh tarlan a ni a, a lawmawm hle in ka hria a. Tin, Congress Party ina manifesto-ah pawh kan dah, grassroot level-ah Planning te, khatiang hmasawna tur atan tepawh khan hei hi bultanna tur pilot project niin ka hria a. Tin, kan Chief Minister in rem min ruatsak na in, kan Officer te leh kan Retired Officer te nen Nagaland-ah Communitisation chungchang zir turin kal kan tum nghe nghe a. Chung kan zin chhuah ang ang tepawh chu Sorkarah kan la thehluk ang a, Sorkarin District

Level, Planning te, Village Planning tepawh a kalpuina turin hmalak a nih theih ka beisei a ni.

Engpawhnise, Pu Deputy Speaker, thil tamtak sawitur ka nei na in, lawmthu sawina ka han tarlang a, kan Chief Minister zahawmtak chungah te, Social Welfare Minister zahawmtak chungah te lawmthu ka han sawi a ni, ka lawm e.

SPEAKER : Tunge sawi leh ang ? Pu Lalduhawma.

PU LALDUHAWMA : Demand No. 39 – Power atang hian kan tan ang e. Hei, thingtlang lam rural area electrification ti tur hian Central atanga RGGVY lo awm ta hi a vanneihthlak em em a. Hei hian kan ram chhung min chhawk nasa em em a. Govt. of India leh kan Sorkar hian 2005 – ah khan MoU an signed a, chuta tanga kum thum-ah chuan contractor hi an la thei chauh mai a. Khami kum thum chhung kha uiawm ka ti em em mai a. Contractor 2 Mizoram hmar lampangah Sabnam Company, Delhi based a ni a. Mizoram chhim lam chang turin Guwahati based firm te thlan an ni a. Hengte hian hna an han thawh hian rural area a thingtlang khaw te tak te tea kan VC te leh Electric Department a kan SDO te leh an hnuaiia Staff te tel lovin, hna an thawk thei chuang miah si lova. Engatinge vai company kher kher he hna thawk tura lak an nih tih te ka ngaihtuah a, a tulna riau te a lo awm anih chuan ka hre lova. Departmental tepawh hian han thawk se chuan a chak zawk ka ring a. Anih loh pawhin kan contractor tepawh hian thawk ve ta zawk sela. Khalai kha enge a chhan ka hre lova. Engpawhnise, heng contractor te hi 2008 September a lak kha an ni tawh a. Tichuan an chanchin hi kan hrelo em em mai a, a crore tel an kutah a awm a, thingtlang khua eng lo zawng zawng an electrify tur a ni a. BPL census an nei vek ang a, free connection an pe tur a ni bawk a. Malsawmna a ni ngawt mai. Kan State Budget atangin han ti dawn ila, sum kan nei miah lo ang. Chuvangin, hei hi tha puia kan beih a, theihtawp kan chhuahna tur a ni ngawih ngawih a ni. Amaherawhchu, company te hian tuma enpui lem loh hian anmahni speed hian an thawk a ni deuh in ka hria a. A Department atang hianin a enkawltu tur tlemte ruat an ni chauh a. Tichuan, Subject Committee – I hian vawikhat chu Sport Visit kan nei tawh a, Sapnam Company bik hi. Chutah chuan kei phei chu ka tawng hriam deuh hlek a, an hma-ah ‘In thawh that loh chuan kan ban ang che u, khua-ah ban kan phun tawh in tih hi kan endik ang a, in phun tawh leh tawh loh kan en ang a, in phun siloh chuan kan ban dawn che u a nia’ ka ti thuai thuai pek a. Village tinah khan Village Level Committee a awm vek tur a ni a. Khamite kha an va contact ang a, khawiah nge L.T line an mamawh, khawilaiah nge electric ban phun a ngaih? Khawi veng lam hi nge tih tur tih zawng zawng kha an lo kawh hmuh tur a ni a. Pakhatah mah Village Level Committee kha an la din miah lo a ni. Hei chen hi an thawk tawh a, kha mite tello khan an duh duhna-ah ban an va phun mai dawn a ni. Kan VC te leh khatiang tualchhunga Committee awm tur chi ang rawn lo leh an ngaih dan la lova an thawk anih chuan a fuh in ka ring lova. Kan ngaihsak loh viau phei chuan chumi khua-ah ban chutizat kan phun, in chuti zat kan ti eng an ti ang a.

Paper-ah bu lianpui an siam leh ang a, a tak hmuhtur awm silo hian pawisa hi a kal ral teuh mai ang tih ka hlau khawp mai.

Tichuan, chhim lampang zawk phei hi chu enge an chanchin? An thawh that leh thatloh pawh hi kan hriatpui pha lo reng reng a. Chuvang chuan, he scheme lianpui mai, thingtlang mipuite eng pekna tur scheme pahin kal mekte ngawrh lehzuala a changtu kan House Leader ngei a ni bawk a, close supervision a ngaiin ka hria a. Thil an tidik lo, chuti khati tih phei chu ka sawi hran lova. Amaherawhchu, hei aia chak lehzuala kal tir hi kan mamawh a ni.

Tin, tunah hian RGGVY atang bawh hian scheme lianpui dang a lo kal leh bawh a. Block Headquarters tinah hian 33 KV line Sub-Station aia te lo dahna tur a lo kal leh mek bawh a ni, a crore za tel. Chungte chuanin min rawn nawr leh tawh a, chutih laiin a hmasa pawh kan la thawk zo ta lo a nia! Kan sum pawh nilo, khuta tanga sum lokal thawh mawp mawp mai tur, thawk chak apiang dil belh a thawk leh mai, a vanneihthlak tehlu nen. Hemi kawngah hian Power - a hma kan sawnna tur lianpui awmna hi chak lehzuala kan kalpui a, kan interest pui ngawih ngawih hi a tulin ka hria a. Chu chu thahnemngaih thilah ka sawichhuak duh a ni. Kha kha rural lam lo ni ta se.

Urban lam hi kan dawng ta riau mai a ni. Veng tamtakah hianin L.T. Line uai hnep hnup, huan pala in vawzep mai mai, ban awm mumal lo hi a awm a, hemi atan hian khatiang scheme lian kha kan nei ve tawh si lova. Ban pakhat a tluk pawhin a thlak leh hi kan huphurh ngawih ngawih mai a ni si a. Ban pakhat dil chhuah pawh hi huphurhawm deuh mai a ni a. Pu Deputy Speaker, July, 2009 – ah khan ka bial Chawnpui te leh hmundang dangah khatiang uai hnep hnup mamawh zual min siam sak teh u tiin ngenna ka siam a. Chu chu State Plan Works Proposal-ah hian tun current financial year-ah hian kan rawn telh ang an ti a. Kha kha min commit dan a ni a. Mahse, a la uai hnep hnup tho a, min telh ta lo nge ni? Kha kha keini bial chauh kan ni lova, khawpui chhungah hian tiang kha a tam lutuk a ni. A rural area chu RGGVY in lo take care sela, urban area a heng tul ngawih ngawih, in awm belh zel, eng pek a kan umzui theih loh te hi engemawti taka ngaihtuahna sen a ngaiin ka hria a, chu chu ka sawi duh bawh a.

Tin, privatization hi ka'n sawi leh ang a. Teirei kan privatized a, a tha hle mai a. Tunah phei chuan unit khat pawisa 90 in Sorkarin a lei a, mipuia hian Rs. 3/- in em ni kan zawrh chhawn leh tunah hian? Kan hlep teuh tihna a ni a, a thatzia chu. Tuna Tuirial HEP tepawh hi a Power lo chhuak tur hi per unit a lei tura kan in commit na hi Rs. 3.70/- a ni a. Chuvang chuan, cheng khat pawh tling lova unit khat han lei tur awmte kha chu a tha lutuk ringawt mai a ni. Khatiang anih kha chuan kan Mini Hydel Project dangte pawh hi privatized leh dan kawng tepawh hi a ngaihtuah theih lawm ni? Tichuan, staff indaih lohna tepawh hi a lo chhawk zangkhai ve zel ang a tih kha ka sawi duh bawh a.

Tin, GAD ah hian kan lut leh tawh ang a, Delhi-a kan Mizoram House Chanakyapuri Circular road ami kha sak anih dawnkhan khatih laia kan Chief Minister Brig. T.Sailo hian a foundation Stone a laid ani chu chu hun lokal

zelah Ministry hmasa hunah khan sak that anih tak khan kha foundation stone a lay na leh a lungphun te kha tih bo a ni ta a. Khawimaw lai ah khuan an zalh mai mai an ti in ka hria a. Kan ram hruaitu hmasa te sulhnu anih vangin in zah sak tur ah ka ngai a. Chuvangin kan House Leader hnenah pawh hian ka sawi tawh nghe nghe a, kan lo en dawn nia a ti a. Enge kha kha a dinhmun tawh ? Thil te tak te a ni na in, nakinah a chinchang te min hrilh theih chuan lawmawm ka ti viau anga. A tute sulhnu pawh hi intihchhiat sak lo ila. In hum him sak zel ila tih kha kan sawi duh a.

Tin, Helicopter service hi introduce kan tum niin ka hria a. Hei hi a thar riau mai a, a nghahhlelh awm hle mai a, khawi company nge kan dawr a, enge kan thlen tawh tih kha kan hre duh bawk.

Tin, Lengpui ah khuan cargo service hi kan sawi ve renga, ngaihtuah mek a ni tih kha a ni thin a. Tih theih tawh a va nghahhlelh awm em kan thlaithar te hi han thawnchhuah tawh a va chakawm ve mawle. Subsidy a sang si a, tlawm te te a thlaithar kan thawnchhuah theih hun tur hi kan thlir anih hi mawle. Hemi kawngah hian chak taka hma lak leh nise a lawmawm ngawt ang.

Tin, kan Lengpui Airport neih chhun hi India ram pumpuiah State in a enkawl awmchhun a ni reng mai hi kan that pui reng ang em hei hi ? Airport Authority of India a kan hlan ve te hi engemaw a changtlun dawn zawk chuan kan ui em em le ? Hengte hi in tih Mizo vak na chi emaw ni lem le ? Kan thatna tur leh a changtlun na tur anih chuan heng te pawh hi ngaihtuah a sual em ni, kan ti a.

Tin Demand 9 na Finance ah hian kan lut zawk anga. Hei State Bank of India, main Branch chauh hi Foreign Exchange khawih thei Bank, Mizoram-a kan neih chhun a ni a. Tuna kan kalhmangah hian Border Trade, Foreign Trade te Look East policy te kan han tihchhoh ah hian Foreign Investment te pawh ti duh an an rawn awm chho ve zel anga, chutah chuan Foreign exchange khawih theih Bank hi, hei chauh nilo kan neih hi a ngaih ka ring a. Chumi kawngah chuan Zokhawthar te, Tlabung lam ah te khan han awm thei sela, hmun 2 vel kan LCS neihna tur hmunah te phei chuan a pawl mawh viau in ka ring a. A lo awm tawh anih chuan a lawmawm khawp mai.

Social Welfare ah kan lut ve leh anga, kan bial ah khuan Tanhril ah Tribal Art Centre sak a ni a, a estimate chu Rs.600 lakh a ni a, hemi atana ruahman hi Contractor 5 in an thawk a, thawh zawh a la ni lova. Ka sawi tawh thin a, tunah hian a pawisa bang nuai 126 kha tun thla hian sanction thar a ni a, chu chu an rawn complete chho turah ka ngai a. Engtik ah nge kha Centre kha an sak zawh ang a, sak zawh a nih hnuin tu kutah nge a awm ang, tu Department enkawl nge ni ang ? Eng angin nge mipuiin kan chhawr theih ang ? A bul vel hnaia awm te khuan zalen deuh taka kan hman theih dan turin, eng nge maw chen YMA kutah te dah ve theih dawn te a awm ang em ? tih vel laia kha, ala Chiang Loin ka hria a, sak zawh hnaih a nih kan beisei a chu chu, han hriat chian kan duh bawk a.

Tin, Recognition of Forest Rights Act ti mai ang, a tawi zawngin khami Parliament in 2006 a, a pass a Rules 2008 a an siam tawh a kha, kan rama han apply ve tur khan Ministry hmasa ah Pu K.Vanlalauva, Minister zahawm tak khan Resolution a pu lut a, kan pass a..a hnu lawkah khan an withdraw leh ta Chutah tun Ministry tharah hian Pu Lalthanliana kan Minister zahawm tak hian nikum October thla khan 371 a a khawih avang khan Resolution a rawn pe lut leh a, kan pass leh tawh kha a ni a. Tunah hian eng nge kan thlen tawh aw? Heng kan forest a mipui tang thuap mai chhanchhuah ngai,"Chhanchhuak rawh u" ti a Parliament in Dan min siam sak, kan kuta awm reng hi hman thuai thuai a va tha ve mawle. Hei hi mipui tam tak interest a tlingin ka hria a, chuangin chak tak mai a hei hi han kalpui chhoh nise a tha hle in ka ring a. A bik takin Kawrthah Division ah hian a hluar em em bik a ni a, hmun dangte pawh a khawih tho a ni. Khalai kha a hmasawna kan hre duh bawk a ni.

PWD ah kan lut anga, Four lane hi kan sawi fo mai a, kha two lane an rawn lai a, a zau tha angreng khawp mai a, four lane phei chu a zau dawn mang e, ka ti a. Khawi laiah tak hian nge a rawn kal ang? A survey te hi tih a ni tawh em? Eng chen nge helaiah hian mipuite hriattur awm ve tawh tih hi kan hre chak bawk Tin, ka bial chungte pawh kan kai ve ang a. Pu Deputy Speaker, improvement of Zohnuai to Ropaiabaw, hemi University kawng hi ka zawhna chhanna ah khan hmachhawp zinga tel a ni a. Nuai 48 ala awm a.

Wall siam nen hian nuai 5 zet ala awm bawk a, hei hi sanction fel a ni tawh em? Hei, kan rawn kal thin a, an thawk nge thawk lo ka hrethiam thei lova. Lung leh alkatra pawlh hraw pui pui khawimaw laia lo dah, tapchhak tiat manglo lo dah ringawt, Roller pawha chil loh, kalsan daih te khu a awm nial nual mai a, an thawk dawn a ni awm mang e aw kan ti a, kan han lawm deuh a. Mahse an kalsan leh daih a, tikhan a bumboh em em mai a. Khutiang khu kawng repair dan pawh a nilova, patching an tihdan dang nen hian a inang lo reng reng ringawt mai a. Lung an remkhawm a ni mai a, Alkatra an luan dum deuh a, kha kha a ni mai a, chil mam a awm bawk si lova. Hei, thal a ral chho dawn a, khulai khu kan kawng pawimawh lutuk a ni. Hei hi sanction tepawh awmsa a nih avangin min han hmanhmawh sak thei se a lawmawm hle in ka ring a, public interest tak tak a ni a.

Tin, Vaivakawn junction traffic chep lutuk khu ziak pawhin, tawngkam pawhin kan House Leader zahawmtak hnenah hian ka thlen tawh a. Ani pawh hian a ngaihven viau in ka hria a, harsatna a awm tih pawh ka hria a, khu khu chep tak a ni. Airport-a kal tur zawng zawng, chho tur zawng zawng, Tri-junction, Tri mai pawh a nilo, kawng peng 5/6 vel a inhmukhawm a, tahkhuau. Khu khu kan solve loh chuan Aizawl pumpui hian an tuar a ni. Khu khu ngaih pawimawh nise ka duh hle mai bawk a.

Tin, PMGSY kawnglaiha an maintenance hi hmanah ka sawi tawh a, chhan ka ni lova. Tunah hian ka'n phut deuh ang a, liability period a lo awm ta a, formation cutting ah leh pavement-ah khan a hrang ve ve in, Formation Cutting-ah kum 2, Pavement-ah kum 5 tih ang vel, a diklo mai thei a, ka hriat dan chu. Chutah chuan a contractor khan a hna a zawh khan, kha a maintenance tur sum

kha estimate-ah khan a tel thin em tih hi ka hre duh a. A tel thin anih chuan bill a lak khan a la tel ta thin em ni? A la tel thin anih chuan kawng kha a lo chhiat khan a han maintain tawh chuang silova, a fanghmano ei ta mai em ni? Tin, sawi danah chuan khami maintenance na tur sum contractor bill a tel kha an la tel thin lova, contractor ten, department in an cut sak thin tih a ni a. Chuti anih chuan kawng kha a lo chhiat chuan department khan kha sum a lut lam ang khan a maintain zui tur a ni a, an maintain zui bawk silova. Khatiang sum kha a tam tawh dawn ropui mai si a, PMGSY lo chhuah tirh atang hian khang zozai kha khawng a awm tak? Nge, estimate-ah hian an telh lo thin em ni zawk? tih te ka'n hrechiang duh a.

A tawp berah chuan, LAD-ah hian ka'n kai tawh mai ang e. LAD-ah hian bial chhunga hnathawhte leh sanction reng reng a copy hi min pe ve ngai reng reng lo mai a. Kan bangbo khawp mai a. VC thar te an lo piang a, VC inthlan te a lo awm dawn a, kan hre ve lem hlei lova. Khu, ka bial chhung Tuivamit VC rawn siam thar pawh khu a order hi vawiinah thiante zarah ka'n hmu chawp ve a. Tahchuan, a chhehvela chengte khu zalenna an pe a, 'If they so choose, they may remain under the administrative control of Tuivamit VC for all purposes' an ti a. Tichuan, Tanhril in an pawm thei silova. YMA nen pawh an buai tawh a, khatiang kha a ni a, a buai nuaih mai a. Hengte hi bialtu MLA te chu min rawn rawn ve deuh chu nisela, khuti em em lo deuh tepawh khuan kan insiam theih te kha ka'n beisei a, kan hre ve mang silova. Zalenna an neih kha han hman an han tum a, lehlahmin 'Helamah in bet tur a ni, in thih pawhin helamah in inphum tawh ang' an inti deuh emaw ni, khatiang tepawh kha a awm a. Chuvang chuan, kan VC thar neih tur khu kan lawm viau a, a dil pawh ka dilpui nasa a, min pe a, ka lawm rual rualin, a buai ta mah mah a. Fimkhurna kha a tir atangin kan tlachham deuh emaw ni chu aw, ka'n ti deuh bawk a ni. Ka duhtawk mai ang e, Pu Speaker.

PU R. SELTHUAMA : Pu Deputy Speaker, ka lawm e. Hmanni-ah MLA zahawmtak Pu Piana te, ka bula thu Pu Robiaka te, an biala in te thli in a tichhia tih an han sawi khan, an tawngtai tlem deuh a ni mai awm mang e aw ka lo ti thlarawk mai a. Mahse, a lo ni chuang lo tih ka hria a. Nizan thli khan ka bialah pawh in engemawzat a tichhia a. Maubawk-ah in 11 a tichhia a, chumi zinga pakhat chu a ban pawh ding lovin, a vaiin a chhe sawm vek a. Tin, Nursery vengah in 3, a chungte a len chhia a, a vai nilovin, a then. Mission vengah in 3, a vaiin in 17 kan han hriat theihah chuan chutiang chuan a tichhia a. Tukin zingah khan kan en hlawm a, chuvang chuan ka rawn tlai phah a ni tih ka'n report duh a.

Tichuan, Demand ka'n sawi duh hmasak chu Demand No. 19 – Local Administration Department hi kan hnam, a bik takin (Aizawl amite pawh hian) Mizo hian kan inhmeh hle in ka hria a. LAD hi Local Administration Department a ni bawk a, engtiklai pawh hian a awm reng dawn hian ka ring a. Eng ang pawhin changkang mah ila, Local Administration hi a bo dawn lova. Tin, he kan Minister zahawmtak hian hna a thawk tha hle in ka hria a. VC a member 8 kan inthlan dawn chuan ballot paper 8 kan han keng a, party 3 an awm chuan

bawm 24 a lo inhung a, a hran hranah kan thlak duh chuan zawn buai a ngai a ni. Chutilova pakhat ballot paper pakhatath thlanna te an han ti chhuak ta a, a lawmawm hle in ka hria, lawmthu ka sawi duh a ni.

Tichuan, Housing Loan chungchangah hian ka sawi duh chu tunah hian low income group kha Rs. 50,000/- atangin Rs. 80,000/- ah an ti sang a. Tin, middle income group kha Rs. 85,000/- atangin Rs. 1,25,000/- ah, a lawmawm khawp mai. Amaherawhchu, hei hi a tawk lo hle in ka hria. Chumi han hriatna chhan chu tunhma khan 75/76 -ah khan keipawh Housing Loan ka la ve a, Rs. 2,200/- kan la a, chutih hunlai chuan cement hi bag-ah Rs. 20/- in a lei theih a ni. Chutianga han chhut chuan cement kha bag 1100 a lei theih a ni. Tunah hian Rs. 1,25,000/- an han pek hian cement man hi Rs. 350/- aiin a tlem tawh lova, chuti anih chuan cement bag 357 chauh a lei theih a ni. Chuti anih si chuan in sak nan khan a tlem hle a ni tih kha a hriat a. Chuvang chuan, hei ai hian a tih tam theih deuh em? A dawngtute tan pawh in sak tak tak theih siloh a ni dawn a. Chumi avang chuan a amount te hi a la tih tam theih lawm ni tih te hi ka zawt duh a. Chutiang zawngte chuan kan Minister zahawmtak hian min ngaihtuah sak thei sela tih hi ka sawi duh a.

Tin, hemi LAD hnuaiyah hian Urban Development an ti a, hemi hnuaiyah hian Step siam leh eng eng emaw retaining wall tih te, side drain tih te heng hi kan hmang tangkai hle mai a. Vengtin hian kan hmang tangkai in ka hria a. Heng atan tepawh hian plan sum 20% in kan pung in ka hria a. Chuti anih chuan LAD atan hian hengah te hian a tihpun theih lawm ni? vengtin in kan chhawr a, sum tamtak hman ngai ni silo. Rs. 30,000/40,000/- vela step han siam, pawimawh tak tak si, hetiang hi kan mamawh tawh a ni. Anni hi pek ve ni thei sela a va tha awm ve tih hi ka sawi duh a ni. A pumpui thuah LAD-ah chuan tuna an thawh chinah hian a lawmawm in ka hria a, ka han sawi ve duh a.

Tin, VC-ah nichina kan ngaihthlak ang khan VC te hi kan chhawr nasa em em a, Department tinin kan hmang a, mawng hi an hung hmanlo tluk a ni. Chuti chung chuan an lawmman te hi a tlem hle mai a. Chuvangin, Sorkar tharah hian hetiang mai lo deuh hian 13th Finance Commission in sum a han pek atang te hi chuan an lawmman te tihpun a, thahnem deuh hleka tih theih nise. A member tam lam aimah hian anmahni hamthatna tur ngaihtuah a, an lawmman te tihpun te hi a tih theih em? Heti zawng hian kan hotute hian an lo ngaihtuah thei em tih kha ka sawi duh a ni.

Tin, Demand No. 29 – Social Welfare-ah hian kal ila. Sorkar hna kum 30 lai kan lo thawk ve tawh a, mahse kan awm ve lohna a ni bawk a, eng engte nge maw an thawh kan ti mai a, kan ngaihtuah ngai lova. Mahse, kan Miniser zahawmtakin a department te hnathawh ziahna a han sem a, kan han chhiar a, hna an lo thawk tha in, an lo thawk tam hle tih ka han hriat hian a lawmawm ka ti a. Heng an hnathawh, a bik takin Welfare of Women ang chite an lo hmang tangkai hlawm hle tih ka hria a. Chuvangin, heng atan te hian sum an pek belh thei em? tam zawkte hi pe nita sela, Mizo hi kan vanduai hle mai a, Social life hi a zalen a, heng avang tepawh hian ani thei a, a bikin hmeichhe lamah te tawhsual tawk leh humsual dai te an tam a. Hengho han rehabilitate lehna tur atan hian

sum tamtak kan mamawh in a lang a. Chung angte chu sawi nuamlo nimahse sawi tul a ni si a. Heng ang atan hian sum a dah tam theih deuh lawm ni ? tih hi ka han sawi duh a.

Tin, Old Age Pension pawh hi 23747 laiin kum khatah an lo la tih kan han hria a. Tin, chumi zingah chuan a chanve aia tlem deuh hian 250 in an la a, a tam zawk hian Central atanga puihna 200 chauh an la a. State Sorkarin matching share kan tih hi an la release theih loh a ni a. Amaherawhchu, tuna Annual Plan kan han tih pun atangte hian heng ang tur tepawh hi a tihpun theih lawm ni ? Hei hi veng hrang hranga kan kalna-ah hian an lo sawi ve thin a, mite pawh hi an lo zawt ve thin a. Chuvang chuan, heng angte hi kan Sorkar thar hian uluk taka min ngaihtuah sak a, sum tepawh hi min han tihpun sak thei tur hian ka'n ngenpui a ni.

Tin chutih rual chuan hnathawh zawng zawng hi chu sawi vek sen a ni lovang a. A bik takin Grant-in-Aid to Voluntary Organisation tih hi kan chhawr tangkai vek mai a. Hei, Mizote kan vanneihna tepawh a ni ang a, kan mamawh tur tawh te te, YMA thingpuino tih te, Dekchi tih te, heng angte min han pe a. Tin, thingtlanga a harsa zual tan Mike (PA Set) tepawh min han pe thei a. A bik takin Aizawl-ah te, Upa Pawl tihte leh YMA te tan Silpauline tih emaw ni, anni hian an nei tha deuh a, a hming tak pawh ka hre chiah lo a, anni sem hi. Heng ang an han pe te hi a lawmawm khawp in ka hria a. Duhtawh hi chu a awmlo na a, amaherawhchu keini silpauline pangngai zar hnuaiah, mitthi vuina-ah, heng silpauline zar hnuaiah kan han thu a, nisa hnuaia kan thute chu a hrehawm thei khawp mai a. Anni min han pek ang han zar te hi chu a lo nuam khawp mai a. Anni Department ina an han pek ang chite hi heng aia tam te hi an semchhuah theih nan kan mamawh vek a ni si a. Tu bial pawhin kan mamawh a, a bikin Aizawl hianin kan mamawh leh zual a. Heng ang atan tepawh hian sumte hi a hmuh tam theih dante hi han awm ta sela a va lawmawm dawn em tih hi ka sawi duh a ni a.

Tichuan, Demand No. 45 – Public Works Department lamah hian han kal leh ila. Hetah hian lawmthu ka sawi duh a, kan Chief Minister zahawmtak, a changtu te leh a Department-a Engineer-in-Chief tih ang te, heng hotena min duhsakna zarah tunah kan veng, Khatla atang Bungkawh te, Khatla atanga Nursery te hi metal road in min tih chhuah sak tawh a. Tin, chumai bakah inthlan laia kan campaign au hla, Nursery to Maubawh via Bungkawh High School veng saw tunhma khan Sorkar hmasa khan Maubawh a chin thui vaklo an lo metal tawh a. Tin, Nursery veng chanve thlengin an metal tawh bawh a. A kar laklawh-ah sawn km. 1 tlinglo deuh hlek metal loh a la awm a. Saw saw engtikah nge an metal ve ang ? tiin kan nghakhlel hle hlawm a. Chungte pawh chu tunah hian an duhsakna azarah 35 lakhs sanctioned a awm tawh a. Khua ten a zir chuan April thla te hi chuan an thawh tan mai awm in ka hria a. Hengah te hian lawmthu ka sawi duh a.

Chumai bakah chuan Maubawh kawn, tunhma-a an High School awmna lam tepawh saw metal an tan tawh a. Tin, an han tizau deuh hlek bawh a, k an mipute an lawm hle in ka hria a. Tukin zinga ka zuk vahna-ah pawh, a kawng

kalte pawh a lo nuam a, tunhma-a ke pawha han kal a, inbilh hlauhawm thin kha a lo mam zul tawh mai a, sawngah sawn lawmthu ka sawi duh bawk a.

Tin, chutiang ang anih rau rau chuan, Maubawk atanga Lawipu, tuna hemi JNNURM hnuai mirethei in sak, chumi panna kawng zauhna tur tepawh tunah hian tender chhuah mek a ni a. Tichuan, kan bialte sawn Sorkar tharah hmel thar kan hmu a, a lawmawm hle in ka hria a.

Hemi anih rual rual hian tih theih chu nita sela, ka hresual anih loh chuan MUP in khumi Sihmui atang khuan, hemi khawthlang lamah hian Aizawl circular road siam ta ila. Tichuan, lo kal zel sela, sawtah Melriat-ah sawn chhuak ta sela an ti a. Lawipu-ah a lo chhuak chho ang a, chumi chu survey tepawh an ti nual tawh niin ka hria a. Kha kha an survey angin lo chhuakin, lai thei ta ang selang chuan khulai atanga kal khuan Lengpui pawh khu a hnai zawkin an sawi a ni. Chumi anih theih phei chuan Aizawl chhim lama awm zawng zawng hian helai kawngpuia kaltlang lo hian chu kawng chu kan pan ang a. Tichuan, Aizawl khawpui tawt lutuk tur pawh hi khu khuanin a chhan dawn a, a tangkai hle dawn in ka hria a. Chuvang chuan, khu khu kan hotute hian khawngaihtakin min bawhzui chak sak sela a tha in ka ring, mipui pawhin kan chhawr ang.

Tin, Demand No. 14 – Planning bikah MLA fund chungchangah hian kan thian ten an sawi tawh a, sum duhtusam chuan a awm thei lo na a, hmanna West Bengal MLA rual an lo kal khan, a kawmtute zingah ka lo tel ve a. Anni chuanin kum khatah hian MLA fund hi 150 lakhs an nei a, a awhawm khawp mai. Hei, kan hmang tangkai a, kan bialah te chuan Pu Deputy Speaker, MLA fund a kan thawh tur hi VC te leh Party hruaitute nen a hmunah proposal an siam hi kan en vek a. Chuta kan en vek hnuah chuan duh kan thlang ta a, priority kan pe a. Chutiang ang chuan kan siam a. Tin, hna pakhat chu kan zo tawh a, chuta a thawktu te phei chuan nuai hnih kan pekna-ah khan nuai hnih leh singnga kan seng a, chubakah chuan ‘Hnatlangin kan thawk nasa’ an ti a. Chuti khawp chuan an thawk tha a, chuvang chuan Sorkar atanga fund lut hrim hrimah chuan MLA Fund hi kan hman tangkai ber a ni mai awm mang e aw ka ti a. Chuvang chuan, a theih hram chuan kan hotute hian a tihpun dan hi min lo ngaihtuah sak sela tiin ka dil a ni e. Pu Deputy Speaker, ka lawm e.

DEPUTY SPEAKER : Pu C. Ramhluna.

PU C. RAMHLUNA : Pu Deputy Speaker, hun a tlem si a, ngaihmawh zawng zawng ka'n han chuk ve mawlh mawlh mai ang e. A hmasa berah chuan Demand No. 19 – Local Administration Department kha sawi ve ila. Pakhatna-a ka sawi duh chu lawmthu ka sawi duh a. Minister zahawmtak hi ka sawi tawh ang khan Housing Loan atana a amount a ti pung hi lawmawm ka ti a. A hmasa khan Member-ah min lo telh ve a, keini pawhin kan rawt ve a ni a. Khami rawtna kal chho zel kha a nih ka ring a, an tipung hi lawmawm ka ti a ni. Mahse, a total allocation hi sang ta chuang silo hianin number of beneficiary hi a ti tlem ta tlat mai hi chu a buaithlak a. Chuvang chuan, a allocation hi chu

500 lakhs atang hian tihsan theih nise a lawmawm ngawtin ka ring a. Kuminah 20% in plan size hi a lo sang ta bawk si a. Chuvang chuan, 500 lakhs ti lo hian 20% emaw hian sang ta se chuan a va lawmawm dawn e tih kha ka ngaihtuah a.

Tin, a dang lehah chuan kuminah hian ramkang a tam a, nikumah pawh ramkang a tam viau a. Ram kang hi LAD ho pawh hian mawh an phur tel ve a ni tih hi an hriat a tha in ka hria a. Prevention of Fire in the Village Ram Rules, 2002 tih kha anmahni LAD ho tihchhuah kha a ni a. Anmahni control kha a ni bawk a. Lehlamah chuan kut an sil lek lek hian ka hria a. Chuvang chuan, hemi kan ramchhunga ramkang ven chungchang thuah hian Budget-ah tepawh hian dah ve se tha in ka hria a. Hei, entirman Urban Forestry-ah pawh hian 145 lakhs te an han dah a. Hengte pawh hi lehlamah chuan Green Mizoram te nen hian tangkawpin han dah kawp ta ang nise, tichuan Forests Fire Prevention atan hian tangkai takin an hmang theiin ka ring. Forests Department kutah chauh hian dah a angin ka hria a. Chuvangin, anni pawh hi an tel ve a ni tih inhria sela a tha in ka ring a, chu chu ka han sawi duh a ni.

Tin, a dang lehah chuan Demand No. 29 –ah hian han sawi ka duh leh chu hetah pawh hian lawmthu ka hrihl leh duh a, kan Minister zahawmtak hi. Hmanni lawk khan ka bial chhung, Bungtlang-ah ICDS Project thar min hawn sak a, keipawh ka han kal ve nghe nghe a, ka lawm hle a. Hnai zawk atangin Nutrition tepawh a lak theih tawk a, a hawn ni-ah pawh mipui an lawm hle mai a, a chungah hian lawmthu ka sawi duh a, Building sakna tepawh an mamawh bawk a.

Tin, chubakah chuan sawi tak ang khan Social Welfare Department atang hian kan mamawh thil tamtak kan dawng thin hi a lawmawm hle in ka hria a. Chuvang chuan, lawmthu a chungah ka sawi a. Tin, Grant-in-Aid chungchang-ah hian keini hi chu kan double deuh a. YMA te kan awm a, YLA te kan awm a. Tin, Hmeichhe lamah pawh MHIP awm rual hian Lai Women Association te kan awm a. Khang hote pawh kha en dang chuang lova a tul ang zela tanpuina min pek pawh kha ka beisei duh a.

Tin, Article 275 (1) ah hian engeni awm aw tih hi ka ngaihtuah a. Keini chuan engmah hi kan hre ve silova, henglai atang hian tanpuina awm thei tur thilte a awm anih chuan kan bial pawh min ngaihpawimawh sak ve se ka duh khawp mai.

Tin, Minority Scheme a awm dawn niin a lang a, khami kha a tlang ta lo nge ni, vawiin thlenga implement loha a la awm hi a dinhmun Chiang deuhin min hriattir ta se a tha in ka hria a. State Share 10% kha kan pek theih loh vanga la implement loh a ni em tih kha ka hre chiah lova, chu chu ka hre duh a.

Tin, ka bial lamah sawn ka sawi duh chu Mitdel te, handicapped persons tan hian regular taka thlatina pawisa pek theih dan a awm em aw tih te kan hriat theih chuan a lawmawm hle ang.

Tin, Demand No. 1 na-ah hian Legislative Assembly-ah hian building thar duhawm deuh kan nei thei tawh tur hi a lawmawm hle in ka hria a. Kan House Leader chungah pawh lawmthu ka sawi a. Tin, chubakah chuan a thawktute hi an fakawm viau in ka hria a. Department-a lo thawk tawh thinte kan ni a, heta kan awm ve hian a thawktu, Officers leh Staff te inpekna leh an efficiency hi a sang viau in ka hria a. Min ngaipawimawh em em a, kawng engkimah. Chuvang chuan, an chungah lawmthu ka sawi a ni.

Demand No. 15 – General Administration Department-ah hian kal leh ta ila. Ni 27.9.2009 a Consultative Meeting kan neihah khan point 3 House Leader zahawmtak hnuai anih avang khan kan raised a. Chungte chu – Lai District Council ramri leh Lunglei District Council ramri hi enchian deuh nisela, a chhan chu khutah Ngengpui-ah khuan Khawmawri khua a rawn tla thla daih a. Entirnan – Pu S. Laldinglana tan pawh a hnawksak viau dawn a. Thingfal leh Thingkah ramri atang hian ngil taka rin thlak nisela. Chawngte-ah khuan zuk connect ta sela, ramri hi a ngil zaih mai dawn a, enkawl pawh a nuam dawnin ka hria. Kha kha GAD-ah khan lo en teh u tih in dah in ka hria a, kha kha enge a dinhmun ni aw tih kha ka hre duh deuh hlek a.

Tin, chubakah chuan, Lawngtlai Circuit House hi sak that a tul hle a. 1995 a leimin pawh khan engemawchen a compound kha a tichhia a. Chuvang chuan, milian tak tak te an thleng ve tawh si a, Govt. of India atanga lokal te an thleng ve fo si a. Tha deuha han sak a, presentable deuh hleka han siam te a tul in ka hria a. Khangte pawh kha min lo ensak atan a tha in ka hria a. Tin, Ngengpui thlangah khuan SDO (Civil) hi chu kan mamawh ve a ni tih hi ka sawi a. House Leader pawhin a ngai pawimawh ve hle in ka hria a. Hengte pawh hi hma min laksak thei sela a tha in ka hria a ni.

Tin, Demand No. 39 – Power Supply a sawi ka duh chu Kolodyne Hydrel Project tuikhuah kha an tan mai dawn emaw kan ti a. Mahse, thil fello deuh awmin ka hria a. Central Water Commission ho khanin an report an submit khan, investigation kha an lo tifel tawklo deuh hlekin ka hria a. Dam AXIS lai taka Geological Structure kha an lo enfel loh kha a ni a. Tunah hian tihfel leh mek a niin ka hria a. Nikum 2008 December thla-a MoU signed tawh kha a ni a. Chumiah chuan thla 6 chhungin Pre-Construction Work kha tan tur a ni e tih a ni a. Mahse an tan tlai ta hle mai a, hei hi chakzawka hmalak theih nise tha in ka hria a.

Tin, tunhma pawhin ka sawi tawh a. Saw lampang RGGVY, nichinah khan kan Member zahawmtak khan a sawi a. Power Supply awm tawh nia lang, a ban phun tawh nia lang, mahse light awm silo kha khaw 4/5 ah khuan a awm a ni. Mautlang khua te, Chawngtlang te, Ngunlung khua te, Tuisentlang te, a ban te chu a awm ve nual, a bul hmuh tur pawh a awm. Tun thlengin light tepawh a awm silo.

DEPUTY SPEAKER : Khawngaih takin lo nghak lawk teh aw kan dan ah chuan dar 4:00 hi kan ban a hun a, amaherawhchu hei vawiin ah

hian kan demand te passed a ngai a. Tin, nichina kan Speaker, zahawm takin a sawi ang khan, kan Bill Mizoram Appropriation te phei chu passed ngei ngei a ngaih avang khan kan chhunzawm zel mai anga, tirawh u. Pu Ramhluna hian han sawi zo sela, a sawizawh hunah kan chawl lawk dawn nia. Minute hnih ila nei e.

Pu C. RAMHLUNA : Pu Deputy Speaker, thil request duh kan neih chu, Sekulh lui a awm a, Bungtlang bulah khan, he lui hi Mini Hydel Project atan a tha thlawt in ka hria a. Power Department pawh hi vawi 2 vawi 3 chu ka sawipui tawh nghe nghe a. Kan lo investigate ange an ti a, kan hmuh dan mai chuan 15-20 Mg Watt chu pe chhuak thei turah ka ngai a, hei hi chu min han tih sak thei selang chuan a lawmawm ngawt in ka ring khawthlang lam chu kan eng vek mai dawn a ni a.

Tin, a lui khu a dam em em mai a, thil harsa tur ah pawh ka ngai lemlo a ni awle ka lawm e Pu Deputy Speaker.

DEPUTY SPEAKER : Tunah chuan kan chawl lawk anga, dar 4:30 ah kan lut leh dawn nia.

4:40 P.M

SPEAKER : 17 in kan sawi tawh a, han sawi leh tur tunge ? Tunge sawi dawn ? DR. R. Lalthangliana.

Dr. R. LALTHANGLIANA : Demand No 14-na Planning ah hian kan sawi duh chu Pu Speaker, kan MLA fund hi kum 1 atan nuai 25 dah a ni a. Tlem lai deuh khan, nikum nge ni, ka hre ta chiah lo, general purpose committee kha kan han thu a. Tah khan kan Chief Minister zahawm tak pawh a tel a, tihpun hi a tha lo'm ni, ka han ti a. Engemaw chen chu a hming chuan an pung a. Amaherawhchu a la bei tham lutuk deuh a. Hei kan member ruling lamte pawhin in duh dan a nih ka ring. Khata kan meeting ah khan nuai 40 tel chu ni thei sela tih kha kan sawi tlan deuh kha niin ka hria, Pu Speaker. Hei hi chu kan budget allocation te pawh kuminah an pung chho zel nen hian, corresponding increase, ti mai ila, a punna hi awm ve thei sela tih hi tha in ka hria a. Tin, kan fund hi kan hmang tha viau in ka hria a. Chuvang chuan kan han hmang diah diah te pawh hi kan enpui tha hlawm bawk a, kan ti tha thawkhatin ka hria a, tihpun nise tih kha tha in ka hri a.

Tin, GAD ah khan naktukah hian resolution phei chu la awm dawn tho in ka hria a. Kan Saitluk Airport, Lunglei ami hi kan sawi ri duh hrim hrim a. Nichin khan Col. Lalsangzuala khan, ka sawi apiang a tlang zel a, a ti a. Governor Raj Bhavan sak nan vaibelchhe 30, 13th Finance ah khan tih

niin a rawn sawi a, kha kha a rawn pawm a. Amaherawhchu hei 13th Finance atan khan Vaibelchhe 250 Saitluk atan khan kan State Sorkar pawh hian recommend ni awma ka hriat laiin, kuminah chuan min pe lo erawh kha chu a pawl ka ti viau mai a. Kawng dang erawh chu kan la ngaihtuah turah ngai ta ila. Hei hi a pawimawh khawp mai. A bikin chhim lamah District 3 pawimawh tak tak a awm a. Council area a lo ni a, multi model transport a kal tlang dawn nen, Border trade centre kan nei tur nen. Hei hi thil pawimawh tak niin ka hria a kan tar lang duh a.

Tin, kan Lengpui Airport mawlh mai hi kan chai rei tawhin ka hria a, hemi ILS hi kan la ti hlawhtling theilo hi pawl ka ti khawp mai, hei hi chakzawka hmalak a tul khawp mai tih kha kan tarlang leh duh ani. Tin, Demand No 39-na ah hianin electric field khua nive lo tan hianin ZEDA hianin Solar Energy engemaw ni hi a sem niin ka hria a, hei thingtlang kilkhawr tak tak ah hian an lo sawi chu 'lehkha hi kan hmu tlai si a, claim hun turah khan kan tlai fo mai a, a buai thlak khawp mai' tih hi an sawi duh khawp mai kan zinna ah hian chuan hei hi a awlsam zawng deuhin Pu Speaker, kan Power Minister pawhin min lo chhinchhiah sak se ka duh a. Kan MLA te hi min address ta mai sela, an ni in an mahni bial chhunga khatiang beneficiaries te pawh kha an hrilh zung zung thei turah dah ila, a tlai khanin anva la leh thei silova, tin, hei hi power supply te a chhiat vang hian tam tham deuh hleka tihpun dan kawng ngaihtuah nisela tih hi tha in ka hria a, kan sawi duh ani.

Tin, chu bakah chuan hei 132 K.v. Serchhip atanga kan bial lampang Buarpui lampanga chhuk thla hi tukin zingah pawh min rawn phone a ni 10 chhung deuh thaw chu eng kan hmu tawh lova, a mangan thlak ngawt mai Mobile pawh a charge hlei thei lova, chuvang chuan hei hi en ran nise tih kha kan sawi duh a. Tin, kan khawpui Aizawl te leh khawpui lian deuh ah te, thingtlang ah pawh a ni mai thei, a bikin kan electric hrui pawh hetiang neinuai hi a fello khawp mai a, nimin ah pawh kan veng lamah chuan thil hlauhawm tak mai a thleng a, a pawl ka ti a, chuvang chuan hei hi awmze nei zawk a Power Department hianin kan electric hrui zam hi en a tha khawpin ka ring a, underground ah kan phum theilo anih pawhin hei hi hmalak tur pawimawh tak mai nunna chan theihna tur ang chi thil rapthlak tak ani a, chuvang chuan ngaihpawimawh tha in ka hria a.

Tin, Pu Speaker, Social Welfare ah hian kan old age pension (tar pension) a amount hi increase/enhance dan a awm thei em tih lai a hi ka rilru ah a awm a. A beitham lutuk tawh a. Thil mante han chhutun, a hming pension pu si hian a beitham lutuk deuh a hei hi kan Minister pawhin lo chhinchhiah sela. Ka duh khawp mai.

Kan Assembly chungchangah chuan kan sawi deuh fur tawh a Secretariat building luah hlan hi kan nghakhlel hle a, chak takin hmalak chhoh mek a nih avangin session leh ah chuan luah thei turah beisei ila. Demand No 45 ah hian Pu Speaker, hei kan House Leader awmlah lai khan kan Home Minister in charge a lak lai khan ka sawi zawk tawh a. Kan PMGSY contractor te hnenah PWD in an issue chiam mai a kumin ah. Mahse NIRD account ah

pawisa State Bank a an hawanna ah khan a awm silo lai a hi a buaithlak khawp mai. A cheque te chu issue turah ka ngaih laiin vawiin ni thlengin harsatna an la tawk mek a, hei hi enfiah ran a tha khawpin ka hria a .

Tin, kan District Headquarters hrang hrang ah a bikin kan inkalpawhna kawng hi a chhe ang reng khawp mai a. Nimin tlai chu Seventh day tlang ah ka tlan chho a. Motor car akhan hniam deuh phei chu tlan a buaithlak lek lek a. Tin, Vaivakawn atanga hetah Kanan kalphei a chawnpui, Zotlang pawh kawng saw enfiah a ngai khawpin ka hria.

Tin hengho pawh hi kan District Headquarters hmun hrang hrangah a bikin kan inkal pawhna kawng hi a chhe lulai lutuk a kan PWD hian pawisa an nei lo ni hian an insawi thin a. Hei hi ngaih pawimawh a neih chu a tha hle in ka hria. Heng kan tih that hian leimin te pawh hi awmze nei a chhan dan awm thei turah te pawh ka han ngai a.

Tin, khawpui kawng kan siam hian tuihawk luankawr tha lo tak tak, siam mumal loh hi kawng ti chhetu a ni. Kan sawi zing riau a, House ah pawh hian kan ngai pawimawh a.

Tin, mahni bial lamah thu pahnih khat han tarlan lawk ka duh chu Lunglei atanga - Buarpui pan thlakna zel PMGSY kawng a hi ka sawi thin a. A sawt thei hauh lo mai a, hei hi a pawimawh a ni, Lunglei kan pawh theihna tur atana kawng kan neih short cut a ni a. Hei hi hmalak chak dan kawng hi awm thei se kan duh hle a. Aizawl Kulikawn Aibawk-darlung Bawlte – Khawlek Buarpui kawng tawi em em mai khulaiah khuanin Pu Speaker kan nei a. Tlawnglui lei tak kha Sorkar hmasa hoin kan buaipui lah kha tun hnaiah hian an dawh zo ti tih deuh tawh a. Hmanni khan Bialtu MLA pawhin a zu hmu-in ka hria. A lawmawm khawp mai.

A kawng lama kha la peih loh a ni a, churang chuan Buarpui thlenga kawng hnaivai tak kal theihna hi ngaih pawimawhah awm thei sela ka duh khawp mai a. Chumi rual chuan Thenzawl atanga Buarpui kan panna kawng saw hman deuh khan ka haw chho chhin a, tlem tlem chuanin lei chu an han vur a, mahse leivurna hi chu tun furah hi chuan a chhe leh vek chuan ka ring (tun ruah sur hian), sawlai kawng saw a hnai riau mai a, Thenzawl-Thenhlum Binghamun thleng kalkawng a ni tih hi kan ti ri deuh bawk a ni.

PWD lama kan sawi leh duh bawk chu - Public Works Mechanical Circle hi kan nei a. Mahse kan hmang tangkai ta lo hle mai a. Mechanised hna atam rual hian an hnathawh tur ang hi thil awmze neiin a kal ta vak lova. Churang chuan Session hmasa-ah khan ka sawi tawhin ka hria a. Tah pawh khan kan sawi leh duh chu an staff te hian tih tur an nei si lova, hlawh lak ringawt hi chu hrehawm pawh an ti ve in ka hria.

Churang chuan Municipality te kan han ding chho thei turah ngai ila, ADA kan han tih ang chi te leh technical department dangah hian engemaw

tihdan kawng hi awm thei ta mai sela a tha hial lo maw ! ti ringawt maia mithiam te kan technical mi an awm hi hrehawm an ti in ka hria.

A tawp berah chuan Demand No 19-na ah hian kan V.C te hi kan hmang tangkai tawk loin ka hria a. Ram hi kumin ah a kang nasa em em a, nikum ah nen kumin ah 8 an kanghlum ani tih kan sawi a. Hemi Ram kang chungchang a ka sawi duh chu kan V.C te hi Dan leh Dun han tlawh chhan tur hi engemaw hi a hming chuan a awmve tak na a, mumal leh zual a thuneihna kan pek thiam hi Village Council administration ah hi chuan elected body ani bawk a. A pawimawh dawn in ka hria a. Nichin ah khan kan MLA senior zahawm tak Pu Thlenga khan a rawn sawi a, kan hma ni 7 ah hian Sorkar in notification V.C khaw 9 atan a inthlan tur buatsaihna a lo chhuak a. Helai ah hian a fel hlel ani. Dik tak chuan ti zawng hian sawi ta ila, kan Mid-Term V.C in thlan na ang hi V.C thar siam a in thlan tir hi ka hriatsual loh chuan 1953 atanga tun hi a vawikhat awmna tur niin ka hria a. He notification chhuah tura kan tihna ah hian Acts emaw Rules emaw tlawh chhan mumal tak hi a awm lo reng reng ringawt mai ani. Hetianga Democracy kan palzut a, kan kalpui hi chu a fello ani. Nichin ah khan kan ngaihthla nual tawh a, executive order ringawt mai a hetiang ang democracy a thil pawimawh lutuk election te kan han kalpui anih chuan Village Council kha tam lo mahse vawikhat thil kan tihsual tawh chuan a fello in ka hria. Chuvang chuan hei hi kan ngai serious leh ani tih hi helam chuan ka sawi duh a. Hei Laldinpuia V.C Vice President Zotlang West newly created, ani hi E.Roll ah te hian a awm miah lo ania. Awm zui sela, kan han ti ringawt a. Dolaichandra Vice President V.C puankhai a permanent address village a kha puankhai ania leh Surzolal V.C.M puankhai a permanent Village te, malsuri newly created elected a kan va puang ringawt ang chi te hi chu a dik lo, tun hmam he House ah hian kum 20 vel kan awm tawh a, hetiang ang He House hian Pu Speaker, kum 20 vel tawh a, tiang ang a, Notification kan chhuah tawp tawp mai hi chu a fel lo deuhin ka hria a ni. Phairuang kaiah hian V/C seat 4 a awm a, Rotlang 'W' lak atangin seat 3 pek an ni a. Tah chuan pathum lak chhuah hian seat khat awm tur ang a nih hian seat 4 awm ang hian a la lang tho mai a. Notificationah hian, chuvang chuan enfel ngai hi a tam a.

Tin, Champhai Kanan ami V/C member Rodingliana hi newly elected Village Council Dinthar Veng chhunga in leh lo nei a nih lain, a present village Kananah V/C member ni tura la awmtir a ni tlat lo. Thil inkawlkah hi chhiar Chiang ve teh u', ka ti deuh a ni. Hetiang ang chunga kan inthlang a hi a dik lo a ni. Hei hi kan ngaih serious a pawimawhin ka hria a, hei Champhai vekah hian Pu Speaker, Vanlalruata Champhai Dinthar Veng a, in leh lo nei si, V/C siam thar a lo ni a, Champhai Dintharah awm tir lo in Kanan Veng V/C a present village ah khanin awm zui nghal tura tih a ni leh lawi si a. Eng eng emaw hi fello hi kan enchiang lo a ni mai thei, a tam tlat mai a. Chuvang chuan democracy rama hetiang anga inthlan kan han ti leh ngawt mai a. Acts emaw a rule mumal tak tlawhchhan awm mumal si lova, executive order hetia kan ti chhuak tawp tawp mai hi chu Pu Speaker, a fel lo a ni. Chuvang chuanin nichina kan senior MLA in a a rawn sawi ang deuh khan chhanna mumal tak wind-up na ah te kan han thlir ang a. Kan hmuh loh chuan pass pui hi hreh tak chung hian a harsat khawp mai thei. A hreawm duh khawp mai. In huatna lam

leh khatiang thil vang ni loin. Hei hi chu kan enfel a ngaiin ka hre khawp mai. Kan ngai serious riau a ni, tih hi ka sawi duh a ni. Pu Speaker, ka lawm e.

SPEAKER : Le, kan sawi kim thawhkhat tawhin a lang a. Kan awm lem lo niin a langa kan sawi hona kan lo duh tawk tawh mai anga tunah Minister zahawm tak Pu PC. Lalthanliana a demand te wind-up sela chutah pass rawn dil nghal bawk sela ilo sawm ang.

Pu PC. LALTHANLIANA, MINISTER : Pu Speaker ka lawm e, vawiin niah ka demand te kan house leader zahawm tak te nen kan han sawi hova, sawi hona hmasa ber a kan member zahawm tak in a ka demand te pawh pass pui duh lo khawp hial tura thinrim nen thu sawi kan han ngai thla a, discussion tuna a sawi hnuhnung berin demand pawh pass pui duh lo hial tura tawngkam min han khar chilh leh a, pawl ka ti khawp mai. Pu Speaker kan member zahawm tak te kha he ka demand hi min pass pui hram turin kan sawm hmasa duh bawk a ni.

Kan member zahawm tak Pu Thangtea sawi ang khang general election ruallova Village Council term election emaw hetiang ang buatsaih ho a vawi khat awmna a ni a vawi khatna a nih avangin Sorkar ang pawhin hetiang hi Village Council Lushai Village Council Act 1953 a ni emaw admendment ah a ni emaw election rules 1974 a ni emaw he transitional period a kal dan tur hi dan pakhat mah mumal tak kan nei lova a pawl khawp a, tin kan Sorkarin general election ruallova Village Council te hi pek tul tihna a nei a, pakhat naah chuan kan sawi duh chu, tun a V/C thar kan pek sa tun hmalam atanga V/C lo dil tawhte an ni. Kum 2006 V/C in thlan dawn pawh khan MNF Sorkar kum 10 chhungah pawh a MNF V/C Rualalungah MNF V/C apian theih loh avangin heta V/C hnuaiawm thin Sailen hi a rem lo chungin tuikuk hnuaiawm Zehtet V/C hnuaiawm, kha Sawrkar khan a dahlui a ni. 2009 february-ah Village Council kan inthlang dawn a, Sailen ho an lo kal, kan behna V/C behna ngaiawm Rualalung ah min dah lehloh chuan inthlan kan boycott ang an rawn ti a. Kan Congress hotuten, amaherawhchu kan manifesto ah State election commission-te hi tangkai zawka hman kan tum ang, kan tih avangin, State Election Commission kutah Village Council Election hi kan hlan avangin, Council thar dilna Sorkar hmasa-ah pawh awm tak tak lo dil tawhte leh a thara dilte pekna hun kan nei lova, churang chuan hengte hi chu a tharin kan la ngaituah dawn nia, kan ti ta ani. Pu Speaker, churangin Sailen-te pawh hi Boycott lo hram ru kan la ngaituah dawn nia kan ti a, chutiawm ang chuan Tuivamit te pawh, Sorkar hmasa kum 10 chhunga April-fool vawi tam anlo hmanpui tawh Sorkar ten nikhat pawh Village Council kan duh, municipal-ah kan lut dawn emaw-te an rawn ti ve a, churang chuan khatiang zawng zawng kan thlir chungin Sorkar-in a parent village council pawhin awm an tihpui ngawih ngawih, eng ah nge kan pek lohvang ! ramri-ah buaina awm silo, tih kha kan ngaituahna a nih avangin, general election hun lovah ti hian V/C thar kan han siamta a ni. Tichuan ni 17, March ah MNF leh MPC joint committee lehkha min rawn pe a, Pu Speaker, Lushai Hills Village Council Act 1953 sec 4 d-nain, a sawi angina, hetiang

Village Council memberte rintira annihna chhawpchuaha tia kalpui ringawta hi dan kalh a ni. Chuvangin, he order hi Malsuriah te, Rotlangah te, Kolasib vengah te, Project vengah te, heng hi thil diklo ani. Chuvangin Sorkarin ennawn se kan ti an rawn ti a, kan han sawiho a, department te nen pawh Pu Speaker, ka sawiduh chu hei hi ani – An dan tlawhchhanah hian tih dikloh pakhatmah kan neilo member Village Council disqualification theihna dan section 4 (d) ah tu pawh V/C member chu if he is a member of other Village Council a ti ani. Chu chu a disqualified theihna an rawn tarlan ani, chumi dan han hman dawn chuan disqualified ngaihna a awmlo ani. Tin, Pu Speaker he thil kan tihnaah hian justice kan duh vang ani tih hi ka sawi duh Mansuri ah te Rotlang ah te hian kan Sorkar a hma pawn kan solid Village Council ah hian tlin loh kan hlau lo reng reng heng hmunah hian congress an nih avanga ring kan nilo, tlin loh hlauhna tur pakhatmah kan neilo Pu Speaker. Amaherawhchu kum thum atana thlan tawh Village Council memberte disqualified theihna dan kan hmuh si loh avangin disqualified ta ila min rawn khing ta se engtingge kan tih ang tih kha kan ngaihtuahna ani. Chuvangin justice, democratic principle a hi kan zah avangin vawiiniah hian chutiang chu kan kalpui a, dan leh dun te kan la neih baw si loh avangin executive order a ngai a, ngun takin kan ngaihtuah a, a tha ber a him ber, a democratic thei ang berin kan kalpui ani.

Tin, Pu Speaker V/C thar an han tih hi anihna takah chuan bifurcate (thenhran) ani. Anih leh Phairuankai Village Council kan then a, Rotlang kan han pe a, Rotlang a V/C member kan han paih a, Phairuankai a V/C member thlanna hi hmun khat R.O hmunkat nei a declare khangho chhawm a kha a dik si a, engatinge helaia chhawm kha a dik lohna Pu Speaker.

Tin, Champhai hi kan sawi leh ang a. Hepa hi mi inluaha awm ani, chuvangin ka awm hlenna tur zawk chu helam hi a ni si a. Chuvang chuan helai a in luah mai a, Kanaan lama awm hi ka ni si a. Chuvangin kei chu helama awm hlen tur zawk, ka in hmun neihna tur a ni a tiin lung rual takin an sawi hova. A awmna tur lamah a awm a ni.

Tin, Rotlang ami electoral roll a awm lo te hian nomination a file theilo hrim hrim a ni. Scrutiny ah a tla ang. Tichuan ni 2/3 ah Pu Speaker, lehkha min rawn pe leh a kan MNF Party unau ten, kan boycott ang an ti. Nimin thlengin Kolasib ah chuan an campaign nasa lutuk a. RO thlengin an complain a ni. Withdraw theihna hun a ral tawh hnu a kan sawisel a vawiin ni thlenga member pakhat mah bawm khar tur awm baw si lo. Tu pa tawngkam tak emaw a, ‘heng ho hian kan ti ang an tih chu kan ti lovang an tih na.’ ka ti lovang an tih chu ka ti ang an tihna,’ tu pa tawngkam emaw han hawh ta ila. Vawiin ni kan boycott ang tiin lehkha min pe a, nimin ah te chuan kan buaina ber chu RO an complain a. Kolasib ah hei chu State Election Commission kut a ni, keini thu a nilo kan ti ani.

Pu Speaker, vawiin ni ah hian kan demand te ni pass pui lo tur khawp in vawiin ah hian thil sual kan ti lo, Sorkarin Justice kan duh vangin thil kan ti a ni tih hi ka sawi duh. Kan Sorkar Malsury Village Council atangin kan solid. Vawiin hian chak loh hlauh vanga member ring tur Sorkar kan ni lo.

Kan MLA zahawm tak phei chuan inthlang tha vek rawh se, tiin a duhthu ka bulah a sawi a. Amaherawhchu, chu chu kan tum a nilo a ni, tih kha Pu Speaker, ka sawi duh a. Chuvangin kan Member zahawm tak te Demand pawh pass pui duh lo hial khawpa rilru natna in lo nei a nih pawhin min hrethiam ula. Executive order a, hetiang kal kan ni a. “Tun hnuah tiang hian kal zel ang Pu Speaker”, kan ti hran bik lo a ni. Kan Dan leh Dun te vawinah pawh kan en nawn a tul a. Tunah hian draft te pawh kan siam a, changlung zawka kan tih te pawh a ngai a, kan ngaihtuahna pakhatat phei chuan repeat a, thlak hlawk hi a tul a ni lawm ni. Kum sawm chungin engmah siam kan nei bawk silo, waviina executive order ti lo thei lo kan ni. Chuvangin kan Member unaute rilru waviin ah hian dam se tih hi ka duh khawp a ni, tih kha Pu Speaker ka sawi duh a ni.

Tin, Tuivamit Village Council kan sawi lain Pu Speaker, kan West-I bialtu zahawm takin a han sawi kha a dik a, khulai ah khuan Tuivamit V.C. ah khuan duh dan chi hnih a awm a. Tanhril V.C. area chhunga mite nena Luangmual V.C. area chhunga mite V.C. khata awm duh a awm a ni. Sorkar pawhin ngun takin a ngaihtuah a, khulai te khu hlawm khata an awm te pawh an duh a. Amaherawhchu, Tanhril V.C. ten an area chhunga mihring cheng a te, no objection an pek theih tlat si loh avangin Parent Village Council rem tih loh chunga Village Council thar siam hi buaina zakhua a tam a, chuvangin huam tel lo ila kan ti a. Luangmual area huam chhunga awmte Village Council kan han pe ta a. Tichuan, Village Council order kan pekna gazette te a han chhuak a, notification te, a boundary chungchang kan notified hmain kha kan order ah khan nichina MLA, a bialtu zahawm tak West-I sawi ang khan, khulai a khu YMA ah pawh V.C. hrana awm an ni a.

Tin, Kohhran ang leh thil dang zawng zawngah society-a inpawlh an ni. Chuvangin chumi an lo awmdan leh khawsak dan leh rilru an duhthlanna a nih chuan administration ah a convenience ang angina an awm thei ang, tih kha ka han helh deuh tlat a. Ama'rawhchu, khami remchanga la khan roll-a tel duh zawng zawng chu helamah an tel tur a ni, tia lo campaign a, keini Department ngei pawhin hma kan lo la hman a. Ama'rawhchu, boundary kan han notified ah khan khulai khu a tel ta lova, Tanhril ina an remtih loh avangin. Chuvangin roll ah chuan an tel thiang lo. Administration ah erawh chuan an duh chuan an khawsa ho thei ang a, remchan angin kan ti mai a ni, kan han ti a.

S P E A K E R : Ngawi rawh lawk aw. Parent Village ina an phal loh khua kha sorkarin a siam thei lo em ni? Sorkar chu a thu ber zawk ni awm a ni a. Khami kha Parent Village anga kan ngaih khan an phal lohna ringawt a kha thu tawp kengtu a ni em ni? Sorkar zawk kha thu tawp kengtu a ni lawm ni?

Pu P.C. LALTHANLIANA, MINISTER : Pu Speaker, a dik chiah a. Sorkar chuan a pe thei tho a ni. Amaherawhchu, Parent Village Council ten an

remtih bawk si lova han inpek luh hi experience ah buaina zakhua nichina ka sawi ang deuh khan a tam thin tih hriat a ni a. Tichuan, administration convenience ang anga a mihring cheng a te, khulai han engemaw kan remti a ni mai a. Entirnan - Mara South chu West Phaileng constituency hnuai a awm a, roll-ah an awm vek. Amaherawhchu, Lunglei District administration hnuai a Mara South a awm daih. Chuvangin, roll-a an awm ngei tur a ni tih hi a kaw k tel lova. V/C thar a ni a, a area bak hi chu roll-ah an awm thei lovang te kan han ti a. Chutiang chu thil awmdan deuh kha a ni a.

Pu LALDUHAWMA : Pu Speaker, han tih fiah kha a that ka ring a. A hmain Sub V/C a awm a ni a, a parent V/C chu Luangmual a ni a. An indan hi an phal em em a, an dilpui a. Kei pawhin ka dilpui a. Tanhril hi a parent V/C a ni lo hrim hrim a. Sub V/C an nihlai pawh a an area in a huam loh a ni hrim hrim a. V/C hrang hrang an nih dawn takah hi chuan, a locality inhnaih zawk an nih vangin, kha kha tel ve an duh zawk chuan zalenna an han pe a ni a, tunah hian hemi Gazette a lo chhuak notification hi an withdraw leh tawh a, order dang Sorkar hian an lo siam leh tawh nge an cancel ta nge ? Roll-ah Tanhril hnuai ah awm si Tuivamit V/C thara duh chuan administrative control hnuai a awm thiaw bawk si kha a mipui tan khan awm dan thiam ngaihna awmlo, chuvang chuan Sorkar hian a tih ang ang chu fel takin khawng takin decision la zawk rawh se, study chiawng sela, roll a awm lohna V/C hnuai a va awm tlat kha a rem chuanglo va.

Pu P.C. LALTHANLIANA, MINISTER : Pu Speaker, an awmlo na hnuai V/C ah an awm lovang. Kan sawi tak a kha chu V/C kan pek leh boundary a mite kha roll-a an awm anga, kha kha a ni a. Amaherawhchu society-ah te khatiang chi kha kan mean taka kha chu a ni a, electoral-roll-ah chuan Tuivamit helamah khan awm lo mahse la khulai an mahni lo awm ho khawm thin dan an society-ah eng engemaw kha kha chu kan phal sak deuh kha chu a nia, interpretation kha chu a in ang duh loh khawp a.

Pu LALDUHAWMA : Pu Speaker, thil buai thei a nih vangin kan fimkhur deuh hlek a ni. Tunah Tuivamit thar lo piangah hian khulai area a mite khu an tel ve thei lovang, an awmna pangngai Tanhril V/C hnuai an awm tur a ni tih a nih chuan ni law law sela, V/C thar ah hian an tel thei ang ti a zalenna an pe a nihi chuan tel sela, roll-ah pawh Tuivamit V/C hnuai an awm law law rawh se Tanhril V/C roll-ah awm a, V/C election-ah participate sia adang a Tuivamit V/C hnuai an awm si kha chu YMA pawh a buai anga Kohhran pawh a buai anga, MHIP pawh a buai ang, ration card thlang in.

Pu P.C. LALTHANLIANA, MINISTER : A Sorkar ang chuan Tuivamit kha chu, Tuivamit ah an awm maia. Tanhril kha chu Tanhril hnuai an ni maia chu chu ka remti lova, amaherawhchu NGO leh khawng kha chu kan sawi phak a

awm lova, a V/C ang chuan Roll ah chuan an tello ang Tuivamit ah Tanhril V/C hnuai ami kha.

Pu Speaker, Housing loan te kan han sawi chho a, a lawmawm viau va. Member te duhthawhna leh opposition te pawhin lawmthu te an han sawi thei kha lawmawm ka ti a. Kan Member zahawm tak Pu K. Lianzuala'n sorkar hmasa a Housing loan pakhat recommend pawh kan hlawhtling lova, P.A. Set pakhat dil pawh kan hlawhtling zo lova, a han ti a. Tun kan sorkar chu a danglam hle mai tih te pawh a han sawi chhuak a. Pu Speaker, kei ka sual ang reng a, ka that vang pawh niin ka hre lova. Chhungkua hi pa in a enkawl dan hi chi hnihin a awmin ka hria a. Pa in fate hnena eitur kan pe a, mama i thiantie pawh pe ve rawh, mahni chauhin an ei ngai lo, ti thin pa an awm a. Chutiang chuan chhungkaw pa chi hnih hi an awm deuh a, kan Chief Minister te, kan party hotute an tha em mai a. Zep thu a awm lo, kum 1998 atanga 2008 thleng khan hotute duhsakna in Lunglei-ah Congress President in ka awm a. Housing loan Board Member hi vawikhat mah ka hlawh lo, kan Member zahawm tak Pu Duhawma te, Pu K. Liantlinga te phei chu dawhkan inhmachhawn in Lunglei lamah te hian party dangte hi dah ve la a ti a. Chutiang chu an dah thei lo a niang, kum 10 party President in ka awm a, min dah tlat lo ka ti a, ka sual khawp a. Mahse, pa ber in eitur in neih te mahni chauhin an ei ngai lo, min tih tlat avangin tun kumah phei chuan party dang zawng zawng te kan han dah ta a, saw lai Lungleiah chuan. Chhungkua hotu pa in a zir chuan fate pawn kan zir ve chawp mai a ni, ka that vang pawh a ni lova, Pu Speaker.

S P E A K E R : A nih leh pa pakhat zawk chuan engtingge a fate a tih a ?

Pu B. LALTHLEGLIANA : Pu Speaker, khawngaihin Department danga a kal kai hmain – Champhai Dinthar a in leh lo nei, mahse Kanaan Village ah ka awm ang, hei hi chu temporary-a ka awmna a ni, titu kha tunah hian a in sawn ta em ? Inthlan naktip mai a lo ni tawh si a. Tikhan, veng lehlama awm chung khan kan la tih tir zel dawn em ni ? tih lai a kha ka va hrechiang duh ve.

Pu PC. LALTHANLIANA, MINISTER: Pu Speaker, tun maiah ka sawi thei lova. A residence a change leh change loh lam ai mahin Pu Speaker, roll ah khawi zawkah nge a awm ang a, tahchuan roll ah a chiangin ka ring a. Roll-a a chian kha chuan a chiang mai ang a. Mi In luah lai a ni a, in sawn mai tur a ni a, khi laiah pawh a party lam hi chuan an complaint lutuk lo a nih ka ring. Chutiang dinhmun chu a ni. La awm phei ngei tur pawh a nih ka ring.

Tin, Pu Speaker, kan manifesto ah khan Village Council chungchangah hian kan party in ngaihdan te kan nei a, kan ziak a. Vawiin ah hian lawmawm ka ti khawp mai a. Pu Speaker, he House ngei maia kan House

Leader chungah pawh hian lawmthu sawi ka duh a. Kan manifesto ah khan Village Council te hna thawk thei a, chak zawka siam te, an kuta sum tam zawk hman tur development atana tih te kan manifesto ah a awm a. A bu ka keng a, khawilaiah nge ka dah ka hre lova. Chumi tihlawhtling thei tura vawiin ah Chief Minsiter zahawm takin thingtlang kut hnathawk tute leh mi harsa zawkte tana development a awm theihna tura ruahmanna min siam sak leh theihtawp min chhuah pui hi a lawmawm a. Kan 12th Finance Commission-a kan punna kha 87 vel a ni e, kan han ti a, kan lawm a. I veilama thu ten a punna a sang hran hlei nem, an han ti a. Amaherawhchu, PRI-a tuna 13th Finance Commission ina min pek a hi chu Pu Speaker, one thousand (1000) percent-in an pung daih mai a ni, a ropui khawp mai. 12th Finance Commission khan kum 5 chhunga kan hman turin vaibelchhe 20 min pe a. Tunah hian vaibelchhe 215 point something vel 13th Finance Commission-in min pe a. Tichuan, nakum atana kan hman turah pawh Commission ina min pek aia tam kha nakuma hman tur a ni ta a ni. Chuvangin Pu Speaker, kan Chief Minister zahawm tak chungah he House ngeiah hian lawmthu ka sawi duh a. (**Speaker** : Nakum nge kumin, tuna mi hi ?)

Pu PC. LALTHANLIANA, MINISTER: Pu Speaker, tun kum thar tur 2010-2011, kan Village Committee hian nuai 10 dawn a hi khaw tam tak phei chuan heta tang hian an khaw development atan sum an hai chhuak thei tawh dawn a, an hmu thei dawn a ni. Chuvangin kan policy ang te leh kut hnathawktu leh mi harsa zawk leh thingtlang lam hawia kan hotu pa ina hma min lak sakna hi lawmawm kan ti tak zet a ni.

Tin, District Council ah hian 12th Finance Commission atanga kan hmuh ang angte kha V.C. ah an enkawlina atan pek thin ve a ni. Nichinah kan Member zahawm tak Pu Nirupam Chakma-in a sawi a, tam zawk pek theih nise a duhthu te pawh a rawn sawi a. Pu Speaker, a leta tam kan pe thei dawn a ni, tih hi lo hre ve se kan duh a ni, vawiin ah hian. Chutiang chuan Pu Speaker, kan sawi seng lo ang a, vawiin ah hian kan Department chan te thahnemngai takin min han sawi sak a, tam tak minute 10 chhungin sawi duh sawi hmaih an nei ang tih kan Member te pawhin ka ring a. He House chhungah kher lo, House pawnah pawh min rawn hrilh a, a tul ang te suggestion min pek kha kan la beisei fo dawn a ni. Tin, Village Committee te dinhmun chungchangah pawh Pu Speaker, hei kan party ina a tum leh ennawn pawh tha a tih a ni a, kan hotu ten ngaihtuahna an la hmang ang a, tun aia dinhmun tha zawkah hian kan Village Council te pawh kan la dah thei ang, tih hi kan beisei a ni. Kha kha a LAD deuh bikah Pu Speaker, sawi tur tam tak a awm a, kan han react-na lamah khan hun kan hmang thui deuhin ka hria a. Chuvang chuan kha bak kha han tarlan vak ka tum lova.

Amaherawhchu, ka'n sawi belh hlek duh zawk a chu pakhatna – Village Council te hi Department hrang hrang atangin agency ah te kan han in hmang a, a lawmawm viau a. Amaherawhchu, Department te hian Village Council enkawltu action la theitu ber te hi an sanction pek leh hna kan thawh tir a, kan kuta kan dah ang chi-ah te hian kan District Coucil te hnenah hian a copy

pek theih ve nisela. Chuta tang chuan VC ten hna an thawh te pawh hi keini lam pawhin kan lo enpui thiam deuh kan beisei a.

Tin, Village Council ten NREGA work kan thawh a, a za tel nikhatah kan thawh thin avangin heng atan hian mike a tul em em kan ti a. Hand mike hi, chutiang chu tunah hian kan lei fel vek tawh a. Village Council tinah khawpui, Aizawl nilo hi chu kan pe bawh dawn a ni tih kha ka sawi duh a ni.

Tin, Street Light chungchang hi harsatna a tam khawp mai a. Tunhman in Power & Electricity ten a repair hna te, a thlak hna te an thawk thin a. Tunah hi chuan a chhia, anni pawhin an thawk thei lo a ni ber ang chu. Street Light eng lo hman tangkai loh a tam em em a, amaherawhchu chutih lai chuan keini a bill petu Department lamah hi chuan a kim angreng viau bawh si a. Tah hian sum indaih lohna tam tak, Sorkar kum tawpawh kan neih phah thin a. Chuvangin, Electric Street Light te hi a eng nen engzatnge an nih a, kan hman ngei tih te, engkim fel taka hman a ngai a. Chutiang chuan Electric Department nen te pawh hma kan la a. VC tamtak in, Electric Street Light complaint leh a tam zawk mamawh an rawn sawi thin a. Tunah hian Department P & E te nena en mek a ni tih kha ka sawi duh a ni.

Pu Speaker, Social Welfare Department-ah ka'n kai zawk mai ang a. Kha Social Welfare kha Member sawi zawng zawng deuh thaw in kan sawi ti ila, a sualin ka ring lova, a lawmawm khawp mai. Fakna karah duhthawhna tepawh kan ngaithla a, duhthawhna te kha kan hrereng a ni tih Member ten min hriat sak sela.

Tin, Anganwadi an rawn sawi a, Anganwadi Center kha 250 min phal sak a ni. Nikum kan Session-ah ka ti a, he House-ah hian. Tichuan, kan han hawng a, building sakna kan pe mai thei bawh silova, school ang deuh hi a ni a. Tun atangin mipuiin private deuh taka han enkawlte hi a lo ngai ve a. Amaherawhchu, tunah hian vanneithlak takin nimin mai khan 5.11 crore hi Anganwadi sak nan Central in min rawn pe leh ta a. Tichuan, bialtu MLA zawng zawngte pawh ka'n chah duh chu in bial chhungah Anganwadi sak tul zualpui, priority in neihte kha chu kan Department hotute hnenah tepawh in lo hrilh hria ang a, Sorkar kumthar chhovah hi chuan kan sa chho thei turah ngai ta ila a tha awm e.

Tin, Pu Speaker, a sak hna hi keini chuan contract in kan pe ngai lova, Co-ordination Committee te, khawtlang hruaitute, VCP Chairman na hnuaiah worker te, Secretary te tiang chuan a sak hna hi thawh thin a ni a. Contract in a pek theih lova. Pakhat tan nuai khat leh sing sarikh sangnga ang in a sanction te hi pek thin an ni.

Tin, scheme thar kan neih a awm a, Pu Speaker, Indira Gandhi National Widow Pension Scheme (IGNWPS) kan tih te, Indira Gandhi National Disability Pension Scheme kan tih te, BPL tan Cental in min rawn ruahman sak a. Heta Indira Gandhi National Women Pension Scheme-ah hian mi 1192 leh

Disability Pension Scheme-ah hian mi 587 tan ruahmanna a awm a. Hengte hi kan pe theuh dawn a ni tih kha ka sawi duh a.

Tin, Tar Pension chungchang khan Pu Speaker, Member ten kan sawi deuh vek a. Nikum House-ah khan mi 8231 Central in minrawn pek belh a kan ti a. Khangte kha a pawisa kan hmu ta mai lova. Tin, a list kan han la khawm a, chutah chuan mi 8231 turah 20000 chuang dilna a lo lut a, chungte endik a han tih vel chhungte a lo rei a. Tunah chuan tihfel a ni a, Sorkar kumthar, Budget te kan han zo ang a, heng mi 8231 te hi nikum April atang khan a arrier in an pension hlawh March thla thleng hi kan pe nghal leh vek dawn a ni tih kha MLA ten mahni bial chhung atan lo hria se tha in ka hria ani.

Tin, Grant-in-Aid ang chi a han sem te kan han nei a, nichina an han sawi ang khan. Heng hi tumah thliar lovin, kan House Leader phei chuan heng ang te hi inthliarna chi a nilova tih hi min hrilh tawh a. Chutiang chuan kan inthliar lo viau in ka hria a. Amaherawhchu, a quota ang zawnga kan Relief and Rehabilitation Minister zahawmtakin Silpauline 50 theuh a tih ang ngawta tih hi chu ka tum lem lova. A chhan chu, need base-a kalpui tha ka ti a, YMA, NGO harsa tak tak, thingtlanga indin lo thei silo te, chungte tanpuina tur chu a ni a. Khawpuia YMA deuh leh engemaw te an awm chuan ka lo hau ve thin a. Nangni khawpui YMA te, NGO, MHIP a ni emaw, nangni Aizawl khawpuia bazaar thei te hi chuan heng hi chu beisei lo hram u te kan inti a.

Chutiang chuan tlema harsa deuh zawkte tak tak tanpui nana hman thin a ni a. Amaherawhchu, chutiang mamawhtu kan bialah te an awm anih hi chuan a hunbi pawh a awm chuang lova. Kan sawi thin anga engtiklai pawhin kan inpe thei reng ani tih kha hre tlang ila a tha awm e.

Tin, kan Member zahawmtak ina Art Gallery chungchang entiang hman tangkai tur nge a nih? Tu kutah nge awm ang? a tih kha, nia, khu kan han thawk a, kan thawk zo thei tep tawh a. Amaherawhchu, duh angina hna a kal chak thei lova. A thenin a thawh zawh phawt loh chuan a thenin kan hna kan tan theih loh te a awm a, chutiang chu a ni a. Hei hi chu Sorkarin kan zawh fel veleh kan ram tana tangkai thei tur ang berin a enkawltu tur Department a ruatah hlan mai tur a ni a. Chutiang chu kan kal dan tur a ni ang a.

Tin, Forests Dealer Act chungchangah Session hmasa khan Pu Speaker, kan han passed a. Tichuan, Notification kha tun March-ah khan kan han chhuah deuh chauh a. A chhan chu, Law Department-ah enfel tur tamtak a awm a, a effective date-a kan Mizoram House in 2009, December, 31 kan han tih te kha a felhlel deuh em? Central-a rampuma effective date hi kan tihdanglam theih a ni em? tih tepawh kha Law department lam ten an han zirchiang leh a. Tiang chuan Notification kha tun thla khan kan han chhuah thei tawk a ni a.

Tin, hemi passed anih hma hian a Village Level leh Block Level leh Sub-Division te, District te, State Level Committee kha lo siam tawh a ni a. Chung zawng zawng chu Law Department atangin a thara siam vek nisela a

rawn ti leh ta a. A ram pek lam kha chu kan la buaipui hman lova, a Committee, Village Level leh State Level thlengin din turin buaipui mek a ni a. Kan theih anga chaka kalpui tum a ni a, hemi atan hian Central in nuai 35 vel min rawn pe a, nikum kum lehah. Amaherawhchu, he dan hi helaiah kan adopt mai loh avang khan a sawngkawn deuh a. Heng atan hian kan State Planning lamahte pawh a initial stage tan hian sum pawh dil ila tha in ka hria a, kan dil hial a.

Tin, Pu Speaker, hemi pianphunga rualbanlo te hi Central Sorkar pawhin a ngai pawimawh a. Supreme Court pawhin a ngai pawimawh a, order tepawh kan hmu thin a. Hemi atana Person Disability Commissioner Office te pawh hawng turin min rawn ti zing tawh a. Sorkarah proposal kan siam a, Planning Department te leh DP & AR pawhin kan dilna hi post te engkim min phalsak vek tawh a. He office hi Central Sorkar pawhin leh a Act pawhin a phut anga ti theuh tur kan ni a. Amaherawhchu, hemia thawktu tur Staff hi Deputation a fill-up tur khan Finance lam atang khan a rawn let thut avang khan khatiang tur kha chu kan nei bik ta silova, Department in. Tin, Sign language tih te a lo ngai a, Department atangin thiamsa kan lo nei lova. Chutiang chuan hemi a post min create sak fill-up pawh min phalsak a, a mode of filling hi deputation anih avangin he Department hian harsatna kan nei a. Hei hi kan Sorkar-ah kan thlen leh ang a, anni pawhin chung kan harsatna hrethiam chuan he Office hi kan tan theih thuai dan min ngaihtuah pui thei mai tur chuan kan ngai a ni.

Tin, Multi Sector District Development Plan for Minority Concentration District tiha Lawngtlai leh Mamit chungchang kha an han sawi a. Pu Speaker, hei hi a tirah kan State hianin Matching ngailo tura ngaihna a nei a. Hemi atan hian Project tepawh a siam a, a theih angin a han theh thla a. Amaherawhchu, tunhnu-ah hian matching ngai tur angin a rawn kal leh deuh tlat mai a. Chungte chu engtinngge ni kan Sorkar hian a ngaihtuah ang tih te a ngai a. State Level Committee tepawhin tunah hian a ngaihtuah a ngai a, tunah hian sanction te pawh kan han hmu a, a fund tepawh min rawn release a. Lawngtlai District atan Health Sub-Centre 18 sakna te, IAY mi 750 pek tur te, Mamit District atan mi 180 pek tur tepawh min rawn release a. Amaherawhchu, tunah hian Sorkar-ah heng pawisa te hi kan han dil a, a matching na tur ang kha State Sorkarin kan lo la tihfel chiah loh avangin engtinngge min release phawt dawn nge kan hre lova. Tichuan, Development sum tamtak heng District atan hian Social Welfare kaltlangin minority Ministry, Central Government atangin sum ruahman a ni. Chu chu nichina member in an thailan kha ka sawi theih nisela.

Nia, Pu Speaker, kan Department hi Social Welfare te hi mi, an pianhma atangin kan enkawl a, an thih hunah pawh tanpuina kha eizawngtu ber a nih a, a thih chuan a nupui fanau te tanpuina kan la pe a. Vawiinia kan Department hi Mizoram mi zawng zawng hawlh a ni a, churang chuan kan zavaia kan pass theih pawh hi ka ring a, pass tepawh hi rawn dil ta mai ila tha in ka hria a. Sawi tam tawhlo mai ila, kan House Leader zahawmtak ka hnungah a awm a, tul a tih ang te engkim rawn sawi thei a ni tho bawk a, Pu Speaker, pass ka rawn dil mai ani e.

Dr. R. LALTHANGLIANA : Pu Speaker, kan sawi tawh ang khan hetiang anga Democracy Principle palzut a, kal ringawt mai hi chu fello kan ti a. Keini chuan a han sawi atang khan min hmin lo a ni, min hrethiam ula, kan pass pui lovang.

Pu P.C LALTHANLIANA, MINISTER : Pu Speaker, a hmin leh hmin loh lam kha ka ngaihdan pawh a nilova, Pu Speaker, ka demand 19 na Local Administration Department Rs. 41,61,22,000/- , Demand No. 29 – Social Welfare – Rs. 70,81,92,000/-, avaiin Rs. 112,43,14,000/- te hi he House zahawmtak hian min pass pui turin ka dil e.

S P E A K E R : Awle, Minister in a demand te a rawn wind up a, pass a rawn dil bawk a. Demand No. 19 – Local Administration Department – RS. 41,61,22,000/- leh Demand No. 29 – Social Welfare – Rs. 70,81,92,000/-, a vaiin Rs. 112, 43, 14,000/- te hi pass remti apiangin ‘remti’ ti rawh ule. Remtilo kan awm chuan ‘remtilo’ ti rawh u le. Awle, helai Hall chhunga awm zawng chuan remtih a ni a, amaherawhchu kan unau MNF Party ten Dan kan lehlin dan/ dan kan pawm dan te a in an loh avangin pawm theih loh an nei a, an chhuak ta rih a, a paw khawp mai.

Dan te hi lehlin dan chi hnih chi thum hi a awm reng a. Bible hrilhfiyah tepawh hi hrilhfiyah dan a inang lova, inhnial vak te hi a awm ve chawk a nia.

Awle, Pu P.C. Lalthanliana, Minister zahawmtak Demand No. 19 – Local Administration Department – RS. 41,61,22,000/- leh Demand No. 29 – Social Welfare – Rs. 70,81,92,000/-, a vaiin Rs. 112, 43, 14,000/- te chu House in a passed ta a ni.

Pu P.C. LALTHANLIANA, MINISTER : Pu Speaker, ka lawm e.

SPEAKER : Tunah chuan Pu Lal Thanhawla, Chief Minister zahawmtak wind up turin kan sawm ang a, a wind up zawhah pass dil nghal sela, ilo sawm ang.

Pu LAL THANHAWLA, HON’BLE CHIEF MINISTER : Pu Speaker, vawiin ah kan discussion hrim hrim a pumpuiin a lawmawm hle a. Opposition unaute pawhin a tul hun ah chuan inthlahrung miah lovin kan Sorkar hotute leh kan Minister-te an hnathawhte an fak thei a, a lawmawm a, a puitlin thlak a. Tin, sawisel hunah leh min chhuahsan hunah huaisen takin an chhuak mai a. Thahnem ngaihna vek a ni a. Thahnem ngaihna hi a inchen thei lova, engpawhnise vawiin a kan discussion pumpui hi a lawmawm in ka hria a. Chuvangin lawmthu ka sawi duh a ni.

Participate a tha hle a, kan sawi tlangpui pawh a tha a, chuvangin kan sawina atang khan engemaw thin han khei zawng zawng deuh, vui leh vai zawng deuh tak te leh a in kher zawnga sawite a awm loh avangin tam tak react pawh ngaiin ka hre lova. Amaherawhchu, tun session chung leh question te leh khawi lai lai emaw ngaihawh zawng sawi naah khan vei riau te kan nei hlawm a, chungang daih te pawh chu kan sawi daih dawn a ni. Hemi a reaction tur ah hi chuan react tur tam tak a awm lem lova, member te rawn sawina atang khan a tha duh zawng leh advice lampang kha ani mah mahin ka hria a. Chuvangin tamtak han sawi tur a awm lova. Tin, hrilhfiah ngai tam tak a awm mai thei a. Chung chu ka hrilhfiah theih chin chu ka hrilhfiah a nga, ka hrilhfiah theih loh phei chuan, hun dang ah kan sawi leh turah ka ngai a ni.

A hmasa berin Pu Speaker, Pu Hawla eiruk thubuai hi tuipei an awm a, kan MLA te zingah, ka sawi duh tlat a, sawilan tho anih avangin. Tin, Pu Speaker, a rei phah lovang a, ban hma loh kha i hlauh em avangin hei kan member dangte pawh an inthlhrunga, a chhan chu hemi kan zawh hnuah hna kha ala tam avangin.

Pu Hawla eiruk thubuai hi a tira a chhuahna tak chu Rev. Zairema leh Pu Bualhranga ten Supreme Court ah PIL an theh lut a ni. Tichuan Biakin ah kan inhmu nghe nghe a, Pu Zairema hnenah phei chuan hei hetiang thleng thleng inlo vak thla ve a, avan lawmawm ve, engtik ah nge kan inah chaw in rawn ei hman ang, thingpui tal kati a. An hman loh tur thu a sawi a, thingpui tal pawh kati a. Tin, engti tura lo kal reng reng nge in nih le kati a, Buala lehkhabu buaipui tura lokal kan ni ati a. Pu Buala teh reng pawh chu engtizia nge Dawrpui ah Upa nih te atum teh reng nen, ram a hlat deuh tak avanga a in khawm loh le, te kan ti fiamthu hlut a. Amaherawhchu a hnuah khan Dr Silvera'n min hekna PIL case, Supreme Court-a thehlut tur a lo kal a nih thu min hrilh a. A nih tak chu, "engpawhnise Pastor meuhin dawt chiang bang a sawi avangin a hlawhchham dawn a nih chu, a malsawm dawn lo a nih chu! tih kha ka comment a ni mai a.

Tichuan, a tawi zawngin Supreme Court in an en a. Politics a in erna thil a ni, tiin an dispose a ni. Supreme Court ah hian 'dismiss' word an hmang lo a ni awm e, 'dispose' an ti a. Chief Justice pahnih hman an ni hman a. Tichuan an ti nawn leh a, tah chuan Chief Justice te chuan, Division Bench an niin ka hria a. A titute hi prominent citizen te an nih bawk avangin, khilailah an duh chuan FIR theh lut mai rawh se, Mizoramah, an ti a. Tichuan FIR an theh lut a, ACB-ah chu chu ka hriat veleh Chief Secretary leh IGP hnenah Police Officer in neih that ber, tham theih loh tur leh Chief Minister in a influences a ni, an tih theih loh tur min chhuitir rawh u, ka ti ngat a ni. Min chhuitir rawh u," chutiang a ti chu an van viau ka ring. Hun hmasaah khan chutiang chuan lo ti ngam sela chuan tun thleng thleng khan van hlui, floor bo, tih vel kha a awm ka ring lo.

Tin, chumi hmian he House ah hian Lunglei Greater Water Supply chungchangah, vaibelchhe tam tak Lal Thanhawla, Chief Minister in a eiru, min

tih avangin he House ah ngei hian Speaker zahawm tak hnenah House Inquiry Committee din turin ka ngen a. Chutah chuan min puhtu te ngei hi Member an ni ngei tur a ni, ka ti a. Tichuan, Speaker-in min tih sak ta a. Thla ruk hun a pe a, hun an dil belh a, kum hnih lai an enquire a, Bible tiat awrh a chhah hi enquiry report an pek ah chuan he Project ah hian Chief Minister Lal Thanhawla hi an conclusion ah chuan lo inrawlh deuh se chuan tun ai hian sum hi an seng tlem deuh mai thei a ni, tiin an ziak a ni. Crore tam tak eiru a min puhna ah khan chutiang chuan Pu Speaker, eiruk leh kut tlinglo a sum lak chungchangah hi chuan ka cho zel a ni, Pathian khawngaihna leh ka thiante zarah leh nu leh pa zarah. Tichuan, min chhui ta a, Pu Joseph Lalchhuana leh a hote an dah a ni.

Vawikhat chu appointment an rawn dil a ni awm e, ka Secretary te, private Secretary te through in kei chuan Police Officer ten accused an chhui naah appointment an dil ngai hlei nem, an remchanna hmun hmunah Police Thana ah te an kova, an kal duh loh leh Warrant of Arrest nen an pe a, an man mai alawm ! “Engatinge anni hian appointment an rawn dil”, ka ti a. Tichuan Police Station ah, Thana ah min ko ta a, ka nupui fanau te nen kan kal a, statement an duh tawkin an la a. Tichuan, Supreme Court ah an theh thla leh a, theh thla tura tih an nih angin Supreme Court chuan a rawn disposed leh ta a ni. Kan hun laiin Supreme Court in a rawn disposed tak avang khan kan sorkar khan engmah ti lem lo khan a awmpui ta mai mai ni ngei tur a ni a, trial tu Magistrate pawh dah a ngai bawk lem lova. Chutiang chuan hun engemaw ti chen chu a awm ta mai mai a ni. Kum 1998 inthlan ah Regional Party zawng zawngin min tih rawn avangin kan tla ta a. Tichuan, Pu Speaker, kan tlak hnu kar hnih/khat lekah khan John Neihlaia, Commandant 1st MAP an rawn tir a, ka in ah, ani chuan, “Hei ka pu, kan chhui dawn che a, sorkar tharin chhui tur che in min ti a, engtinge ni ang”, a rawn ti a. “E, chhui ka nuam khawp ang chu, in duh ang angin min sawi ang chu. Hnungkhirh lai ka ni a, engmah tih theih ka nei lo. In duh tawkin min chhui dawn nia”, ka ti a ni. Tichuan, nasa takin min chhui ta a. India ram khawpui zawng zawngah Lal Thanhawla property te, Bank-a a thuhruk te an zawng nasa a ni. An vannei phian ang, India ram khawpui lian zawng zawngah khan free takin an kal phah thei a. Chutiang chu a ni, a rawn intan tirhna a kha.

Tichuan, thubuai Supreme Court in a disposed tawh, thi tawh anga awm a kha sorkar hmasa khan an sorkar tuk atangin an ti thar leh a ni, tih pawh hi House zahawm tak ka hrilh duh a ni. Tichuan, min charge na pawh kha a lo tam khawp mai a, a verdict an deliver dawn ni khan min sawina ah khan min lo charge teuh mai a, chung pawh chu ka lo hre lova. Tin, thuhretu 56 an nei bawk a ni, case min siam saktu sorkar khan. Tichuan, thuhretu zawng zawng chuan, pakhat mahin Lal Thanhawla eiruk emaw, diklohna emaw an sawi lova, Chief Engineer hlui pakhat phei chuan, “Dik taka thil tih ka duh a, tunah duhsak bik ka nei lova, dik takin hnathawk rawh u”, ka lo ziakna file kha a produce nghe nghe a ni.

Chutiang chuan he case hi a ni a. Tuna Judge zahawm takin a han dismissed a, min acquit ta mai hi an tan chuan a hrilhai thlak hlein ka ring

a. A chhan chu, ‘inthlan dawn apianga Mizorama politician eiruk thubuai nei awm chhun khu Lal Thanhawla a ni a, Jail ah a tang dawn a, an in candidate thei dawn lova, chaw pawh an chhum kep tawh’ tih thin a kha a awm dawn ta lova. An hrihai viau ang tih ka hlau khawp mai. Chuvang chuan a veiawm loh theih loh a ni. Tichuan Pu Speaker, he case hi, kha kha a tlangpui, a tawi thei ang ber a ni a. Court ah wawi 2 (hnih) min kova, ka kal ziah a. Hemi judgement deliver ni pawh hian khami chhuitu officer kha chuan dawtin min la hek ta cheu a, mahse, chu dawta min hekna chu dawt chiang a ni tih ka hriat chian avangin a sawi chhuak nghe nghe ni pawhin ka hria a, Judgement a deliver ni khan.

Tin, he thil hi kha sorkar khan a ngaihsak khawp a, a khat tawkin khatih laia public prosecutor Upa H. Lianhrima hnenah khan advised pe in Chief Minister Adviser K.V. Tlangmawia kha a kal thin a, a zuk zawt thin a ni. A zawh zin deuh avang khan a ning ta nge ka hre lova, kohhran upa zahawm tak a ni a, mi lehkha thiam a ni a. A! Pu Hawla hi kraws ah in kheng bet dawn emaw in ti a, judgement an deliver ni ni hi Lallukhum in khum tir ni a ni ang, tiin a lo chhang a. Chief Minister kha a thin a rim a ni ang, a tukah dan kalhin public prosecutor upa H. Lianhrima kha a dismissed ta a ni. Tlai dar 4:00 ah dismissed order a pe a, sorkar danah chuan sorkarin a ban dawn chuan, an one month notice a pe ang a, tin, public prosecutor kha a ban dawn chuan one month notice sorkar a pe tur a ni. Chu chu zah lovin an palzut a ni.

Chutiang chu a ni a, chuvangin he case ah hian an inrawlh chiang tih a hriat a. Tin, khatia thubuai an siam mai kha duh tawh lovin siam belh dan kha an zawng zel a. Kan Tlabung chungchangah he House zahawm takah hian MLA te table ah hian inhekna, Lal Thanhawla hekna, tuma sign loh kha a lo awm a ni. An hre vekin ka ring a, tunah khatih laia Member zahawm tak te kha an awm a. Tichuan, chu lehkha, tuma sign loh chu a tawp ah khan Chief Minister khan hei hi ka tih a ni a, ka hming ka lo sign lo a ni, tiin a sign chawp leh ta a. Khami hmang khan thubuai an siam belh leh ta a ni.

Chutiang chu thubuai kalphung chu a ni a. Chuvangin helaiah hian sawi chian law law a thain ka hria a. Kei chu inhekna a awm phawt chuan tun term-ah pawh hian ka in chhui tir zel dawn a ni. Chu chu House zahawm tak hi ka hriattir duh a. Chutiang khawp chuan kut tling lo a sum lak hi Pathian khawngaihna ka nu leh pa zarah ka duh lo a, ka mamawh bawh hek lova, chutiang chu ka dinhmun a ni tih hi House zahawm tak ka’n hriattir duh a ni. Chuvangin he thubuai hi an sawi fo avangin leh an tuipui em em avangin, rawn sawi lang leh thin helaiah ringawt pawh Pu Hawla eiruk thubuai ti ngat duh an awm avangin kha kha ka eiruk thubuai awmdan tlangpui a ni e tih ka sawi duh a ni.

A lehlamah chuan Aii Puk chungchang pawh Mizoram-in kan hria a, helaiah hian an insual phah a ni a. Zahthlak takin, chung te pawh chu Prism, kan Ramah hian vanneih thlak takin tlawmngai pawl corruption do pawl engemaw zat an awm a. SOSA te, Prism te, mi dang dang te, chung ho chuan tha hmemngai takin case an file zat zat thin te hi a lawmawm ka ti a. Aii Puk case ah pawh

khan an file a ni. Amaherawhchu, an sorkar hnuaiah an in chhui tir tha duh lova. Amaherawhchu sorkar an tlak takah Prism ten an nawr thar leh a, strengthen ACB ten an chhui dawn khan Aii Puk bang te kha a chim ta rum rum anih kha. Mizoram kan hria a ni lawm ni. Chutiang chu a ni a, chuvangin he Pu Hawla thubuai hi sawifiah tul ve hrim hrim a ka hriat avangin Pu Speaker, kan sawifiah a ni. Vawiina kan demand-a tel miah lo, amaherawhchu, he House-ah hian a ri reng a, pawn lamah a ri ve reng a. Chuvang chuan han sawi ve hrim hrim ka duh a, ka'n sawi talh a ni.

Awle, demand an sawina kha kan sawi tawh a, ka'n comment tawh a a lawmawm ka ti a. Hei Legislative Assembly hi hna an thawk tha khawp a. Tunah hian heng document zawng zawng hi Gazette tenen lam hemi House Proceeding zawng zawng hi an computerized vek a ni. Kan Speaker zahawm tak ho hian. Chutiang khawp chuan hna hi an thawk tha a, efficiency pawh hi tunah hian nasa takin a sang tawh a. Tin, thil dang tunah hian tih mek an la nei a. Helaiah hian a note ka nei a, engpawh nise kan Member ten an web-side-ah pawh inluh theihna turin an Address-te pawh innei a.

Tin, chubakah Printing Press te pawh an nei dawn a. Tin, an website-a in luh duh dawn chuan W.W.W.Assembly.In a ni a. Heta tang hian chanchinbumite pawhin an hman tangkai sak hle tawh a. Hei hi thil lawmawm tak a nih avangin he House-ah hian Pu Speaker leh a staff te hnathawh hi sawilan loh rual loh a nih avangin ka'n sawi duh a. Tin, Printing Press hi an nei mai dawn a. Chuvangin tun hma zawng aiin hemi an neih hnuaiah phei hi chuan efficiency hi a pung zawk ang tih hi ka ring a, hei hi thil lawmawm tak anih avangin House zahawm takah hian ka sawi lang duh a ni.

Tin, Assembly Secretariat building Col.Z.S. Zualan a sawi tawh ang khan, hmannah an sawichhuah atang khan an ri chho ta zawt zawt mai a, kha a lawmawm khawp a, tunah hian Member hrang hrangte, group hrang hrang, Congress, ZNP MNF te tan pawh room nuam zawk te khalaiah kher lo pawh han in siksawina theih dan tur te an ngaihtuah tih min hrih a, a lawmawm hlein ka hria a. Tin, Parliamentary Minister te pawh hian helaiah hian Session chhunga Office a neih hi a tul ang tih te min hrih a, chuvang chuan tunah hian min ngaihtuah sak ani tih hi House zahawm tak hnenah kan sawi duh a ni.

Tin Pu Speaker, sawi lan leh zauh thin a awm a, kan zavaia hriat a tha ka tih avangin kan sawi duh a. Millenium Centre kan ti a maw ni sawlaih sawn Dawrpui biakin chhakah sawn a awm a building tha deuh mai a ni a, a chhuanawm khawp a, a kalphungte dik deuh phei se chuan lawma au au turna tham a ni a, a kalphung a dik zan loh avang chuan a pawh khawp mai. Kan hun hmasaah khan sawlai hmun saw Auditorium changkang tak siam nana kan ruahman a ni a, chutiang chuan kan mithiam ten an design a, auditorium 2005 vel capacity a awm ang a, tin State Library a awm ang a shopping centre a awm ang a, changtlung tak a awm ang, changkang tak tin, a hnuaiah sawn underground parking a awm ang a tin, a ground level saw thlai thar tena an zawrhna tur thianghlim deuh phai lamah te ram hrang hrangin a an tih chumi awmna tura tih chu a ni a, tin foundation stone pawh urhsun takin kan Governor kal ta P.R.

Kyndiah khan a phun nghe nghe a ni, mahse, sorkar lo inthlakah khan ngaihawh hmasak berah an nei a, an ngaihawh em em nachhan pakhat chu thudik sawi mai a tha a, Lal Thanhawla hming chawia awm tur emaw an ti a, an enghelh em em a ni, vawihnih vawithum min rawn zawh tir a, an lalber berte khan. Mahse, ka hminga awm reng reng hi engmah hi ka duh lova, rawttu te pawh an awm a, mahse, ka remti reng renglo a ni. Chuta proposal-ah chuan khami kan sawi bakah khan Bazar phei Bungkaw n atanga kalphei a kawng pahnih karcheh a Dawr tereuhte te chep em em saw 15-na thleng sawn chu Auditorium building ah chuan rehabilitate an ni ang a. Tin, Pu Shillong-a In hmaa temporary deuh leh dan diklo deuh taka ram lo nei a, dawr lo nei ho a kha new market ah sawn thlak anni ang a. Tichuan sawlai saw hemi Temple square nuam tak kan siam ang hian kan siam ang ti a ngaihtuahna awm a ni a. Amaherawhchu, tisawn an ti chhe zo ta vek a hausa inah min siamsak ta a, a paw kan ti a ni, tunah sawn mihausa in a ni a, sum puka an sak ani a, a luahman leh sawtiang man sawn an la rul reng a ni. Aizawl khawpui laili berah mipui tana ruahmanna kan lo siamah mi hausa hlang chauh awmna tur atan leh an chenna tur atana an neih tur atana sawtianga ruahmanna awm saw a paw kan ti takzet ani. Chutiang chu millennium Centre hi ani a, sawtia han en saw chuan a tha khawp mai, a building pawh a mawi a, khawpui pawh a cheimawi ve khawp mai building tha tak a ni. Amaherawhchu, a rawn irhchhuah dan a kha a tha lova. Tin, a contract pawh kha sorkar khan Pu K.M. Biaksailova hnenah a award a vaibelchhe hnih lai a seng a ni. Chu chu zahpahna nei map lovin an thiat hmak a, A vaibelchhe hnih pawh chu an rul ta lovin ka hria. Ka hresual maithei a, chutiang khawpa rawnga sawlai saw nghaisak a ni tih he House member zahawm takten an hriatve hrim hrim hi ka duh. Chutiang chu ania, tin, an han nghaisak dante kha, a chang chuan underground tur atana kan laih tawh sa nil nialte kha tu leivungin emaw an han khuh leh a, tichuan achiang chuan an han paihchhuak leha, sawlai saw fur ah a diak thei em em a ni tih te kan la hre rengin ka ring a, chutiang a mumal lo taka nghaisak anih atanga lo chhuak a ni a. Tunah sawn, mi hausa sum ngah ngah ho in a ni ta ringawt mai saw a lungchhiat thlak ka ti a. Chu chu a tira kan hotute tum dan nen a inmilloh dan kha, member zahawm tak tak ten an hriat hrim hrim hi ka duh a, kan sawichhuak anih chu. Tin, Pu Speaker, MoU hi atul angin kan palzut reng a ni. Post atulna leh loh theih lohna ni a kan hriatah chuan kan thiat reng a ni. Amaherawhchu department tena kan indaihloh e an tihna zawng avang hian kan thiat mai mai lova, sum ina a support zel angai a, sum kan neih loh vangin.

Tin, Mizoram-ah hian India ramah chuan over staff sawrkar hnathawk ngahber State 3 zinga 1 kan ni a, a chhuanawm viau lem loh a ni. Tin, tuna ka inhmuhdan takah phei chuan ka tawng tu hriat thu ni suhse langin, waviina Mizorama sawrkar hnathawk zawng zawnga alo berah 25% hi awmlo ta in responsibility nei thlapin thawk ilangin tun-ai hian kan efficient zawk angem aw ! tih hi ka ngaihtuah tak tak a ni. 50 % thleng pawh hian in reduce ilangin, thawh tak tak tum, ram neitu rilru pua thawh tak tak tum rinawmna nen, taimakna nen, dikna nen thawk tak tak tum chauh hian min chalai se langin, tih tak tak tum theuh hian min chalai sela, za a sawmnga pawh hi bang then sela kan la kal that zawk ka ring. Chutiang chu a ni a, chuvangin a post creation hi kan tuipei hran pa ber lova. Amaherawh chu loh theih lohna ah erawh chuan

MoU a awm tih hi kan hre chhin eih lo. Chutiang chu kan kalphung a ni, tih hi helaia kan hotute hriat atan ka duh a. Tin, New Secretariat Complex saw, New Capital Complex an lo ti hi pawl kan ti a. Assam Rifles hnen atanga kan lak tih a master plan kan siam sawn “New secretariat Complex” kan ti a ni. Capital han dahna tham anih loh avangin.

Chuvangin New Capital Complex han tih hian tute hnenah emaw wrong notion a pe emaw chu aw tih turin biakin hmun dil te an tam a. Thlanmuala lo hmang ta mai mai te, leh private in hmun dil nawk te pawh an awm phah ta hial a. Chuvangin New Secretariat Complex tih tur a ni, tih hi a tir ah pawh kan vuah dan a ni. Capital Complex han tih tham a ni eih lo bawh reng reng a.

Tin, nichinah khan member zahawm takin MLA motor te pawh min dah chhuah tir zela tih kha hmanni Secretary rual an thu a, sawlai chhung saw a che em vangin civil motor te hi chu pawn lamah dah nise, tia an rel na ah khan, MLA te an tel miah lova. An rilru a ngaihtuahna ah pawh an tel lova. Amaherawhchu sawlai duty ten an thahnemngaihna in chutianga civil motor chu ti a, chhuak leh zel tura an tihna ah khan kan MLA zahawm tak te kan lo hmer tel palh a ni a. Tun hnua ah chuan kha kha a awm tawh lohna turin kan hotuten an lo en dawn a ni tih House zahawm tak hi kan hriattir duh a ni. Tin, tunah sawn Kohhran in biakin ah te an dil ta nual a. A then pheih chu pek loh theih loh te an ni dawn em aw tih khawpin a buaithlak ta a ni. Tin, tawng thu chhe lo ah Kohhran hi kan tam nasa mai a, Kohhran tinin han dil pheih se chuan Sorkar hian kan changlo tep emaw dawn a ni ang a. Chutiang chu a nih avangin Capital Complex alo ni hrim hrim hi a pawl khawp mai.

Tin, Pu Speaker, Governor tih kha tunah hian Raj Bhavan khi heritage atan Intac lam atang hian anlo puang emaw ni, heritage building atan, chutiang a nih kha chuan khawih danglam hi a har khawp mai a, mahse tuna kan han zawh chian chuan chutiang declare na chiah chu a awm lo e an ti a. DC. Office erawh khi chu an declare a ni awm e. Chutianga declare a nih kha chuan brick pakhat pawh hi kan remove theilo a ni. Chuvangin Raj Bhavan hi chu sak that loh chi ani tawh lo a, tunah chuan chuvangin engtin taka kalpui tur nge tunah ka hrelo a, sum chu a awm a, a sir atangin servants quarter leh staff quarter vel atangin kan han sa tan a. Tunah khian tha takin staff quarter chu an peih tawh a, a main building leh a guest room vel ho a khi la tih tur a ni a. Tuna dinhmun tak khi ka sawi mai theilo nain hman ni a Governor nena kan sawi dun ah chuan, ti chhe lova a chung lama sak zawm dan te pawh hi a awm thei dawn lawm maw ni le te a ti a, Amaherawhchu a heritage building a nihna kha chu khatiang tak kha chuan a protect thei chuanglo mai awm mang e aw, tih ka ngaihtuah a. Engpawh ni selangin chutiang hmunah chuan kan ding a ni, tih kan sawi duh a ni. Tin, Pu Speaker, Power hi kan ngaipawimawh a,

Pu LALDUHAWMA : Pu Speaker, lawk khawngaihin, Helai kan Assembly building thar tur kha, khu Parliament ah te chuan Prime Minister leh Minister ten room an nei vek mai a, dawr zung zung kha an awl khawp mai a,

Kan Chief Minister te kan Minister te hian kan new building ah hian MLA te pawh kan han luh a, kan han biak zawk zawk theih tur hian room neive ta se a rem khawpin ka ring. Khatiang tur provision kha ngaihtuah tel a ni em aw ?

Pu LAL THANHAWLA, HON'BLE CHIEF MINISTER : Pu Speaker, thil pawimawh tak a ni a. Nia, Delhi ah te chuan an neia, session laite pawn a hmunah an dawr zung zung thei a remchang khawp a. Helai ah hian tunah hian kan chep chung chung hian Chief Minister tan chuan pakhat chu an ruahhman a ni a. Luahlai mek kan neia, A tharah khuan kan leng ang em ? ka hrelowa, engpawh niselangin kan hotute nilruah chuan a awm ka ring a, Speaker zahawm tak i rilruah pawh a awm ka ring a. Engpawh ni selangin ngaihtuah atana pawimawh tak a ni a. Hmun dangah chuan an nei nual hlawm a. Ama'rawhchu, State thenkhatah erawh chuan a complex-in a zawh bik loh avang khan Minister zawng zawng tan chuan an nei hranpa chiah lova. Amah'rawhchu, ka tawng tu huatthu suh ah Minister-ah pawh tlema a portfolio avang te a pawimawh bikte an awm avangin tunah pawh hian Parliamentary Affairs Minister tan chuan helaiah hian office chu a nei ngei dawn lawm ni tih chu Assembly Secretariat a kan hotute rilruah chuan a awm a ni.

Hydel Project, Power chungchang hi ni e, Pu Speaker, a pawimawh avangin Sorkar pawhin uar kan tum a. Bairabi Hydel Project chungchang te kha chu hmanah khan ka sawi tawh a, tunah chuan ka sawi tawh lo mai ang a. Member zahawm tak Pu Lalthansanga khan arawn raise nain a awmdan kan sawi fiah tawh a. Kan awmlah chungin compensation component kha a lo sang chho leh zel a, engpawh ni selangin, a multi-purpose nihna lai hi a pawimawh a. Chuti chungin Inland Water Transport te pawh hian tlem tlem hna chu thawk zelin an kal chhohpui zel a. Hemi inland water transport convenience atan chuan tunah pawh hian sum Vaibelchhe tel kan nei dawn a. Chungte pawh chuan kan la thawk zel ang a. Engpawh ni selangin, a tul anga la ngaihtuah chhoh zel tur a ni a. Tunah hian rel kawng survey hi an thawk chak hle a. Hemi hi a kal chho bawk nen lo khuap thei ngat pheii la chuan tourist spot atan te pawh a tha viau maithei a. Ngaihtuahnaah hian a la thi chuang lova. Hemi a pipe line-ah hian a la awm chho zel a ni tih kan sawi phawt ang a.

Tin, thil dang ka sawi hmaih, tukinah khan sawichhuah a awm avangin hemi hi khawiah nge a awm tih kha han sawi thain ka hria hei soil capacity hi 815 a ni a, hman ni lawka NEEPCO te leh kan Sorkar Power department tenen a MoU an sign a kha, tin a river dik taka hi Tlau lui a nia, tin a dam side awmna tur hi Lungreng tlang bualah a ni a, tin a power House erawh hi chu Thingsaiah locate a ni daih dawn thung a ni, hemi copy hi member zahawm tak ten an duh chuan kan la in pe thei ang a. Tin, a lui kal chhukzelah hian Lungkawlh Lau lui in rawn pawhna a ni a, Serchhip District-ah awm, tin hemi dam side a awm khua hnaiber chu Ngharchhip a ni thung a ni. Amaherawhchu Power House hi Thingsai-ah a awm daih dawn thung a ni. Tin hemi Power House hi tunnel pahnihin zawmin tiang chuan Turban generator 5 megawatt 163 pe chhuak thei kha locate a ni dawn a ni. Tin, Burma nen a kan

in ri na helai a nih vangin, a tuikhuah chanve deuh thaw hi chu Burma ram lamah awm tur a ni, chutiang vel chu a ni, heng pawh hi in biak rem mek a ni a. Tin an ni khi tunah India Sorkar-in khimi an ram chhung lui lian deuh deuh an khuah theih loh te khi khuah saka Power in sem dan te an ngaituah meka, Ministry of Power khuan, chutiang vel thleng chuan in ngaituahna a chho a ni. Tin NEEPCO-te hian a tul zawng zawng an thawk ang a, tichuan Survey leh Investigation te a tul ang kha an thawk dawn a ni.

Tin, Chhimtuipui Hydro electric Project. Hei hi Bawinu an ti a. A tirah khan minrawn hrilh ve pawhin bawinu an ti a. Hmanah tun hma tawhin. Amaherawhchu, Bawinu tih hi Mizo tawng dik taka dah zawk ni se kan tih avangin Chhimtuipui an rawn ti ta a. A install capacity hi Megawatt 635 a ni dawn a. Tin, a lui hi chu Chhimtuipui a ni mai a. Dam site hi Salborka Pangrang khaw bulah a awm dawn a ni. Tin, Power House hi Fungkah khaw bulah a awm dawn thung a. Tin, project hi a hma ami ang bawk khan NEEPCO hian survey & investigation, engkim an ti ang a. Tin, hei pawh hi Burma nena kan border bawk a ni a. A chanve deuhthaw hi chu Burma ram lampanga tling tur anih hmel bawk a ni. NEEPCO bawk in a tul ang angin hei hi an thawk leh ang. Tin, Mat Hydro-Electric Project saw kan hun laia DPR te tih tir a nih khan Chhimtuipui Phase-I kan ti daih a ni. Chuti lai a awm dan ah chuan, Chhimtuipui nen Rotlang West saw an verh tlang ang a. tiang chuanin, Power Generator in an ti ang a. A tir a an proposed chu 16 Megawatt a ni a. Amaherawhchu, a aia tam zawk Megawatt 100 lai pawh hnukchhuak thei tura an tih dawn chuan tuna Mat lei saw a chim ang a. Nimahsela, a dam kotlang atang khan motor kawng kalin tuna Lunglei leh Aizawl inkar hi 9 kms an ti nge 13 kms an tih ka hre chiang tawh lova. A rei ta deuh a chutianglai chuan a tawi phah dawn an ti a. Amaherawhchu, tuna an han tih that leh hian chu chu kan hun lai khan ti nawn leh turin kan ti a. DPR hi kan dawng hman ta lo a ni. Tichuan, tuna an han tih that lehah hian Megawatt 76 a ni dawn thung a. Tin, a dam side hi Zotlang East Lunglei District chungah a awm anga. A hma ami ang khan a tul ang zawng zawng hi NEEPCO in an thawk ang ti a inremna kha sign a ni. Tin, Tuirial hi a hmingthang a, hrechiang pheih se chuan hmingthang leh zual tur a ni a. Kan hunlai a khuap tur a puahchah anih lai khan kumpinu hun leh Lal hunlai atangin huan ro nei dik tak engzat chiah nge tih zawn chhuah tur kan ti a, chhungkaw 48 chiah an awm ani. Chuti a nih chuan notification Sorkar khan a chhuah a, helai catchment area zawng zawng ah hian a chak ber thleng pawhin tuman V.C Pass emaw, LSC emaw an nei tur a nih lo laiin notification kan chhuah a, chumi hnuah chuan Revenue Director te leh Assistant Land Settlement Officer-te thahnem ngai khan an lo siam teuh mai a, surveyor paruk, pariat vel lai nen chu chu kan hriat chhuah velleh kan hun hnuhnung lampang tawh ah kan suspend nghal a, nataka prosecute tur a proceedings kan draw laiin kan awm ta lo a ni. Tichuan kum 2 kum 3 hnuah pwh khan ngaihsak hlawhlo in kan hria a, kan hun hmasa a kan Power Minister Pu Thangliana te, Pu CL. Ruala te leh kan hotu dang dang te ho in kan zuk tlawh a, an lo lawm khawp ani, tuma tlawh kha an lo hlawh lova, an kawngte alo chhia a, an harsatna problem zawng zawng kha min lo hrilh hlawm a, engmah ni tawh lo kan ni a, kan ti theilo kan tih pawh in min lo hrilh a, kan theih ang ang chu Central lamahte kan han bawk saka an lawmhle a.

Tichuan 2003 velah khan compensation claim thei khulaia huan ro nei kha Champhai pa te, khawi khawia mi emaw kha 1060 vel emaw zet kha an lo awm ta hluai mai a. Chunggho chuan compensation dik lo takin an claim a, Sawrkar hnathawk enge maw zatin an lo tanpui bawk nen - tichuan compensation claim an karnaah khan khatilaia Chief Minister nau khan band a huaihawt a, thla hnih zet Band an ti thei a ni. Khawvela Band rei ber ani. Chuvangin Guinness World record ah pawh lut tlak niin ka hria a tuirial khu. Chutiang chu a ni khawvela Band rei ber a nih ka ring. Tin, khami band siam tur khan hmar tlangvalte ni khatah Rs 100/- hlawh an ni mai a, thla hnih el-euh kha band an siam thei a, Sorkarin engmah a ti lo a ni. Sawrkar kha a ngil neiin a zaidam hle a ni. Chutiang chu a ni a, chumi avang chuan a thuanawp ta kha a ni a.

Tunah hian compensation keini chuan kan pe dawn miah lo. Chuvangin min chhunzawm sak rawh u, kan tih avangin chhunzawm an tum a ni. Keini chuan kan pe dawn lo, khatiang dawt compensation kha kan pe dawn lo. Chuvangin min chhunzawm sak leh rawh u, kan ti a, dawt ka tih kha tawng mawilo a ni lova, dawt a nih avangin dawt ka ti mai a ni. Chuvangin an ri map map a, tunah khuan, tun ni 16 kha PIB a tawpna tur, hmawr bawkna tur thukhawm tur an ni a. Mahse, an han thukhawm a, High Court ah thubuai a awm niin an hria a, Prism-in CBI ina khami compensation dik lo kha chhui turin High Court ah an lo ngen a. Chu chu High Court khan a thut hnan rih a ni. A chhan chu Supreme Court ah similar case kha a awm a, khatiang case bawk kha Supreme Court-in decision a siam hma chuan Lower Court khan an lo siam ngam lova, mahse hmanni lawkah khan Supreme Court khan, Court ina, Constitutional Court ten, CBI chhuitu turin an direct thei chauh ni lovin, sorkar pawh rawn reng reng lovin Court te khan CBI chhui turin an direct thei a ni. Sorkar Concern of Board of Order tih thleng khan judgement order kha an siam ta a. Tunah hian an judgement an tih chhuah ve theih thuai a rinawm a. PRISM nge ni SOSA ka hre chiang lova, chu chuan CBI chhui turin an nawr mek a ni. Chumi avang chuan in hrechiang leh phawt teh ang an ti a, decision an siam ta lova. Engpawhnise, hei hi chu Central Sorkarin min revise sak an tum a. Tin, NEEPCO ho pawh an in tuai thar leh mek a ni, tih hi House hi ka hrilh duh a ni.

Tin, a dawt lehah chuan 200 mega watt Tuivai khi viability gap grant pe a, min tih sak kha Central Sorkar khan a remti a. Tichuan, 75% kha min pe ta selangin, 25% kha kan pek ve tur tiin an han rawt a. Mahse, kan neih loh avangin Asian Development Bank ah, kan kal a tin, Manila-a kan awm lai khan he proposal hi a lo kal a, a concern official te hnenah kan han bawhzui a. In awm lai ngeiin kan sanction ang, an ti a. Tichuan, an sanction mai pawh ni lovin, a pumpui kha Central Sorkarin a rem tih chuan min thawn a. Hemi Special Category Stage te an tih dan angin 90% grant, 10% loan anga min tih sak kha ADBA chuan an lo remti a. Finance Ministry-in a remti a, chuvangin ADBA khan tunah hian DPR tha tawh tak buatsaih turin, Consultancy Firm ruai turin Tender Notice an chhuah tawh tih hmanni khan ka hria a. Chu chu Tuivai mega watt Project atana kan dinhmun a ni a.

Tin, lo kha, Tuivawl te, Tuirini te, eng eng emaw a awm neuh neuh a. Chung ang chu Planning Commission Deputy Chairman nen kan in hmuh hmasak ah pawh khan PPP mode pe zung zung turin min advice a. Tin, ABB hotu lu ber ber te nena kan inkawmna ah pawh Manila ah khan PPP mode-in pe zung zung ulangin, a theih ang chin chin chu Finance Ministry-in a remtih chuan kan rawn support zel ang che u, min ti a. Chutiang chuan tunah hian kan kal mek a. Tichuan, nichina khang Lungreng te leh mat te kha chu PPP mode khan kan kal ta kha a ni a. Heng a bang zawng zawng pawh hi private company tam takin tunah hian interest min rawn hriattir a. Chungho te nen chuan anmahni remchanna kha rawn quote-in tiang khan kan la ngaihtuah chho dawn a ni. Chu chu a tlangpuiin kan dinhmun a ni a.

Tin, RGGVY hi hun hmasa ah khan inthlan dawn avanga thil tih kha a tam a, khatiang chi bawh kha a ni. A chhung khur thuk tak hi chu he House ah hian sawi lo zawk ila a thain ka ring a. Nakinah keimahni zawk kha min sawi chhiat loh nan emaw, tiang zawng khan dik lo takin sawi leh a awm ang tih ka hlauh avangin, chu chu ka sawi lo mai ang a. Amaherawhchu, a tenghneng a ni tih kha a dik mai a. He tah Officer te, Department Official te nena agreement ilo vel kha chu a tluang parh a, a tha mai a. Mahse, khami hnuah khan dawhkan hnuaiiah thil tenghneng a awm avangin World Bank kawng te ang hi kan hun laia kan tan tawh kha a ni a. Technical Assistance hnuaiia kan tan chhoh kha a ni a. Consultancy te ang pawh kha hmangin tiang khan kan ruai chho a, kan kal chho kha a ni a. 6/7 vela pension daih tawh tur kha a ni. Amaherawhchu, political pressure an pe ngam lova, an pe thei lova. Chuvangin hna kha a kal chak thei lova. Engemaw avang awm ve lo te kan lo luh hnuah political pressure kan pe a, a chak ta a ni, Pu Speaker. Chu chu a story chu a ni mai a, chutiang chiah chuan RGGVY te pawh hi a lo ni a. Amaherawhchu, tunah hian a pawimawh em avangin hei erawh chu kal chak tur kan ti a. Khami in a demand ang zawng zawng chi Member zahawm tak West-I bialtu in a rawn sawi ang chi Village Committee te pawh din a ni a. Member zahawm tak Pu Lianzuala rawn sawi, khi lampang a chak lohna chhan pawh kha a chak tawh na turin Village Committee din a ni a. Tin, State Level Committee pawh din a ni a. Chief Secretary hi Chairman a ni a, a kaihhruaina hnuaiiah tum hnih an thu tawh a. Chuvangin, tun hnuah chuan tlema rem chak deuh zawk kan tum a. In va muang ve, kum khat lai a ni tawh si a, in tih pawhin khatianga thil awmdan zawng zawng kha han chhui a, han hriat ve te te phawt kha a ngai a. Tin, a kalmang tur te pawh zir chawp kan ni a, thil hresa leh thiam kan nih ve loh avangin khatiang advertise chhung kha a lo rei deuh hret a, duh angin a chak ta lo a ni. He programme hi programme tha lutuk a ni a, chuvangin a chak thei ang bera kalpui ngei ngei tur chi a nih avangin tiang chuan tunah hian kan kalpui tan a. A progress pawh hi tunhma ai chuan a that sawt kan beisei a.

Tin, hemi N.P. Chakma, Member zahawm takin a company hming hi a in thlak emaw ni, tih te pawh kha. Khatia agreement sign hnuah khan an hming kha dan pangngaiin an lo thlak a lo ni a, tih min hrilh a. Chutiang avanga hming MoU sign na leh a hnuah a work execute tute a lo danglam tak na kha a ni, tiin min hrilhfiah a. Chu chu a awmdan a ni.

Pu LALDUHAWMA : Pu Speaker, khawngaih leh lawkin, Subject Committee lam atangin an va cover tur particular village-a expenditure te kha kan zawt a, min pe thei tlat lo mai. Kha khua ah khan BPL family engzat nge connection an pek dawn, ban engzat nge ngai, cable engzat nge ngai, kha kha estimate ah a awm vek awm si a. Khatiang han inpek theih loh tlat mai te kha a ngaihthat thlak loh riau mai a. Khang zawng zawng te nen khan khawngaih takinrawn en vek thei se, tih kha thahnem ngaih thilah kan sawi duh ani.

Pu LAL THANHAWLA, HON'BLE CHIEF MINISTER : Aw, kan ti ang. Tih chak ngai a ni a hei hi. A chhan chu thingtlang mi harsa zual te tan liau liau a tih a ni a. Chuvangin hei hi thut muangchan pui chi emaw, lo eiruk kaw chi emaw a nilo reng reng a. Mirethei ta chhuh saktu chu Bible-in an dinhmun tur a sawina em a, chuvangin chhuh sak chi a ni lova. Hun hmasa lamah a kal tur angin a kal lo a nih pawhin tunah chuan a kal tur angin kaltir kan tum a. Tin, a contractor te pawh hi an khawngaihthlak a, ei cher hnu kha an ni a. An tum angin an thawk chak thei bik lova, thawk chak ru, han tih ringawt pawh kha harsatna a awm a. Mahse, kan lo um chak ang a.

Tin, Tax exempt an nihna chhan kha chu thingtlang lam harsa zawk leh kilkhawr zawkte BPL te tana tih a nih avang khan State tam tak chuan Tax hi an exempt a ni. An thawh chak nan nge, engnge ka hre lo a. Chumi chu hun hmasa atanga entawn a nih avangin kan la kalpui chho zel rih a. Amaherawhchu, a tul a nih chuan a tul angin kan lo review ang a. State dangah chuan harsa zawk ten an lo exempt a nih pawhin keini State rethei tena kan lo exempt ve kher kha a tul em, a tha ber em? tih kha ngaihtuah theih a ni. Amaherawhchu, engemaw avanga exempt loh theih loh hi an awm nual hlawm a ni. Entirnan – nakina a State ina kan la re-imburse tur ang chi te kha a awm a, guideline hrang hrang hi a awm ve avangin chungte avang chuan exempt mai ilangin, kan in quit a ni mai alawm, han tih tul chi te hi a awm ve a. Engpawhnise, ngun leh zualin kan lo en ang a, a tul ang chu action kan lo la ang. Chu chu power lamah chuan ni tlangpui selangin.

Tin, Member zahawm tak, Aizawl West in a rawn point out kha a dik a. Teirei privatize khu a thatna riau kha kan hre tawh a. Chuvangin tuna kan Tlabung leh Tuipang lui te pawh hi privatize tur zawng khan tunah hian an tlar tawh a, siam repui te pawh Power Department in a nei tawh a ni. Chuvangin a tha tur ang leh a hlawk tur ang zawng, sorkar tana senso tlemna ang chi hi sorkarin a kal tum dan a ni a. Chuvangin khatiang zawnga kal tur khan hma chak takin a la a. Hemi pahnih te hi kan sawi tawh thin a, mega watt 6 ni nghal ve thei an ni a. Khing maicham te pawh khi mega watt 6 ni nghal thei an ni a. House hian mega watt 6 kan tih kha chuan kum sawm, sawmhnih, sawmthum pawh a duh mai thei a, Central-in an lo thiar chung a kha. Khatih laia kan power chu mega watt 3 a ni a, chuvangin khatih laia mi reng reng kha mega watt 3 te, mega watt 2 te a ni deuh vek a ni. Tin, khatia kan tih khan Central clearance a ngaih loh bakah Non-conventional sources of energy Ministry atangin 75% grant kan hmuh theih avanga chutianga kal chu kan ni. Kan Tlabung te saw kut tlinglo a sum lak nan lo hmang lo hmang lo sela chuan

tunah sawn a full-a chhi thei tawh tur kan ni a. Mahse, chutiang avang chuan a thuanawp a ni tih te pawh hi House hian hria ila a tha awm e. Chu chu a tlangpuiin power lamah chuan ni mai sela. Kha bak kha kan hotu thahnem ngai ten an rawn sawi engemaw zat an la awm nain a rei lutuk dawn a, kan Speaker kha a hmanhmawh riau baw si a, duh tawh mai ila.

Tin, Member zahawm tak Aizawl South-I bialtu khan a rawn sawi ri zauh a, Vaivakawn chep lutuk te, Khatla pheih chep lutuk ang te hi kan luh tirh phat atangin hotute rilruah a awm nghal a. Mahse, sorkar ah chuan a tlan puat puat theih loh a ni kan tih fo thin kha, chungte avang chuan kan tlan puat puat thei lo nain tunah hian engemaw chen chu Vaivakawn ah khuan progress kan nei a, tuna an in khu a neitute tlawmngai turin kan Minister thenkhat ten thian tha biakin an lo bia a. Tichuan, vantlang tan chuan thui tak inphah theiin, neih theihin a awm dawn niawm tak a ni. Chutih hunah chuan khulai khu square tha deuh hlek, Temple Square ang deuh te pawhin chutiang zawng chuan ngaihtuahna a awm a. Tun atanga reilote ah kan ti tan thei ang em aw, tih kan ngaihtuah a ni.

Tin, New Secretariat Complex pan pheina laia zunram ilo thiar na te pawh saw, Police Headquarter panna saw nawr pheiin, tlem chho zawk deuh mahse, sawngte pawh saw engemaw tia thian tha dawra indawr a, mipui vantlang tana tlem azawng min pek theih chuan, tiin chutiang chuan tunah hian kan dawr mek a. Beiseina sang tak kan nei a ni tih kan hotute hriat atan ka sawi duh a.

Tin, PWD hi vawiin ah hian kan hma a zau ta khawp mai a. Saw tah 100 km. lai atana vaibelchhe 680 lai min pek te pawh tunah hian verification, tender te chhuahin hna tan theih tura inbuatsaih mek a ni a. Tin, Aizawl ring road tur te pawh tunah hian proposal a la awm zel a. Tin, hemi National High Way 54 te pawh hi kan kuta dah a nih tawh avangin tunah hian kalpui mek zel a ni a. Amaherawhchu, hun rei tak lo hlamchhiah tawh te a nih avang khan duh angin a kal chak theih loh a. Tin, sum te pawh khulam atangin duh ang hun huna kan hmuh theih loh avangin helai atanga duh ang anga lo kalpui ngaihna a awm loh avangin duh angin kan chak thei lova. Tunah hian kan kal chak thei tan dawn tawh e, tih ka sawi duh a. Tin, Ropaiabawh atanga University kawng, tuna awm a khu sum leh pai a awm loh avangin repair pangngai tak tak bak chu kan la ti hlei thei lova. Amaherawhchu, University kawng a ni a, a pawimawh hle a, tin, University-a Vice Chancelor khu a fel khawp mai a, eng engemaw side kan neih loh avanga kan chan mai tur awm ang chi Miscellaneous Institution of Mas Communication te, NIT te bakah NIM te ang pawh Shillong ami khu rawn extent an duh a, an director nen kan in hmu tawh a, chungte pawh chu han accommodate zung zungna atan khulai ah khuan min lo phalsak deuh zel a, a theih ang chin chinah chuan. Chungte avang chuan khulai kawng khu University kawng a nih rual khan a pawimawh zual chhoh zel avangin khulai khu priority pek tur a ni dawn a. Chung hunah chuan heng hi la kal chho zel turah kan ngai pawt a ni.

Tin, hemi a ring road ang deuh leh nichina Pu Selthuama, West-II bialtu zahawm takin a sawi ang chin te kha tunah hian a kal chho mek a ni a.